

NU UCCUA TIEMPO QUI' CA APÓSTOL

LOS HECHOS

De Los Apóstoles

1 Titsa' nu bèdi'a' lo primer libro nna gutixa'ánia' lu', estimado Teófilo, iyaba ca cosa nu beni Jesucristua de bitée yetsiloyu, a'hua nu gutixe'e ántesca edi' Tata Dios bi yiabara'. ²Miéñtraste du rùe lani ca discípulo qui'áa nna gutixa'ánie cabi lani la'huacca qui' Espíritu Santo ti'i'ya ná nu guni cabi, porqui'ni labé becuí'e cabi nna guthel'le'e cabi para ccá cabi mensajero qui'e. ³Bitola de uccuee padecer nna gùttie nna, làniana enne! bàní tení gùdúe ru'a lo cabi iyé vuelta tsè' durante chua' ubitsa nna benie iyetse' ca cosa, prueba de qui'ni hualigani chi beyáthee de lo lù'uti nna beyacca bànie nna gutixa'ánie cabi acerca de la' rigú'ubia' qui' Tata Dios. ⁴Miéñtraste dùe jùntubá lani cabi nna gunènie cabi nna rèe: Bittu iria tè le le' ciudad Jerusalén, sino ná qui'ni cueda le hasta qui'ni ccá cumplir ca titsa' nu ra Tata Dios para lebi'i acerca de nu chía beyénini le gunní'a', ⁵porqui'ni Juáan nna hualiba beni bi bautizar

lani inda, pero alaáruhuá iyé ubitsa ga reyatsa para qui'ni ccá le bautizar lani Espíritu Santo. Anía ra Jesús cabi.

⁶De tsè'e cabi jùntubá lani Jesús nna gunàba titsa' tè cabi e nna ra cabi e: Señor, tsí guni cui'lu' qui'ni nación qui' ri'u Israel nna eyátta' la' rigú'ubia' qui'i tiempo tsè'e rí'u' cá. ⁷Becàbi tie nna rèe cabi: Labí ná qui'ni ccá le saber ca tiempo ñhua ca tsá señalado nu tsua' teruba Tata Dios yùe bi'ya gúnie. ⁸Pero canchu chi íl-lani Espíritu Santo lani lebi'i nna, la'a labé gúnnee la'huacca qui' le para qui'ni ccá le testigo quia' le' Jerusalén nna tsía le quixá'a le nu cca quia' ituba región Judea nna Samaria nna hàstaá ituba yetsiloyu. ⁹De beyacca gùnnie ca tìtsi'ì nna hua rinna' cànná bá cabi e nna déyyee yiabara' hasta qui'ni bèyye'e le' ttu bía, làniana labiru bila'ni cabi e. ¹⁰Miéñtraste rinna' cabi déyee yiabara' nna pruntu taá bitsina' chuppa ca ángel naccu' yó tsíttsi cabi nna, ¹¹ra cabi ca discípulua: Lebi'i ca enne'yu'

qui' Galilee, biecca rehuiní'ni le nna rinna'áru le rá' nì'i, pues la'a mísmuba Jesús enne' chì' bedà' taá ru'a lo le déyyee ÿiabara', pues á' bá itée attu ti'ba chi bila'ni li e déyyee ÿiabara'.

¹²Làniana bedà' ca discípulua lo i'ya láá Monte de Los Olivos nna deyya cabi Jerusalén ttu distancia nu ná permitido thá' ttu enne' tsá redi' latsi' ca enne' Israel. ¹³De betsina' cabi Jerusalén nna gutà'a cabi le' ttu yú'u nu de chùppa cùà'. Iqquia rá' lá nna tsè'e iyaba cabi. Entre làcabi nna tsè'e: Pedrua nna, a'hua Jacóbu nna, Juan nna, Andrés nna, Felípea nna, Tomás nna, Bartoloméa nna, Matéua nna, Jacobo ÿi'ni Alféua nna, a'hua Simón enne' reya cabi Zelótea, a'hua Judas aláa Iscariote sino bettsi' attu enne' lá bi Jacobo. ¹⁴Iyaba cabi nna tulidàba retùppa cabi nía runi cabi oración lani ca bettsi' Jesús a'hua lani María nàna qui'áa, a'hua lani adí ca niula creyente nna. ¹⁵⁻¹⁶Ttu vuelta nna gùduli Pedrua lahui' ca hermanos, làniana hua ná gayua' gàl'lia cabi tsè'e nía nna ra tè bi: Lebi'ni hermanos, uccua duella' ccá cumplir nu chi ra Espíritu Santo por medio de David acerca de Judas Iscariote nu gunéru lo canu bedàxu' cã Jesús preso. ¹⁷Lã nna gulàni huá intu', a'hua ttùba tsina nu cca qui' Tata Dios benia lani intu'. ¹⁸Lani bel'liu nu bete cã qui'j por mal nu beni naá nna huì'ini cã ttu loyu. Làniana dèsdèba ttu lugar ra' beduyú tè iqqui' nna bitsu' tè lì'j nna biria iyáÿiani ca tuye'e qui'j. ¹⁹Bina ba ca enne' Jerusalén

nu uccua lani a nna gutixa cã lá lóyúa Acéldama ttu titsa' qui'ba qui, pero titsa' qui'ba ri'u nna láá Loyu qui' Réni. ²⁰Porqui'ni riquixá'a Tata Dios lo libro Salmos làti rèe:

Yú'u làti gùduã nna eyacca tàttsi, Lanuru nuÿa thuã lì'j.

A'hua ra:

Attu enne' huaya' lá thú lugar qui'j.

²¹Acca caduel'la' qui'ni gucué' ri'u ttu ca hermanos tsè'e nì canu guda' lani intu' ca apóstol tulidàba loti' gurèni Señor Jesús entre rí'uij, ²²dèsdèba loti' beni Juáan ne bautizar hàstaa qui'ni Tata Dios nna bedi'e ne ÿiabara'. Caduel'la' qui'ni gucué' ri'u nuÿa ttu ca hermánuij para ccá bi ttu testigo tì'a intu' de qui'ni Jesús nna beyáthee de lo lù'uti.

²³Làniana beni cabi nombrar chùppa cabi: José enne' lá huá bi Barsabás a'hua reya cã bi Justo. Beni hua cabi nombrar Matías. ²⁴Beni tè cabi oración nna ra cabi: Señor, hua nabia' bání cuiã'lu' la' rulábalatsi' qui' iyate tu'. Annana beluè'ni intu' nuÿa la ttu ca enne' chuppíj chi becué' cuiã'lu', ²⁵para qui'ni ccá bi mensajero le' tsina qui' cuiã'lu' porqui'ni Judas Iscariote nna lanúruã té; por maldad nu beni naá acca día bã lugar làti ràl'la'ã tsá. ²⁶De chi beyacca beni cabi oración nna beni cabi ca enne' chùppa sortear. Gùl'la' tè Matías. Acca dèsdèba làniana nna gulátsi' hua bi tsinia ca apóstol.

2 Bì'yu ba tsá Pentecostés tsieyóna' ubitsa bitola de beyatha Jesús de lo lù'uti, làniana iyaba ca enne' rialatsi'á nna tsè'e

cabi ttùba lugar. ²De repente tabá biyeni ttu ruido fuerte ni da' de ÿiaba tì'ba canchu chi rite ttu be' fuerte gani nna binìnini le' ituba yú'u làti tsè'e cabía. ³Bilá' tehuáni cabi gùl-lani fuego nu ràl-la' tì'a ca pedazo yì' nna gùthilàliani ca nna bitsina' ca iquua ttu ttu tsa cabi. ⁴Làniana iyaba cabi nna beni cabi recibir la'huacca qui' Espíritu Santo nna gùdulo cabi rinne cabi attu te ca tìtsa' según bá nu beni Espíritua latsi' cabi qui'ni inne cabi. ⁵Tiempo lánia nna tsè'e hua le' Jerusalén ca enne' Israel nu runi cumplir según religión qui' qui' nna da' ca le' iyaba ca nación canu anta' le' yétsiloyu. ⁶Ca enne' ÿétsi'á nna de biyénni ca ruíduá nna bitùppa tè ca nna cuenta uccuaýí bá latsi' qui' tsè'e ca porqui'ni biyénni ca rinne cabi tìtsa' qui' ttu ttu tsa qui'. ⁷Tsè'e tsi bá ca de tántubá biquíla' latsi' qui', làniana ra ca: Tsí álahua iyaba canu rinnì nna ná ca canu Galilea cá. ⁸Ti'ala modo acca riyénini ri'u rinne ca tìtsa' qui' ttu ttu tsa ri'u nu nàliani ri'u cá. ⁹Ri'u nna da' ri'u le' iyetse' ca nación nna ca distritu nna: le' Partia, Media, Elam, Mesopotamia l-le, a'hua le' la'a mísmuba región qui' Judá làti tsè'e rí'uì l-le, a'hua Capadocia, Ponto, Asia l-le, ¹⁰a'hua ca lugar lá ca Frigia, Panfilia, Egíptua, a'hua adí ca lugar qui' Africa attu ládulá làti ga'na ciudad Cirene l-le. Tsè'e hua entre ri'u canu da' de Roma nna ÿua tè ca nì; ttu te ca nna chi ná ca enne' Israel dèsdeba gùlia ca; attu te ca nna chì' uccua bá ca enne' Israel por religión. ¹¹Tsè'e hua entre ri'u canu da' de ttu isla

láq Creta, a'hua canu da' dèsdeba Arabia nna. Pero iyaba ri'u nna riyénini ri'u rinne ca ènni'q ca tìtsa' nu dacca' iquíla'ní latsi' ri'u acerca de Tata Dios lani propio gani tìtsa' qui' ttu ttu tsa ri'u. ¹²Iyaba ca nna uccuaýí ya'áni latsi' qui' nna labí yù ca biya nuá, acca gunàba tìtsa' luetsi qui' nna ra ca: Biadi' lo ná nui cá. ¹³Pero attu te ca nna beýtsi ca nna ra ca: Es qui'ni dùtsi báni ca.

¹⁴Làniana gùduli Pedrua a'hua átsinia ca apóstol. Gùnne tè Pedrua iditsa nna ra bi: Lebi'i ca enne' Israel a'hua adí le canu tsè'e le' Jerusalén, liudaáruhuá naga' le tuchùppa tìtsa' quixa'ánia' le: ¹⁵Intu' nna bihua dùtsini tu' tì'a ná la' rulaba latsi' qui' le, porqui'ni riti' gá teruba tsè'e ri'u, labí chi gùl-la' hora ttani ca enne', ¹⁶sino qui'ni nu rila'ni le nna riyénini le nna ná nu riquixá'a Tata Dios lo libro nu bedia Joel enne' uccua profeta qui'e nna rèe:

¹⁷Canchu chi i'yu ca último tsá nna, ithél-la'a' Espíritu quia' iquua iyaba ca enne'.

Làniana ca ÿi'ni beyu' le a'hua ca ÿi'ni niula le nna equixá'a ca acerca de inte'.

Canu cùti' qui' le nna ila'ni ca ca cosa nu chì' da'la por poder quia'.

Ca enne' gùla qui' le nna ínne ca yèlà nu cca qui' ÿiabará'.

¹⁸A'hua ithél-la'a' Espíritu quia' iquua ca mozo nna ca criada nna canu ríalatsi' qui' inte' nna. Canchu chi i'yu tsá nna inne ca parte inte'.

¹⁹Gunia' ca cosa de la'huacca ÿiaba, a'hua adí ca milagro le' yétsiloyu:

tì'a réni nna yi' nna tsèni
 ti'taání bía nna.
²⁰ Bitsá' nna eyacca chul-la, biuá'á'
 nna ccá tì'a réni.
 Iyaba ca nui ccá ántesca i'yu tsá
 guni Señor juzgar yétsiloyu
 lani la'huacca nna la'yani' de
 ÿiabara' nna.
²¹ Iyaba canu gul-luítsa' cã Señor
 nna inàbani cã ne qui'ni
 gudilèe cã,
 làcã nna gata' salvación qui' qui.
²² Beni ba Pedrua seguir mensaje
 qui' bía nna ra bi: Acca lebi'i ca
 enne' Israel, liudaáruhuá naga' le
 ca tìtsi'ij porqui'ni rinní'a' nu cca
 qui' Jesús enne' Nazaret. Por ca
 obra qui'e nna ga'na ri'u seguro
 qui'ni Tata Dios ènni'a guthèl-le'e bi
 entre ri'u; porqui'ni por medio de
 Jesús nna beni Tata Dios iÿetse' ca
 milagro nu belue' qui'ni la'huacca
 qui'e nna dá'á de ÿiabara', ca cosa
 nu biquíla'ni latsi' ri'u, tì'ba chi yù
 la'a mísmuba lebi'i porqui'ni benie
 ca così nì làti tsè'e rí'u. ²³ Pero loti'
 bete cã ne cuenta latsi' ná' le nna,
 lebi'i nna bedàxu' li e preso nna
 beni le mandado qui'ni adí canu
 tul-la' nna gutaá' cã ne lo curutsia,
 anía modo nna betti li e. Pero Tata
 Dios nna chì lá yùe nui porqui'ni
 uccuã conforme lani la' rulaba latsi'
 qui'e dèseba antes. ²⁴ Acca la'a
 mísmuba Tata Dios nna bechìthee bi
 de lo lù'uti nna beyacca bànie, anía
 modo nna bebèquie bi le' poder qui'
 lù'utiá, porqui'ni lù'utiá nna labí té
 la'huacca qui'ij para cu'ubià'niã ne.
²⁵ Porqui'ni lo Escritura nna gunne
 rey David nu cca qui' Jesús làti ra bi:
 Tulidàba bilá' te' Señor gùdue
 ru'a lua',

Lèe nna du bée cuítta'a' lado
 bànì acca labí ebána te' nna,
²⁶ Yala redácca'ni latsi' lóstu'a' nna
 rúl-la'a' ca tìtsa' de la' redacca'
 latsi' nna,
 Aÿhua cuerpo quia' nna edi'
 latsi'ij lani itute confianza
 qui'ni eyáthã de lo lù'uti,
²⁷ Porqui'ni labí guthà'na cuiã'lu'
 espíritu quia' làti ribèda ca
 espíritu qui' canu chi gùtti,
 Nìhua labí guni cuiã'lu' permitir
 qui'ni gutsu' cuerpo qui' enne'
 santo guthel-la' cuiã'lu',
²⁸ Chi gutixa'áni cuiã'lu' inte' nu
 cca qui' la'labàni nu ná para
 siempre,
 Aÿhua yala edacca' látsa'a'
 canchu chi él-lania' ru'a lo
 cuiã'lu'.
²⁹ Gutixa'a' Pedrua adí ca tìtsa' nna
 ra bi: Hermanos, claru taá yù ri'u
 qui'ni tà' tàta qui' ri'u David gùtti
 bi nna bigàttsi' bi, pues bà qui' bi
 nna ga'na bã le' yétsiloyu. ³⁰ Pero
 David nna gùnne bi parte Tata Dios
 nna uccua bi saber qui'ni Tata Dios
 nna hualigani beninie bi prometer
 qui'ni ttu descendiente qui' bi lá
 Cristo nna cu'úbì'e en lugar qui' bi.
³¹ David nna ti'atsi chía bilá' tènì bi
 Cristua dèseba lània, acca gutixà'a'
 bi qui'e qui'ni eyáthee de lo lù'uti
 nna ra bi qui'ni espíritu qui'e nna
 labí eyà'nã entre canu yatti, nìhua
 cuerpo qui'e nna labí gutsu'a'. ³² Là
 Jesús ènni'a bechìtha Tata Dios
 bi de lo lù'uti. Intu' nna ná tè tu'
 testigo qui'ni anía uccua. ³³ Jesús
 nna beyacca bànie nna beyáthee de
 lo lù'uti por la'huacca qui' Tata Dios
 nna benie recibir Espíritu Santo tì'a
 nu chi ra Tata Dios dèseba antes.

Acca ca cosa nu chi bila'ni le nna biyénini le nna da' çà por Tata Dios.

³⁴Álahua qui'ni David nna bi'yu bi ÿiabara', sino la'a làbabi nna gúnne bi nu cca qui' Cristua nna ra bi:

Señor Dios nna gunènie Señor qui'ya'a nna rèe: Gùduani cuìtta'a' lado bàni,

³⁵Hàstaá qui'ni gúnná' latsi' ná' lu' iyaba canu làa cca guyu çà lu'.

Para qui'ni gul'liani lu' iquua qui'.

³⁶Acca lebi'i hermanos, ccá le saber nna ga'na le seguro qui'ni la'a mísmuba Jesús enne' betaá' le lo curútsia nna née Cristua enne' ná qui'ni itée para gudilèe ri'ü, ná huée Xana' ÿiaba nna yétsiloyu nna.

³⁷De biyénini çà nui nna yala belénini çà nna ra tè çà Pedrua nna adí ca apóstol nna: Lebi'i hermanos Israelitas, biala dani tu' guni tu' cá. ³⁸Becàbi Pedrua nna ra bi çà: Leyàttà'yu lani e qui'ni eyuniyén latsi'e qui' le nu beni le, a'hua ttu ttu tsa le nna ccá le bautizar lani nombre qui' Jesucristua para qui'ni gata' perdón qui' le nna; lahuée nna gúnnée la'huacca qui' Espiritu Santo lani le, ³⁹tì'a chi benie prometer para lebi'i a'hua para ca ÿi'ni le a'hua para iyate canu tsè'e idittu', tsa'tséla tehuá iyaba ca enne' gaÿi Señor Dios qui' rí'ua.

⁴⁰Làniiana Pedrua nna gunèni bi çà adí titsa' nna bete bi consejo qui' qui' nna ra bi: Caduel'la' qui'ni ccá le salvo para qui'ni làa nitti le lani yétsiloyu.

⁴¹Tsá lània nna huàni tè ttú tsúnna mili' ti'ga ca enne' lani ca creyénteá de biyénini çà mensaje qui' Pedrua nna uccua çà bautizar.

⁴²Iyaba çà nna beni çà seguir nu gútixa'ani ca apóstol ti'i'ya ná nu guni çà. Ttùba uccua la' rulába latsi' qui' cabi nna betùppa tè cabi tulidàba para guni cabi oración nna guni cabi celebrar cena qui' Señor.

⁴³Ttu ttu tsa cabi nna yala la' rátsi latsi' gùl'ani lo lòsto' cabi, porqui'ni bila'ni cabi iyetse' ca milagro nu beni ca apóstol a'hua adí ca cosa nu rulue' qui'ni la'huacca qui' cabi nna dá'á de ÿiabara'. ⁴⁴Iyaba ca enne' chi huálatsi'á nna betùppa cabi nna gutithia cabi nu té qui' cabi lani ca enne' pobre. ⁴⁵Bètti' cabi ca interés qui' cabi a'hua iyaba nu té qui' cabi nna beni cuàlani luetsi cabi según ti'i'ya ná bá la' ritè qui' ttu ttu cabi.

⁴⁶Ttu ttu tsá ní nna betùppa cabi le' templua. A'hua le' litsi' ttu ttu tsa cabi nna betùppa cabi nna beni cabi celebrar cena qui' Señor nna gutò cabi júntubá lani la' redacca' latsi'; yala enne' de losto' tsè' uccua cabi nna ⁴⁷bedàliani cabi Tata Dios. Ituba yétsiá nna yala estimar beni çà cabi, a'hua ttu ttu tsá nna beláppa' Señor losto' ca enne' para tsíalatsi' qui' nna ccá çà salvo. Acca yala biyèni iglesia qui'áa.

3 Ritì tsúnna ti'gá qui' ttu tsá lània nna huía Pedrua lani Juáan le' templua para guni cabi oración. ²Ru'a puerta qui' templo reya çà Hermosa nna re' ttu nubeyu' nu dèsdeba gùliá nna labí cca thá'á. Ca enne' nna ritáhua' çà na ttu ttu tsá bá ru'a puerta para qui'ni inàbaniá canu ra'a le' templua caridad. ³Nubeyu' cójuá nna bilá' bánía Pedrua lani Juáan qui'ni ra'a cabi le' templua nna gunàbaniá cabi

caridad. ⁴Là'niana gulèda tè Pedrua nna gùnna' cabi nubéyu'a, acca ra tè Pedrua na: Gùnna' intu'. ⁵Là nna bettsia tsittsi ni lúì cabi belaba latsi'ì qui'ni gute cabi biya qui'ì. ⁶Pedrua nna ra tè bi a: Labí té plata nihua oro quia', pero nu chi benna Tata Dios quia' nna gúnná huá' qui' lu': En nombre qui' Jesucristo enne' Nazaret, bèduli nna gùda'. ⁷Là'niana bedàxu' tè bi ná' bànì nna bèthuli bi a. Luegu taá nna gùdu tsittsi ca nì'ì nna ca yíbi nna. ⁸Nubeyu' cójuá nna bittsíaníà nna gùduà tsittsi lani ca nì'ì, là'niana gùduluà gùda'a nna gut'à tià le' templua lani làcabi. Tì'a vív' rida' chià nna rittsíaníà de tantua la' redacca' latsi' nna bedàlianià Tata Dios. ⁹Iyaba ca enne' nna bila'ni cà nubéyu'a rida'a nna rudàlianià Tata Dios. ¹⁰Ca ènni'a nna bedàcca'ni cà na qui'ni là nuá gùre' ru'a puerta qui' templua huenàba caridad ttu ttu tsá. Acca yala uccua'yí latsi' qui' nna gùtsini cà porqui'ni bila'ni cà nubéyu'a qui'ni chi beyacca latsi'ì. ¹¹Nubeyu' nu chi beyacca latsi' níá nna hua denó bá Pedrua nna Juáan nna. Acca enne' yétse'ní bitùppa chi cà ita'lùba làti tsè'e cabi ru'a templua le' corredor nu láà Portal qui' Salomón; bila'ni cà nna biquila' bá latsi' qui'. ¹²Bilá' bání Pedrua ca enne' yétse'á nna ra tè bi cà: Lebi'i ca enne' Israelitas, biánícca riquila' xatta latsi' le nì'i. Biánícca rinna' le intu' ti'atsi intu' ba beni tu' qui'ni rida' nubéyu'ì por la'a mísmuba la'huacca qui' tu' ti'atsi yala enne' tsè' ná tu' ru'a lo Tata Dios cá. ¹³Tata Dios enne' huíalatsi' ca tà' tàta qui' ri'u

Abraham nna Isaac nna Jacob nna, chi betie la' dàliani qui' Yí'nie Jesús enne' bete le cuenta lani canu rugú'ubia' qui' yetsi. A'hua loti' uccua latsi' gobernador Pilátua gudilà ne nna, lebi'i nna labí uccua latsi' le. ¹⁴En lugar de qui'ni inàba le qui'ni l-lá Enne' labí falta té qui'e ru'a lo ca enne' nihua ru'a lo Tata Dios nna, gunàba lá le qui'ni l-lá ttu nubeyu' criminal, ¹⁵hàsta qui'ni betti le Jesús Enne' runna la'labàni, pero Tata Dios nna chi bechìthee bi de entre canu yatti. Intu' nna ná tè tu' testigo qui'ni anía uccua. ¹⁶Por fe nu té bá qui' tu' lani Jesús, acca nubeyu' nu chi nabia'ni líì nna chi benie qui'ni gùppà fuerza. Por fe lani e nna chi beyacca latsi'ì completamente taá tì'ba chi rila'ni li a duà nì ru'a lo le. ¹⁷Pero annana hermanos Israelitas, hua yú bá' qui'ni nihua lebi'i nna nihua canu rigú'ubia' qui' le nna labí bennia le cuenta biya nuá beni le de betti le Jesús. ¹⁸Pero anía modo nna uccua cumplir nu chi gutixa'a Tata Dios por medio de ca enne' uccua profeta chià gutsá, làti rèe lo libro nu bedia cabi qui'ni Cristo enne' guthèl-le'e para gudilee ri'u nna ná qui'ni queé padecer. ¹⁹Acca leyàtta'yú lani e nna leyéqquia lani Señor Dios para qui'ni eyuniyén latsi'e ca tul-la' nu beni le; là'niana ithèl-le'e bendición nu riquína'ni le ²⁰por medio de Jesús enne' lá huá Cristo, enne' nuá beni Tata Dios prometer dèsdeba chi gutsánì qui'ni ithèl-le'e bi lani le. ²¹Jesucristua nna chi déyyee yiabara' nna labí eyéqque nì hasta qui'ni gal-la' tsá señalado nu nani Tata Dios qui'ni

cu'úbi'e iyábani ca cosa de acuerdo lani nu gunnie por medio de ca enne' gunne parte quì'e ca tiempo antigua. ²²Acerca de nui nna gutixa'a huáni Moisés ca tà' tàta qui' rí'ua nna ra bi:

Huàl'lani tsá qui'ni Señor Dios enne' becuí'e inte' nna guni huée qui'ni attu descendiente qui' le ccá huée profeta.

Acca liúda naga' le quì'e nna liguni iyate nu ínnee.

²³Porqui'ni nuÿa diba labí gudà nàgui'lì quì'e nna ítua telá le' nación qui' Israel nna l-lúÿa latsi'j.

²⁴A'hua iyaba ca enne' gunne parte Tata Dios bitola de gùtti Moisés nna, dèdseba Samuel a'hua ca enne' uccua profeta bitola nna gunne hua cabi qui' nu chi cca anna. ²⁵Yù ri'u qui'ni Tata Dios nna benie ttu promesa lani ca tà' tàta qui' rí'ua nna rèe Abraham enne' gùdua tiempo antigua:

Por medio de ttu descendiente qui' lu' bitola nna, cca bendecir iyábani ca enne' le' yétsiloyu.

Lebi'i nna ná huá le descendiente qui' ca enne' chi uccua profeta nna belaba latsi' Tata Dios qui' le loti' benie promesa' lani Abraham. ²⁶Acca primérute lani lebi'i nna guthèl-le'e Y'i'ni áa para gunie le bendecir de chi bechìthee bi de lo lù'uti, a fin de qui'ni ttu ttu tsa le eyéquia le lani e nna eria le lo néda mal nu yù'u le.

4 Pedrua nna Juáan nna àtsaba rinèni cabi ca enne' ÿetse'á nna, bitsina' chì ca sacerdotéa lani nu ná capitán qui' canu rue'

cuidado templua nna a'hua lani canu denó ca religión saducéa. ²Làçà nna yala ritsa'áni ca qui'ni Pedrua nna Juáan nna gutixa'a cabi evangelio nna ra cabi qui'ni eyátha ca enne' de lo lù'uti tì'a uccua lani Jesús. ³Acca bedàxu' ca cabi preso, pero en vista de qui'ni chi ra'la acca bedàl-la taá ca cabi litsi' iyyà. ⁴Pero nuÿetse' canu biyénini ca titsa' nu gutixa'a cabía nna huálati' qui'. Ttú gayu' mili' ca nubéyu'a nna beni ca Señor Jesús recibir. ⁵Attu yu'utsa' nna betùppa canu rigú'ubia' qui' ca enne' judíua le' ciudad Jerusalén lani ca enne' gùla rue' cuenta entre làçà, a'hua lani ca maestro de la ley qui' caniá nna. ⁶Nía nna lání huá Anás nu ná sumo sacerdote qui' ca judíua, a'hua Caifás nna Juáan nna Alejandro nna iyaba canu cca pertenecer le' familia qui' ca sacerdote principal nna. ⁷Làniana guchè' ca Pedrua nna Juáan nna ru'a lo iyaba canuá nna gunàba titsa' tè ca cabi nna ra ca: Núní benna la'huacca qui' le acca runi le ca coşj nì'i. ⁸Làniana gunne tè Pedrua lani la'huacca qui' Espíritu Santo nna ra bi ca: Lebi'i canu rigú'ubia' qui' ri'u ca enne' Israel, a'hua lebi'i ca anciano: ⁹Rinàba titsa' le intu' acerca de favor nu uccua lani nubeyu' cójuá, calatsi' le ccá le saber ti'iyà modo beni tu' acca beyacca latsi'j. ¹⁰Annana ccá iyate le saber a'hua ituba yetsi Israel qui'ni lani la'huacca qui' Jesús cristo de Nazaret enne' betaá' le lo curútsia nna gùttiè, pero Tata Dios nna chi bechìthee bi de lo lù'uti. Por Jesúcrístua nna

chi beyacca latsi' nubéyu'ì nna, tì'a vívá rila'ni li ą duą ru'a lo le.
¹¹Jesucristua nna née Iyya Principal nu labí uccua latsi' le uquína' le para gudua le yú'u qui' Tata Dios, pero ¹²lanú nuŷa enne' ní ccani gunna salvación qui' ri'u, porqui'ni lanuru attu nuŷa guthèl-la' Tata Dios yétsiloyu para gudilà ca enne', sino làteruba Jesucristua.

¹³Bilá' bání iyaba canu tsè'e nía qui'ni yala valor té qui' Pedrua nna Juáan nna, hua yù huá ca qui'ni labí tanto escuela huía cabi porqui'ni enne' sencillubá uccua cabi; acca yala biquila' latsi' qui' por nu gutixa'a Pedrua nna gutelíni ca qui'ni gurèni cabi lani Jesús.

¹⁴Bilá' huáni ca qui'ni nubeyu' nu chi beyacca latsi' niá nna chi dunía lani cabi, acca labiru pretexto betseláni ca para guni ca contra cabi. ¹⁵Làniana bebèqquia ca cabi le' junta nna gùdulo ca bè' ca titsa' entre làba ca, ¹⁶nna ra ca: Biani guni ri'u lani ca nubéyu'ì cá. Pues iyábani canu tsè'e le' Jerusalén nna chi yù ca qui'ni milágru' nna uccua por làca; ri'u nna labí razón té para ina ri'u qui'ni álahua ą' ná, ¹⁷pero para qui'ni bittu guna adí ca enne' nu uccua nna, adila tsa' guthítsini ri'u ca qui'ni dèsdeba annana bíttuúru ínne'ni ca nuhuaya' nu cca qui' Jesús. Gá huá ri'u ca qui'ni hua té castigo canchu guni ca seguir quixá'ani ca ca enne' ca così. ¹⁸Làniana gutàyi tē ca cabi attu vuelta nna gunèni ca cabi qui'ni bíttuúru derecho té qui' cabi para equixá'a cabi biŷa titsa' nu cca qui' Jesús. ¹⁹Pero Pedrua nna Juáan nna ra cabi ca: Línna tsánna

canchu adí tsè' ná guni ri'u nu ra ca enne' tì'chula nu ra Tata Dios cá, ²⁰porqui'ni intu' nna labí ccani tu' gudùtsi tu' làa equixá'a tu' nu chi bila'ni tu' nna biyéni tu' nna. ²¹De ra cabi anía nna yala betuxùni ca cabi nna ra ca qui'ni canchu guni cabi seguir quixa'a cabi anía nna entonces guni ca cabi castigar. Be'èl-la' tē ca cabi éyya cabi, porqui'ni labí betseláni ca ti'ŷa modo guni ca cabi castigar lània en vista de qui'ni yétsiá nna rudàliani ca Tata Dios por milagro nu uccua lani nubeyu' cójuá. ²²Nubeyu' nu beyacca latsi' niá nna télá chùà' ídanią lània.

²³Pedrua nna Juáan nna de chi gùta' libertad qui' cabi nna beyya cabi làti tsè'e adí ca discípulua nna gutixà'a cabi iyaba nu ra ca sacerdote principal ą'hua adí canu rigú'ubia' qui' ca enne' yétsiá.

²⁴Biyeni bání cc hermanos notíci nna juntú taá beni iyaba cabi oración lani Tata Dios nna ra cabi: Señor, cuią'bálu' ná Dios enne' beni ŷiaba nna yétsiloyu nna indatò' nna iyaba ca cosa nu té nna, ²⁵cuią'lu' nna loti' Espíritu Santo benie latsi' David nna ra cuią'lu' lo libro nu bedia bi:

Bíanícca runi ca yetsi alboroto cá.

Ca enne' quia' nna, biánícca rulaba latsi' qui' nu làa dacca' iŷu' cá.

²⁶Betùppa ca rey qui' yétsiloyu, ą'hua canu rigú'ubia' qui' ca yetsi nna uccua ca ttùba contra Señor Dios, ą'hua contra Cristo enne' betie itute la'huacca qui'e.

²⁷Porqui'ni hualiba qui'ni Herodes nna Poncio Pilato nna betùppa cą le' ciudíj lani adí canu dittu' ą'hua lani la'a mísmuba ca enne' Israel nna biria iyaba cą contra Ýi'ni Santo qui' cuią'lu' Jesús enne' bete cuią'lu' itute la'huacca quí'e porqui'ni née Cristo. ²⁸Anía modo nna beni cą nu chì lá yù cuią'lu' qui'ni anía ccá según ca propóstio qui' cuią'lu'. ²⁹Annaŷa Señor, gunna' tsáruhuá cuią'lu' ti'iyā rinne cą contra intu' ca huenitsina qui' cuią'lu'. Acca beni qui'ni gappa tu' adí valor para qui'ni bittu gátsini tu' equixá'a tu' títsa' qui' cuią'lu'. ³⁰Rinàba tu' qui'ni gulappa' cuią'lu' canu ra'ni para qui'ni eyacca latsi' qui, ą'hua qui'ni guni cuią'lu' adí ca milagro nna adí ca cosa de la'huacca por medio de nombre qui' Ýi'ni cuią'lu' Jesús enne' completamente tsè' due ru'a lo cuią'lu'.

³¹Beyacca ba beni cabi oración nna gũyũ' làti tsè'e cabía; iyaba cabi nna gũyĩ' cabi adí la'huacca qui' Espíritu Santo nna gutixà'a cabi títsa' qui' Tata Dios sin la' rátsilatsi'.

³²Iyaba ca enne' chi huálatsti'á nna ttùba uccua la' rulábalatsi' qui' cabi nna ą'hua yala la' retúalatsi' gùta' qui' luetsi cabi. Lanú nuŷa reną qui'ni nu té qui'j nna ną qui' terúbíj, sino qui'ni iyaba ca cosa nna uccua cą qui' iyaba cabi. ³³Ca apóstol qui' Señor nna beni cabi seguir gutixà'a cabi nu cca qui' Señor Jesús qui'ni beyacca bānie, pero gũnne cabi lani adírlulá la'huacca nu bete Tata Dios qui' cabi. Yala favor beni Tata Dios lani iyaba cabi, ą'hua ca enne' nna yala

tsè' beyu cą cabi. ³⁴Entre làcabi nna nìdirubani ttu enne' labí biŷa beyàtsanią porqui'ni iyaba ca creyente canu anta' loyu qui' cabi nna ą'hua canu tsia yú'u qui' cabi nna, pues bèttì' cabi ca cosí nna tahua' cabi bel'liu laŷa nu bèttì' cabía nna, ³⁵betsia cabi ą ru'a lo ca apóstol. Ca apóstol nna gutithia cabi ą según ti'iyā ná bá la' ritè qui' ttu ttu ca enne' ríalatsi'á. ³⁶Nía dua ttu enne' ríalatsi' lá bí José, pero ca apóstol nna gutixa cabi láa bi Bernabé, títsa' qui' ri'u nna ra Enne' Runna La'ŷeni. Bernabéa nna uccua bi ttu enne' Israel descendiente qui' Leví, biria bi le' isla láą Chìpre. ³⁷Làbi nna gùta' ttu loyu qui' bi nna bèttì' bi ą; làniana bete tè bi laŷa lóyúa lani ca apóstol.

5 Gùdua huá ttu nubeyu' láą Ananías. Niula qui' niá nna láą Safira. Ananías nna bèttì'ą ttu loyu. ²Pero labí berią itute bel'liu nu ná laŷa lóyúa lani ca apóstol, sino gutua bą tí' para la; hua yù huá niula qui' niá na. ³Acca ra tè Pedrua na; Ananías, ti'ani modo acca gutà'a Satanás lo losto' lu' nna becàttsi'ni lu' intu' ttu parte laŷa lóyúa cá, pues contra Espíritu Santo nna benilatsi' lu'. ⁴Tsí álahua qui'ba lu' ná lóyúa ántesca gutti' lu' ą cá. A'hua de chi bèttì' lu' ą nna tsí álahua qui'ba lu' ná bél'liuá cá. Biálácca belaba latsi' lu' ina lu' qui'ni ttutsíj gutiŷa cą qui' lóyúa cá. Alàa intu' nuą' calatsi' lu' guthacca'ŷí lu', sino Tata Dios.

⁵De biyèni'ni Ananías ca títsa'ą nna la'a mísmuba làti duna nna gubixi chią nna gùttią. Làniana yala la' rátsilatsi' gùl'lani lo losto'

iyaba canu bina noticia. ⁶Làniana bitsina' tè tuchùppa ca nubeyu' cuìti' nna betùbi cą cuerpo qui' Ananías lári' nna gulèqquia tè cą na tacàttsi' cą na.

⁷Ttu tsùnna hora ti'ga bitola de uccua nuá nna gutà'a niula qui' Ananías, pero labí nì'i guną nu uccua. ⁸Ra tè Pedrua na: Gùtixa'ani inte', tsí ttu tsą' guti'ya le qui' lóyúa cá. Becàbią nna rą: Làchu, ttu tsą' bètti' tu' ą. ⁹Pedrua nna ra bi ą: Biánicca gulèqquia lèttia le para qui'ni canchu hua rialàni le guthacca'ýi le Espíritu Santo enne' guthèl-la' Señor cá. Nà' tè chi deda' canu becàttsi' cą tsèla lu'a; làcą nna tacàttsi' tehuá cą lu'. ¹⁰Luegu taá nna gubìxi chią ru'a lo Pedrua nna gùttią. Gutà'a ba ca nubeyu' cuìti'a nna bila'ni cą na qui'ni gùtti chì huą; acca gulèqquia cą na becàttsi' cą na cuitta' bà qui' tsèla níá.

¹¹Làniana iyaba ca enne' chi runi formar iglesia nna adila gùtsini cabi, ą'hua gùl-lani ttu la' rátsilatsi' lo losto' iyaba canu bina noticia nna.

¹²Por medio de ca apóstol nna iyetse' ca milagro uccua nu belue' la'huacca qui' Tata Dios lani cabi le' yétsiá. Iyaba ca enne' rialatsi'á nna retùppa ba cabi le' corredor qui' templua nu reya cą Portal qui' Salomón, para ca reunión qui' cabia. ¹³Pero adí ca ènni'a nna labí beyáñani cą etùppa cą lani làcabi, por nu uccua lani Ananías nna Safira nna. Pero iyaba cą nna yala tsè' beyu cą canu rialatsi'á. ¹⁴Pero bitola nna adila huàni ca enne' huíalatsi' qui' Señor hasta qui'ni enne' ýétse'ní, tàntua ca nubeyu'

nna ca niula nna. ¹⁵Yala fe gùppa cą lani Señor hàsta qui'ni guche' cą canu ra'ni qui' caniá fuera nna gutixa cą cą lo néda, canu betsia cą lo camilla ba l-le canu betsia cą lo bíyaáru bequína' cą l-le, para qui'ni canchu chi tté Pedrua nna eyacca' taá latsi' qui' màsqui'di ýula qui' bi tté làti anta' nu'ya ttu cą. ¹⁶Ą'hua nu'yetse' ca enne' qui' ca yetsi anta' ita'lùba Jerusalén nna guche' cą canu ra'ni ą'hua canu cca padecer por ca espíritu malo; iyaba cą nna beyacca latsi' qui'.

¹⁷Acca por nui nna yala bitsa'áni nu uccua sumo sacerdote ą'hua iyaba canu tsè'le parte lą qui' partido religioso láą ca saduceos nna, yala la' yélatsi' gùppa cą lani ca apóstol. ¹⁸Gulú'u chi ná' qui' ca apóstol nna bedàl-la cą cabi litsi' iyyà. ¹⁹Pero ttu ángel enne' guthèl-la' Señor nna huíe yèlà lània nna guthàlie ca puerta qui' litsi' iyyà nna bebèqquie cabi nna rée cabi: ²⁰Litsiá le' templua, líquixá'ani ca enne' ti'i'ya modo gata' la'labàni cubi nu labí ttíą qui' qui'. ²¹Biyeni báni cabi nu ra ángelia cabi nna gutà'a cabi le' templua nítaání da' rànì' nna gùdulo cabi gùtixa'ani cabi ca enne'. Miéntraste nna nu ná sumo sacerdotea lani iyaba canu tsè'le parte lą nna gutàyi cą iyaba canu rugú'ubia' entre ca enne' Israel nna beni cą ttu junta. Làniana beni cą mandado taxi' cą ca apóstol anta' le' litsi' iyyà. ²²Bitsina' ba ca policíá le' litsi' iyyà, pero lanuru ca apóstol té nia; acca beyéqquia chì cą nna gùtixa'a cą nna ²³ra cą: Hualigani nna yáya bá litsi' iyyà' tsittsi' tsè'ni,

ą'hua ca guardia nna tsè'e ba cą al tanto ru'a puertą!, pero de guthàlia tu' gutà'a tu' nna lanruru nuŷa té le' litsi' iyyà. ²⁴Biyeni báni nu ná sumo sacerdótea notíci nna ą'hua adí canu rue' cuenta qui' ca sacerdótea lani nu ná capitán qui' canu rue' cuidado templua nna, uccuaŷí ya'ání latsi' iyaba qui' nna ra luetsi qui': Canchu tsíalatsi' adí ca enne' por nu riquixa'a cą nna, ti'ala guni ri'u cá. ²⁵Là'niana gù'll ni ttu nubeyu' nna rą cą: Ca nubeyu' canu bedà:la le le' litsi' iyyà!, anna tè nna tsè'e cą le' templuą' riquixá'ani cą ca enne'. ²⁶Là'niana huía chi nu ná capitán lani ca policía para taxi' cą ca apóstol attu, pero bíttuá maltratar beni cą cabi porqui'ni gùtsi báni cą ca enne' yétsiá nna belaba latsi' qui' qui'ni xiaba hué' cą cą íyya para gatti cą. ²⁷De chi taxi' cą cabi nna bèdu cą cabi ru'a lo canu tsè'e júntaa. Nu ná sumo sacerdótea nna gunaba titsa' tią cabi, nna ²⁸rą: Tsí álahua chi bethítsini tu' le qui'ni bíttuúru quixá'a le nu cca qui' Jesús, atsi'íni iyaba ca enne' tsè'e Jerusalén ni nna chi nabia'ni cą nu riquixá'a le nna catè latsi' le tatsia le iquiqua tu' qui'ni intu' bètti tu' Jesús. ²⁹Pedrua lani adí ca apóstol nna becàbi cabi nna ra cabi: Adila caduel:la' guni tu' obedecer Tata Dios ti'chula nu ra ca enne'. ³⁰Dios enne' huíalatsi' ca tà' tata qui' rí'ua nna belithee Jesús de lo lù'uti para labiru gattie, màsqui'ba lebi'i nna bètti li e porqui'ni beni le disponer qui'ni betaá' cą ne lo curútsia nna gùttie. ³¹Pero Tata Dios nna chi bèdue bi lado ná' bànie para queé Príncipe

nna Enne' Gunna Salvación nna, para qui'ni gappa ri'u ca enne' Israel oportunidad para eyacca ri'u arrepentir por ca tul:la' qui' ri'u nna eyuniŷén latsi'e qui' ri'u. ³²Intu' nna ná tu' testigo qui'e acerca de ca cosí, ą'hua chi guthèl:la' Tata Dios Espíritu Santo para thúe lo losto' ca enne' canu runi cą ne obedecer.

³³Biyeni bani cą ca titsa'a nna yalàni bitsa'áni cą cabi nna uccua latsi' qui' gúttí cą cabi. ³⁴Le' junta nna re' huá ttu nu runi seguir religión fariséua nna lá bí Gamaliel, uccua bi profesor qui' ley qui' ca enne' Israel nna gùppa iyaba ca enne' bi titsa'. Gùduli bi nna beni tè bi mandado qui'ni cuequiqua sà cą ca apóstol le' junta. ³⁵Là'niana ra bi iyaba ca enne' tsè'e le' junta: Lebi'i ca enne' Israel, tsè'taá licuèquiqua lèttia qui' le acerca de nu guthuacca' le ca nubéyu'ą!, ³⁶porqui'ni'ni ttu cuaŷa nuá nna biria tu nu lá Teudas, nuŷé bèninią ca enne' prometer. Ttu tappa gayua' ti'ga ca enne' huíalatsi' qui' qui'i, pero bitola nna bètti ba cą na, ą'hua iyaba canu huíalatsi' qui' qui'i nna gùthilàlia bá cą nna beníttilo bá partido qui' niá. ³⁷Bitola nna bîria attu nubeyu' de Galilea láą Judas tiempo loti' gùŷi' gobierno cuenta láa iyaba ca ènni'a. Iŷétse'huá ca enne' nna tanó cą na, pero bil:lŷa' tehuá latsi'i ą'hua iyaba canu huíalatsi' qui' qui' niá nna gùthilàlia bá cą. ³⁸Annana gúnná' le ttu consejo: Liuxùl:là latsi' le ca nubéyu'ą' nna lihue'èl:la' cą éyya cą. Porqui'ni canchu nu runi cą nna ną según la'huacca nu té qui' ca enne' nna, entonces hueníttiló bá. ³⁹Pero canchu nu runi cą nna

ná por la'huacca qui' Tata Dios nna, entonces labí írialàni le gulùŷa le latsi'ŷ, porqui'ni níca'chú tálíá qui'ni redúdútsi láni le Tata Dios.

⁴⁰Canu tsè'e le' junta nna gut'àa cą razón por nu ra Gamaliel, acca gutàŷi tề cą ca apóstol attu nna. Bitola de bè' cą cabi idí' tsè' nna bethítsini cą cabi attu qui'ni bíttuúru quixá'a cabi nu cca qui' Jesús, làniana bétse'e cą cabi libre. ⁴¹Beria tề ca apóstol le' junta nna yala bedacca' latsi' cabi porqui'ni Tata Dios nna benie permitir qui'ni ccá cabi padecer por causa de qui'ni bedàliani cabi nombre qui' Señor Jesús. ⁴²Labí bedùtsi cabi gutixa'a cabi sino beni cabi seguir fiel nna gutsé'e cabi le' templua ttu ttu tsá bá, ą'hua huía cabi litsi' ca enne' nna gutixa'ani cabi cą ca titsa' tsè' qui' Jesucristua.

6 Ca tsá lania nna adí iŷetse' ca enne' nna huíalatsi' qui' Jesúcrístua. Làniana canu gunne titsa' griego nna biyèyya cą contra canu gunne titsa' hebreo nna ra cą qui'ni labí tsè' runi cabi atender ca niula viuda canu tsè'e le' iglesia canchu chi rithia cabi ttu ttu tsá nu ro ca enne' ritè la'dí'. ²Tsi'nu ca apóstol nna betùppa tề cabi iyaba ca enne' ríalatsi'á nna ra cabi: Labí ná tsè' qui'ni gútse'e latsi' tu' predicación qui' ca titsa' qui' Tata Dios para quithia tu' nu té qui' iglesia lani ca enne' pobre. ³Acca lebi'i hermanos, liguni nombrar gàtsi ca ènne'yu' entre ri'u para tsinŷ. Gucué' ri'u ca enne' ðaa titsa' qui' cabi runi cabi nu ná tsè' nna té adí experiencia qui' cabi por la'huacca qui' Espíritu Santo lo

losto' cabi, canu té adí la' riyeni tsè' qui' cabi nna, para qui'ni gúdu ri'u cabi guni cabi tsinŷ. ⁴Intu' nna guni ba tu' seguir guni tu' oración nna quixá'a tu' titsa' qui' Tata Dios.

⁵Iyaba ca enne' ŷétse'á nna yala guyú'u latsi' cabi nu ra ca apóstol, acca becué' tề cabi priméruete Esteban porqui'ni yala fe té qui' bi lani Tata Dios, ą'hua yala enne' de experiencia uccua bi por la'huacca qui' Espíritu Santo. Becué' huá cabi Felípea, ą'hua enne' lá Prócoro nna, ą'hua enne' lá Nicanor nna, ą'hua Timón nna, ą'hua Parmenas nna, ą'hua Nicolás enne' Antioquía nna. Nicolás nna labí ná bi enne' de raza judío, pero ántesca tsialatsi' bi evangelio nna beni bi seguir religión qui' ca judíua. ⁶Beni tề ca creyénteá presentar gàtsi ca ènne'yu'a ru'la lo ca apóstol. Làcabi nna betsia ná' cabi iquua ca enne' gàtsia nna beni cabi oración por làcabi; anía modo nna beni cabi ca ènni'a encomendar latsi' ná' Tata Dios para tsinŷ. ⁷Itúbani nía nna adí telá bitsila titsa' qui' Señor hàstaá qui'ni adí ca enne' ŷétse'ní tsè'e le' Jerusalén nna huía huá latsi' qui' Señor, ą'hua entre làcą nna tsè'e nuŷetse' ca sacerdotéa gùppa huá cą fe lani Señor Jesús.

⁸Esteban nna yala favor beni bi lani ca enne' por gracia nu bete Tata Dios qui' bi, ą'hua beni Tata Dios bi bendecir lani la'huacca nna. Beni bi iŷetse' ca milagro le' ciudad ą'hua adí ca cosa nu rulue' qui'ni la'huacca qui' bi nna dá'ą de ŷiabara'. ⁹Le' ciudad nna dua huá ttu sinagoga làti retùppa canu lá cą Esclavos Libertados. Làcą lani

canu da' le' ca ciudad Cirene nna Alejandría nna a'hua le' ca región Cilicia nna Asia nna gùdulo ca bè' ca titsa' lani Esteban. ¹⁰Pero labí biríalàni ca gurèxaèl-la' ca bi porqui'ni gunne bi lani la' riyeni tsè' por la'huacca qui' Espíritu Santo lani bi. ¹¹Acca gutiŷa bání ca bel-liu lani tuchùppa ca nubeyu' huaya' para ilítha ca belá'na qui' Esteban nna ina ca qui'ni biyénini ca gùnne bi ca titsa' nu làa dacca' iŷu' contra Moisés a'hua contra Tata Dios nna. ¹²Anía modo nna gulù'uyí' ca latsi' ca enne' yétsiá a'hua canu rigú'ubia' entre làcaná a'hua ca maestro de la ley qui' caniá nna. Iyaba ca nna gudunó ca Esteban nna bedàxu' ca bi nna guche' ca bi ru'a lo iyaba canu rigú'ubia' le' junta. ¹³Bedù tè ca ca testigo fálsuá nna ra ca: Nubéyu'ì nna bihua rudùtsiá rinnia ca titsa' mal contra templo nu chi uccua lé'yá, a'hua runia despreciar nu ra lo ley religiosa qui' ri'u nna; ¹⁴pues la'a mísmuba intu' nna chi biyénini tu' rā qui'ni Jesús nu Nazaret nna gutàppà'ā lugar lé'yá qui' rí'uì nna gutsiánia ca costumbre nu gutixa'ani Moisés ca tà' tàta qui' rí'ua nu ná qui'ni guni ri'u seguir.

¹⁵Làniana iyaba canu tsè'e le' junta nna gùnna' ca Esteban nna bila'ni ca qui'ni lo bi nna uccua tittínia tì'a lo ttu ángel de ŷiabara'.

7 Enne' ná sumo sacerdotéa nna gunàba titsa'ā Esteban nna rā bi: Tsí hua lí á' gunne lu'. ²Becàbi Esteban nna ra bi: Lebi'i hermanos israelitas nna ca tàta nna liudaáruhuá naga' le ca titsa' nu quixa'ánia' le:

Iyaba ri'u nna ná ri'u descendiente qui' tà' tàta qui' ri'u Abraham enne' gùdua tiempo antigua. Tata Dios enne' dua ŷiabara' nna gùnne lani bi loti' dua rù bi le' región Mesopotamia ántesca tsía bi thua bi le' ttu yetsi láā Harán nna, ³rèe bi: Bìria látsi lu' nna bètse'e latsi' ca pariente qui' lu' nna huía attu lèttia lá, inte' nna huànidiga' gaŷa thua lu'. ⁴Biria tè Abraham le' región qui' ca enne' caldeos nna huía bi gùdua bi le' yetsi Harán; nía nna gùttì tàta qui' bí. Làniana guthèl-la' Tata Dios bi làti tsè'e le anna. ⁵Pero Tata Dios nna labí bete tìe lóyúì lani bi tiempo lànìa, nìdirubani làti gudu ttu nì'a bi. Sino benìnie bi prometer qui'ni gútie na latsi' ná' bi a'hua lani ca ŷi'ni bi bitola, màsqui'ba lanú ŷi'ni bi chi té lànìa. ⁶Tata Dios nna rèe bi qui'ni ca descendiente qui' bi canu galia bitola nna ccá cabi enne' dittu' le' attu nación huaya'. A'hua rèe bi qui'ni canu nía nna guthítsini ca cabi para guni cabi tsina lo qui, aníaba tsè'e cabi por tappa gayua' ida. ⁷Tata Dios nna ra ruhué bi: Inte' nna gunia' castigar ca enne' qui' nación làti guni ca descendiente qui' lu' tsina lo qui: pero bitola nna gunia' qui'ni eria ca nía nna guni ca inte' servir lugar nì. ⁸Prueba de qui'ni Tata Dios nna née enne' fiel para gunie cumplir iyaba nu chi rèe Abraham nna uccua ttu seña cuerpo qui' Abraham láā circuncisión por mandado qui' Tata Dios. Acca loti' bitsina' ŷi'ni bi Isaac nna beni Abraham na circuncidar de uccuania xunu' ubitsa, porqui'ni

Abraham nna huíalatsi' bi Tata Dios. Anía tehuá beni Isaac lani ÿi'ni bi Jacob, a'hua Jacob lani tsi'nu ca ÿi'ni bía ca enne' gùdulo raza qui' ri'u. ⁹La'a mísmuba ca ÿi'ni Jacob canu ná tà' tàta qui' ri'u gùtsé'le tiempo antigua nna gùppa ca la' yélati' lani bettsi' qui' José nna, bètti' ca bi lani tuchùppa ca enne' dia para país láa Egipto. Pero Tata Dios gùdu bée lani Joséa nna ¹⁰gutue iyaba ca problema qui' bi nna benie qui'ni gùta'ni bi gracia nna la' riyeni tsè' nna ru'a lo Faraón enne' uccua rey qui' Egíptua; acca beduá bi para ccá bi gobernador qui' itute Egíptua a'hua sobre iyaba ca interés nu té qui'ni nna. ¹¹Lànianana uccua ttu ùbina' fuerte ni le' ituba región qui' Egíptua a'hua hàstaá Canaán làti gùtsé'le ca ÿi'ni Jacob. Yala uccua ca enne' sufrir hasta qui'ni a'hua ca tà' tàta qui' rí'ua nna labí té nu go cabi. ¹²Bina bá tà' tàta qui' ri'u Jacob qui'ni yala ÿua' té le' país Egíptua, acca guthèl-la' bi ca ÿi'ni bía nía para táyo'o ca ÿua'. ¹³Pero nu cca chùppa vuelta guthèl-la' bi ca Egíptua nna, gutixa'ani Joséa ca qui'ni la'a làbi nuá bettsi' caniá nu beni ca maltratar. Anía modo uccua Faraón saber nuña ná familia qui' Joséa. ¹⁴Lànianana gutàÿi Josée tàta qui' bi Jacob a'hua iyaba ca pariente qui' bía para tsía ca Egíptua. Uccua gàyuna' tsinu' cabi. ¹⁵Acca huía tè Jacob hàstaá Egíptua para thua bi. Nía bá gùtti bi a'hua tsì'nu ca ÿi'ni bi canu gùdulo raza qui' ri'u nna. ¹⁶Bitola nna tahua' ca ca cuerpo qui' cabi hàstaá Canaán, nía nna becàttsi' ca cabi le' ttu loyu

nu huí'i Abraham qui' ca ÿi'ni ttu enne' láa Hamor le' yetsi Siquem. ¹⁷Loti' chi debíga' tiempo qui'ni ccá cumplir promesa lígani qui' Tata Dios lani Abraham, adíralá xeni chi ná yetsi Israel, pues nuÿetse' ca chi huàni le' país Egíptua. ¹⁸Pero bitola nna gùdua attu rey para cu'úbì'a Egíptua', pero lã nna labí benibí'a Joséa porqui'ni lanuru Joséa té, qui'ni chi gùtti bi. ¹⁹Rey cúbía nna bethacca'ÿiá ca enne' qui' rí'ua nna labí beyu tsi'a cabi hàstaá qui'ni benia mandado gatti ca huatsa to' qui' cabía confórmea galia ca, para qui'ni bíttuúru tsání raza qui' rí'ua. ²⁰La'a mísmuba tiempo lània nna gùlia ttu nubeyu' to' gùta' láa bi Moisés; Tata Dios nna yala guyú'u latsi'e bi. Por tsùnna biú' teruba bìrialàni ca tàta nàna qui' bía becàttsi' ca bi le' yú'u. ²¹Loti' chía ná para qui'ni gatti bi nna, la'a mísmuba ÿi'ni niula qui' rey Faraón bedi'a bi nna bediÿèniã bi ti'atsi ÿi'ni bi. ²²Moisés nna bidète' ba bi ituba ciencia nu nabia'ni ca enne' Egíptua. Yala tsè' gùre' la' riyeni qui' bi para inne bi nna guni bi tsè' biya tsina. ²³Loti' ùccuanì Moisés chùà' ida nna belaba latsi' bi tanèl-lia' bi ca enne' ná raza qui' bi ca enne' Israel. ²⁴Bilá' tènì bi ttu nu Egíptua runia maltratar ttu enne' qui' bía, acca bèdi' bi a nna bètti bi nu Egíptua, anía modo nna bèdi' bi yèe' qui' enne' qui' bía. ²⁵Belaba latsi' bi qui'ni ca enne' qui' bía nna huènnia ca cuenta qui'ni Tata Dios nna gudilèe ca latsi' ná' canu Egíptua por medio de làbi, pero làca nna labí gutelíni ca anía. ²⁶Porqui'ni attu yu'utsá

nna bitsina' bi làti tsè'e chùppa canu ritìl·la entre ca enne' qui' bíá, acca uccua taá latsi' bi gútse'e tsè' bi çà nna ra bi çà: Bettsi' bá lé cca, biánicca rue' luetsi le. ²⁷Entonces nu runi maltratar attu nubéyu'a nna becàbiã Moisés: Núni beduã lu' para cu'úbia'ni lu' intu' nna guni lu' lu'uxticia qui' tu' nì'i, ²⁸tsí càhua latsi' lu' gutti lu' inte' tì'a betti lu' enne' Egíptua nàya cá.

²⁹Biyeni bání Moisés ca tìtsa'a nna becuítta taá bi huía bi idittu' hàstaá látsi ca enne' madianitas. Nía bá bettsaná' bi nna gútsé'e chùppa ÿi'ni bi. ³⁰Chùà' ida ti'ga bitola nna loti' gurèni bi làti dua i'ya láã Monte Sinaí nna bila'ni bi ttu ángel le' ttu tìttsa yèttse' nu ritelàl·làni. ³¹Bilá' bání Moisés nuá nna yala uccuaÿi latsi' bi, acca gubiga' tè bi para inna' tsè' bi biÿa nuá, làniana biyénini bi tsì'i Señor Dios nna rèe bi: ³²Inte' ná Dios qui' ca tà' tàta qui' lu' Abraham nna Isaac nna Jacob nna. Màsqui'ba para yétsiloyu chi gùttì cabi, pero lani inte' nna bàni ba cabi. Biyeni bání Moisés qui'ni rinne Tata Dios lani bi nna gùdulo bi biÿitti'ni bi. De tantua gùtsini bi nna labiru beyãÿani bi inna' bi làti re' yèttse' nu ràl·la'a. ³³Tata Dios nna gunènie Moisés adí nna rèe bi: Gulèqquia ca guarachu qui' lu'ã' nì'a lu', porqui'ni làti du lu'ã' nna nã lugar santo, ³⁴hualigani qui'ni chi bila' te' ti'ÿya ná la' ritè qui' ca enne' quia' tsè'e Egíptua; hàstaá ÿiabara' chì huá biyeni te' la' ribetsi qui' quí por iyaba nu ruthacca' canu nía çà; acca rínní'a lani lu' porqui'ni calátsa'a' gudilá ya' le làtsi' ná' canu Egíptua.

Annana, bèduli porqui'ni calátsa'a' ithél·la'a' lu' Egíptua.

³⁵Anía beni Tata Dios, màsqui'ba chi betsibi çà Moisés nna ra çà bi: Núni beduã lu' para cu'úbia'ni lu' intu' nna guni lu' lu'uxticia qui' tu' nì'i; pero Tata Dios nna guthèl·le'e Moisés para ebèqquia bi çà nía nna gudilá bi çà làtsi' ná' nu uccua rey qui' Egíptua, por medio de la'huacca qui' ángel enne' bila'ni bi le' yèttsi'a. ³⁶La' mímuba Moisés nna bebèqquia bi çà le' Egíptua bitola de beni bi iÿetse' ca milagro a'hua adí ca señal de la'huacca qui' Tata Dios le' región qui' Egíptua, a'hua loti' biyàlia ttu néda le' indatò' nu láã Mar Rojo nna guttè cabi làhui'. Beni hua bi adí ca milagro loti' gútsé'e cabi le' desiértuá por chùà' ida. ³⁷La' mímuba Moisés nna gunèni bi ca enne' Israel nna ra bi çà: Huàl·lani tsá qui'ni Señor Dios enne' becuí'e inte' nna guni huéé qui'ni attu descendiente qui'ba le ccá huéé profeta. Acca líúda naga' le quì'e nna liguni nu ínneé. ³⁸Ttu ángel nna gudue ru'a lo Moisés loti' huàppi bi lo i'ya nu lá Monte Sinaí. Angeliá nna bi'e tìtsa' lani bi, a'hua lani ca tà' tàta qui' ri'u gútsé'e lània. Beni Moisés recibir ca tìtsa' de la'labàni nu bethà'na bi hàstaá lani ri'u anna. ³⁹Pero ca tà' tàta qui' rí'ua nna labí uccua latsi' quí gudà naga' quí qui' Moisés, sino betsibi lá çà bi nna tulidàba bedua iqquia quí eyèqquia çà Egíptua. ⁴⁰Làniana ra çà Aarón: Beni ttu biÿa imagen para ccá dios qui' tu' nna guniã intu' cuàlani porqui'ni Moisés nu guleqquia' ri'u le' Egíptua

nna, quiligáhuá té néda guỹi' bi.

⁴¹Làniana beni ca ttu ídolo nu de oro forma de gù'na para guduỹíbi qui ru'a lúì, a'hua bètti ca iỹé ca animal nna betsia ca ca ru'a lo ídoluá nna beni ca fiesta qui'.

⁴²Acca Tata Dios nna bétse'e tè latsi'e ca nna be'èl'la' telée ca guni ca adorar hàstaá ca bélia tsia yíaba tì'a chi ra Tata Dios lo ca libro làti ga'na escrito por ca enne' uccua profeta qui'e:

Lebi'i ca enne' Israel, durante chùà' ida nu gureni le le' desiértuá nna iỹétse' ca animal to' betti le para sacrificio.

Tsí por inte' ba beni le ca ofrecer cá. Labí.

⁴³A'hua gulèqquia le estatua qui' Moloc lani yáníyúla qui';

A'hua beni le ttu figura forma de ttu bélia para ccá representar Remfán nu rena le qui'ni ná dios qui' le;

A'hua adí ca figura nu beni le nna beduỹíbi le ru'a lo qui'.

Acca guté telá' le cuenta para iche' ca le adírlulá idittu' de le' nación nu láq Babilonia, para ccá le esclavo nna guni le tsina lo qui'.

⁴⁴Ca tà' tàta qui' rí'ua nna beni cabi ttu carpa xeni nu biỹu' de templo provisional para làcabí. Lè' templua nna gutua cabi ca tabla íyyá làti ga'na escrito lo qui' ca mandamiento nu bete Tata Dios lani Moisés. Carpa nu biỹu' de templo qui' cabía nna beni cabi a' tì taání belue'ni Tata Dios lani Moisés loti' gunènie bi qui'ni á' ná nu guni bi. ⁴⁵Adí ca tà' tàta qui' ri'u gutsé'e

bitola nna bà' cabi iyábani material bèníní cabi templua gaỹa tediba huía cabi. Gutà'a cabi le' región qui' ca enne' huaya' lani Josué enne' uccua capitán qui' cabía. Tata Dios nna gulèqqie ca contrario qui' cabía látsi qui', pero lóyú qui' canía nna betie na qui' ca tà' tàta qui' rí'ua. Anía uccua hàstaá tiempo qui' David. ⁴⁶David nna gùppa bi favor ru'a lo Tata Dios. Gunàbani bi Tata Dios tì'a huía huá latsi' tà' tàta qui' ri'u Jacob, qui'ni gudua bi ttu templo para lèe. ⁴⁷Pero álahua David bedua templua para Tata Dios, sino yí'ni bi Salomón lá bedua bi a. ⁴⁸Yù bá ri'u qui'ni Tata Dios enne' dua yíabara' nna labí due le' ca yú'u nu runi ba ca enne', tì'a ra Tata Dios làti ga'na escrito por enne' uccua profeta qui'e:

⁴⁹Yíabara' ba ná trono quia', yétsiloyu nna ná tiq làti rudu ca nì'a'.

Biálá yú'u ní gudua le para inte' cá, gálá nuq' dua lugar làti edi látsa'a' cá.

⁵⁰Tsí álahua inte' ba beni iyaba ca coşí cá.

⁵¹Beni ba Esteban seguir gunne bi nna ra bi: Yala enne' cabezudo ná le, a'hua l'liu'u losto' le nna a'hua la' riyeni qui' le nna ná tì'a rulaba latsi' canu labí ríalatsi' qui' Tata Dios. Tùlidàba tsè'e le contra Espíritu Santo. Tì'a beni ca tà' tàta qui' lía, á' tehuá runi le. ⁵²Porqui'ni nú lá ca profeta bíhuá uccua cabi sufrir por ca tà' tàta qui' lía cá. Anteslá bètti ca ca enne' gutixa'a con tiémpuní qui'ni íl'lani ttu enne' labí té falta qui'e, pero de gù'l'lanie nna bete la lí e cuenta hasta qui'ni bètti lí

e. ⁵³Lebi'i lá nuq' beni recibir ca mandamiento nu benna Tata Dios por medio de ca ángelia para guni le nu rée, pero labí runi le ca.

⁵⁴Biyeni báni ca ca titsa'a nna bitsa'á láni ca Esteban nna uccua latsi' quí gúttí ca bi. ⁵⁵Por la'huacca qui' Espíritu Santo nna gunne Esteban ca titsa'a nna gúnna' tè bi ÿiabara' nna bila'ni bi la'yani' nu dá' dèsdeba ÿiabara' la làti dua Tata Dios. Bilá' báni bí Jesús qui'ni du tè lado ná' bàni qui' Tata Dios. ⁵⁶Làniana ra tè bi: Anna tení rila' te' yalia ÿiabara', linna' tsaáruhuá qui'ni Nubeyu'a nna du tè lado ná' bàni qui' Tata Dios. ⁵⁷Làca nna guretsi ya'ání ca nna bethàya naga' quí nna bitsina' chì ca ttu tiempo ba para gúttí ca bi. ⁵⁸Làniana gulèqquia tè ca bi fuera yétsiá. Canu uccua testigo falso contra Esteban nna becùà' ca ca lári' qui' caniá ru'a lo ttu nubeyu' láq Saulo para qui'ni huí'q ca cuidado. Gùdulo tè ca rue' ca Esteban íyyá. ⁵⁹Beni ba ca seguir bedua ca íyya iquua Esteban miéntraste beni bi oración nna ra bi: Señor Jesús, bedi' cuiq'lu' espíritu quia' canchu chi gattia'. ⁶⁰Làniana bedu'ýibi bi nna gunne bi iditsa nna ra bi: Señor, bittu exalatsi' cuiq'lu' túl'li' nu runi ca. Beyacca ba ra bi anía nna gùdulo descanso eterno qui' bi.

8 Nubeyu' lá Saúluá nna gùdu b́ de acuerdo qui'ni gutti ca Esteban. Ca tsá lànía nna gùdulo ca betsia latsi' quí ca creyente qui' iglesia nu re' Jerusalén. Acca gùthilàlia ba iyaba cabi ituba región qui' Judea nna Samaria nna, pero ca apóstol nna beyà'na ba cabi le'

Jerusalén. ²Tuchùppa ca creyente fiel nna guche' cabi cuerpo qui' Esteban nna becàttsi' cabi bi; yala guretsi cabi por nu uccua lani bi. ³Saúluá nna beni b́ seguir betsia latsi' q ca enne' ríalatsi'á; gutà'q le' ca yú'u qui' cabi nna guté'ya cabi nna bedàl-lq cabi litsi' iyya, tàntua ca nubeyu' l'le ca niula l'le.

⁴Pero ca enne' gùthilàlia ba nna huía cabi itú lèttia tabání huèquixa'a evangelio. ⁵Felípea nna huía bi para ttu yetsi le' región Samaria nna beni bi predicar nu cca qui' Cristua. ⁶Betùppa tè nu'yetse' ca enne' yétsiá nna yala tsè' bedà naga' quí nu gutixá'ani Felípea ca. Biyénini ca predicación qui' bi nna bila'ni ca ca milagro nu beni bi. ⁷Porqui'ni por Felípea nna acca iyètsè' canu uccua padecer por ca espíritu malo nna ribetsi yà'ani ca beria ca lo losto' ca ènni'a. A'hua iyètsè' canu ra'ni parálisis nna ca enne' cojo nna beyacca latsi' quí. ⁸Acca iyábani ca enne' le' yétsiá nna yàlaní la' redacca' latsi' guta' qui' quí. ⁹Gùdua ttu nubeyu' láq Simón, chía gutsá nq huatsaa' nna yala bethacca'ýíq ca enne' Samaria nna yala enne' ýeni belaba latsi' q uccua. ¹⁰Iyaba ca enne' nna yala huíalatsi' quí quí' q, tàntua canu adiru cùiti' hàstaá ca enne' gùla nna ra ca: Là nui nna du meru gani la'huacca ýeni qui' Tata Dios lani q. ¹¹Yala gùppa ca titsa' nubéyu'a porqui'ni berexaèl:la'q ca por medio de la' huatsàa' nu runià chía gutsá ni. ¹²Biyeni báni ca enne' yétsiá predicación qui' Felípea acerca de ca titsa' tsè' cubi nu cca qui' la' rigú'ubia' qui' Tata

Dios nna Jesucristua nna, huía tè latsi' qui' nna uccua cą bautizar tántua ca ènne'yu' lle ca niula lle. ¹³La'a mísmuba Simón nna huía huá latsi'í. De chi uccua bautizar nna tulidàba gurènią lani Felípea; ą'hua de bila'nią ca milagro nu beni Felípea ą'hua adí ca hecho nu rulue' la'huacca qui' Tata Dios lani bi nna yala biquila' latsi'í. ¹⁴Bina bá ca apóstol tsè'e le' Jerusalén qui'ni ca enne' Samaria nna chì huá ríalatsi' qui' títsa' qui' Tata Dios, acca guthèl-la' cabi Pedrua nna Juáan nna nía. ¹⁵Bitsina' bá cabi nía nna beni cabi oración por canu ríalatsi'á para qui'ni thi' cabi la'huacca qui' Espíritu Santo. ¹⁶Porqui'ni lanú nuña íqquia ní chi huádi la'huacca qui' Espíritu Santo lánia entre ca enne' Samaria, sino qui'ni uccua cą bautizar tsua' teruba lani nombre qui' Jesús. ¹⁷Pero de betsia ná' ca apóstol íqquia ca ènni'a nna gul-lani tabá Espíritu Santo lani cą. ¹⁸Simón nu guýeni mágia ántesca tsíalatsi' niá nna, de rutsia ná' ca apóstol íqquia ca enne' nna ridi' cą la'huacca qui' Espíritu Santo, acca bèninią cabi ofrecer bel-liu nna, ¹⁹řa cabi: Ligúnna huá la'huacca quia' para qui'ni nuña tediba gútsá nàya' íqqı' nna gunią recibir la'huacca qui' Espíritu Santo. ²⁰Pedrua nna ra tè bi ą: Tata Dios nna gunie lu' castigar tsa'tsèla tehuá bel-liu qui' lu'ą, porqui'ni rulaba latsi' lu' gó'oní lu' favor nu řa runna ba Tata Dios. ²¹Labí té derecho qui' lu' para lání lu' le' tsini, porqui'ni la' rulábalatsi' qui' lu' nna labí ną tsè' ru'a lo Tata Dios. ²²Acca

beyàtta'yu' lani Tata Dios por maldad qui' lu'ą' nna, xiaba canchu lèe nna eyuniýèn latsi'e qui' lu' por la' rulábalatsi' mal nu yù'tu lo losto' lu'. ²³Porqui'ni rilá' te' qui'ni yù'tu ba lu' le' la' chul-la, ą'hua tul-la' qui' lu' nna řiga' bánią lu'. ²⁴Becàbi Simón nna řa: Linàbani Señor por inte' para qui'ni nìdi ttu ca cosa nu chi ra lią' nna làa thacca' ya' ą. ²⁵Làniana Pedrua nna Juáan nna de chi bete cabi testimonio nu cca qui' Jesucristua nna gùtixa'a cabi títsa' qui' Tata Dios le' iýetse' ca yetsi anta' Samaria nna, beyequia cabi Jerusalén.

²⁶Bitola nna gunne ttu ángel enne' guthèl-la' Señor lani Felípea nna rèe bi: Gùduli nna huía gutèl-la' néda yúbitsi nu riria dacca' lado sur qui' Jerusalén para yetsi láą Gaza. ²⁷Làniana gùduli chì Felípea nna guda' chì bi. Tiémpuá nna bila'ni bi ttu enne' Etiopía nación qui' Africa. Nubéyu'a nna uccu ą empleado nu dacca' le' palacio qui' Candace niula uccua reina qui' ca enne' Etiopía. Nubéyu'a nna ną ttu nubeyu' eunuco, bìą cuidado iyaba ca riqueza nu té qui' niula rigú'ubi'á. Empleádua nna huía le' Jerusalén huèni Tata Dios adorar. ²⁸Beyequia tią látsı' nna deyu'ą le' carreta qui' niá nna rul-la tią escritura nu ga'na escrito por Isaías enne' uccua profeta qui' Tata Dios tiempo chía gutsá. ²⁹Espíritu Santo nna rèe Felípea: Gubíga' luítta' carreta'. ³⁰Gubiga' tè Felípea nna biyénini bi qui'ni nubeyu' Etiopía nna rul-la escritura nu bedia profeta Isaías, acca ra tè bi ą: Tsí hua ritelíni lu' biya nuą' rul-la

lu' cá. ³¹Becàbiq nna rã bi: Ti'ani modo ttéli te' canchu núhuá nuŷa ethàtsilà'naniã inte' nì'i. Làniana gùtta'yú tènìã Felípea qui'ni tsappi bi nna cue'ni bi lani ą le' carreta.

³²Lectura làti rul'la naá nna ra íj:

Tì'a riche' ą ttu carnero para gutti ą na, ą' tehuá guche' ą ne.

A'hua tì'a ttu carneru to' labí biŷa runiã canchu chi richu ą ittisa' ŷúí, ą' tehuá lèe nna labí bedudísié de chi ruthácca' ą néa biŷa.

³³Beni ą ne tratar ti'atsi labí enne' re' cuenta née, ą'hua labí lu'uxticia beni ą qui'e. Acca núní ccani equixá'a ti'liŷa tegá mal uccua canu gutsé'e tiempo qui'e cá.

Gutua ą la'labàni qui'e le' yétsiloyuj.

A' ra lo Escritura. ³⁴Làniana ra tiã Felípea: Bethàtsilà'na bál'lani inte': Núní qui'ní nui rinne profeta, tsí la'a qui'ba bi, o, tsí qui' nuŷa attu enne' ba áccá. ³⁵Felípea nna gùdulo bi por medio de Escritura nna gutixa'ani bi ą ca titsa' de salvación nu runna Jesucristua.

³⁶Néda ba yù'u cabi nna taxácca' cabi ttu lèttia làti yù'u inda. Acca ra tè nubéyu'a: Chi gul'lani ri'u làti yù'u inda. Tsí bihua cca tià' bautizar anna cá. ³⁷Felípea nna ra bi ą: Huacca láaná canchu hua ría latsi' lu' lani itute losto' lu'. Becàbiq nna rã: Hua ría ba látsa'a' qui'ni Jesucristua nna née ŷi'ni Tata Dios.

³⁸Beni tiã mandado qui'ni thutsi carreta. Làniana huàdi tè chùppa taá cabi le' inda nna beni tè Felípea na bautizar. ³⁹De beria cabi le' inda

nna, Espíritua nna de repente tabá bedi'e Felípea nna bedue bi attu làti huaya'. Nubeyu' Etiopía nna labiru bilá'niã bi nna deyya tiã látsi lani la' redacca' latsi'. ⁴⁰Bitola nna bilá' tènì ą Felípea le' yetsi láã Azoto. Gutè ba bi nía nna beni bi predicar evangelio le' ttu ttu ca yétsiã nna bitsina' bi Cesarea.

9 Saulo nna beni bá seguir betsia latsi'í canu ríalatsi' qui' Señor, hàstaá qui'ni beduã iquj gúttíã cabi. acca huíã ru'a lo nu uccua sumo sacerdotèa, nna ²gunàba tiã orden para gutiã lani canu rigú'ubia' le' ca sinagoga le' ciudad Damasco, para qui'ni canchu etselániã nuŷa ttu ca ènne'yu' l'le ca niula l'le canu ríalatsi' qui' Cristua nna íchi'ã cabi preso para Jerusalén. ³Néda bá yù'u Saúlua chi taáduã itsina'ã le' ciudad Damáscua, de repente taá nna gul'lani ttu la'yani' qui' ŷiabara' nna bedàni'ã ita'lùbaniã. ⁴Acca la'a mísmuba làti du naá gubixi chìã loyu nna biyeni tènìã tsi'i ttu enne' gunènie na, nna rèe: Saulo, Saulo, biánicca rutsia latsi' lu' inte' nì'i. ⁵Saúlúa nna ra tiã: Núní lu' nuã' Señor. Enni'a nna rèe na: Inte' ná' Jesús enne' rutsia latsi' lu'; la'a lu' ba runidí' qui' lu' por nu runi lu'ã'. ⁶Biŷìtti'ni Saúlua de tantua la' rátsilatsi' nna rã: Biani calatsi' cuiã'lu' gunia' Señor. Lèe nna ra tìe na: Beyátha nna beyya le' ciudá'; nà' ba nna ccá lu' saber nu ná qui'ni guni lu'. ⁷Ca nubeyu' dia lani Saúlua nna cuenta gudàa tsi ba ą nna uccuayí bá latsi' qui' porqui'ni biyénini ą tsi'íã pero lanú nuŷa bila'ni ą. ⁸Beyatha tè Saúlua nna uccua latsi'í ínna'ã pero

labiru bilá'niq. Acca gutèl-la' bání cą ní'í nna guche' cą na Damáscuá. ⁹Nía bá gùdua Saúlua tsúnna ubitsa, labí uccua ilá'niq nna. Labí gutúq nihua inda labí gu'ya.

¹⁰Le' Damáscuá nna gùdua ttu enne' chi huálatsti', lá bí Ananías. Gunèni Señor bi lo yèlà nna rèe bi: Ananías. Becàbi bi nna ra bi: Nì bá dua' Señor. ¹¹Señor nna rèe bi: Huàtha, huía calle nu láq Derecha litsi' Judas nna, inàba titsa' lu' por ttu nu lá Saulo nu yetsi Tarso, porqui'ni lą nna runiá oración anna, ¹²ą'hua chi uccuą saber qui'ni itsina' lu' làti duą, porqui'ni tì'a ttu nu rinnenì yèlà ba bilá'niq qui'ni gut'à ttu enne' lá bí Ananías nna betsia ná' bí iquq̄ para qui'ni elá'niq. ¹³Ananías nna rabi e: Señor, nuyetse' cą chi ra cą inte' nu cca qui' nubéyu'ą' qui'ni yala telá mal chi benia qui' ca enne' qui' cuią'lu' tsè'e Jerusalén. ¹⁴ą'hua ca sacerdote principal nna chi bete cą orden qu'í para gudàxu'ą tu' preso, iyaba tu' canu runi tu' oración lani nombre qui' cuią'lu'. ¹⁵Señor nna rèe bi: Huía, porqui'ni chi réeé' te' nubéyu'ą' para uquína' ya' ą tsią huèquixa'a nu cca quia' ru'a lo ca enne' qui' adí ca nación nna ca rey qui' quí nna, ą'hua ca enne' Israel nna; ¹⁶inte' nna gulué'ni ya' ą ti'iya tegá ná qui'ni ccą padecer por nu cca quia'. ¹⁷Làniana huía te Ananías. Gut'à bi le' yú'a nna betsia ná' bí iququia Saúlua nna ra tè bi: Hermano Saulo: Señor Jesús enne' bila'ni lu' loti' yù'u lu' néda chi guthèl-le'e inte' para qui'ni gunia' oración para lu' para qui'ni elá'ni lu' nna guni lu'

recibir la'huacca qui' Espíritu Santo. ¹⁸Luegu taá nna tì'a ná bía ná nu betua lo Saúlua, lànìa taá nna belá' chìnì bi. Gùduli tè bi nna uccua bi bautizar. ¹⁹Làniana beyò bi etta nna beyatta' fuerza qui' bi. Gùdua bi le' ciudad Damáscuá tuchùppa ubitsa lani ca enne' chi ríalatsi'á.

²⁰Bitola nna gùdulo bi gùtixa'a bi nu cca qui' Cristua. Le' ca sinagoga qui' ca judíua nna beni bi declarar qui'ni Jesús nna hualigani née Yí'ni Tata Dios. ²¹Iyaba canu biyéni cą qui' bi nna uccuayí bá latsi' quí nna ra cą: Tsí álahua nui nuá rutsia latsi'í canu rudettia láa Jesús le' ciudad Jerusalén, acca da' huą nì para gutsia latsi'í canu ríalatsi' nna íchi'ą cą preso ru'a lo ca sacerdote principal cá. ²²Pero Saúlua nna lani adí lá valor beni bi predicar hasta qui'ni gulèqquia yínią latsi' ca judío tsè'e Damáscuá, gutixa'áni bi cą claru tení qui'ni Jesús nna née Cristo enne' ribèda cą qui'ni íl-lanie.

²³Gutè tí' diba tsá nna gulèqquia latsi' ca judíua gutti cą Saúlua. ²⁴Gùtse'e tè cą guardia ru'a ciudad la' réla la' ritsa ba ribèda cą bi para gutti cą bi. Pero Saúlua nna bina bi nu re'ni cą guthacca' cą bi. ²⁵Acca de réla lá nna gulída ca enne' chi ríalatsi'á Saúlua dacca' lo dé'è nu yeqquia ciudad, yù'u bi le' ttu tsúmmi xeni. Anía modo nna gulà bi làtsi' ná' canu rutsia latsi' quí bía.

²⁶De betsina' Saúlua Jerusalén nna beyíla bi làti tsè'e ca creyente qui' Señor, pero iyaba cabi nna yala gùtsini cabi bi porqui'ni labí chí yù cabi qui'ni chì huá ná bí creyente. ²⁷Làniana guche' Bernabé Saúlua ru'a lo ca apóstol nna, bè'ni bi cabi

titsa' ti'íyā uccua bilá'ni Saúlua Señor Jesucristua loti' yù'u bi néda nna, a'hua nu rèe bi nna. Gùtixa'a huá bi ti'íyā beni Saúlua predicar lani valor le' Damáscua' nu cca qui' Jesús. ²⁸Làniana gurèni ba Saúlua lani cabi le' Jerusalén. ²⁹Sin la' rátsilatsi' nna gunne bi nu cca qui' Señor, a'hua beni bi discutir lani ca judíua canu rinne titsa' griego; pero làcā nna luegu taá uccua lá latsi' qui' gutti cā bi. ³⁰Bina bá ca hermanos nui nna huía cabi lani bi hàstaá yetsi Cesarea; nía nna bethèl-la' cabi bi para yetsi qui' bi Tarso. ³¹Làniana le' ituba región qui' Judea nna Galilea nna Samaria nna labiru betsia latsi' qui' ca enne' nu chi ríalatsi' màsqui'ba runi cabi reunión. A'hua adí lá tsittsi uccua cabi nna beni cabi Señor obedecer lani la' rátsilatsi' lo losto' cabi. Espíritu Santo nna betie fuerza qui' espíritu qui' cabi; acca yala huàni adí ca enne' nu ríalatsi' qui' Señor.

³²Loti' gurèni Pedrua huèni visitar iyaba ca creyente nna, huía huá bi huenèl-le' ca creyente fiel tsè'e le' yetsi láq Lida. ³³Nía nna gùdua ttu ènne'yu' gùta' lá bí Eneas, chi uccua xùnu' ida téq rà'níā lani parálisis nìdi làa cca ttā. ³⁴Pedrua nna ra bi ā: Eneas, Jesucristua reyúnie lu'. Huàtha nna bedàppa ca lari' qui' lu'ā'. Lā nna beyatha chiā. ³⁵Iyaba canu tsè'e le' yetsi Lida a'hua le' yetsi Sarón, de bila'ni cā qui'ni chi beyacca latsi' nubéyu'a nna, acca betse'e latsi' qui' ca creencia qui' qui' nna huía latsi' qui' Señor Jesucristua.

³⁶Gùdua le' yetsi láq Jope ttu niula creyente gùta' líq Tabita,

titsa' griego nna lá huá Dorcas. Tulidàba gùppā la' retúalatsi' por ca enne' pobre nna beniā cā cualani. ³⁷Tiempo lània nna yala fuerte huèniā nna labiru beyacca latsi'j. De chi gùttiā nna begàdia cā na gutixa tè cā na le' yú'u yéniā. ³⁸Yetsi Lida nna rìq exa bá yetsi Jope. Acca de bina ca creyente tsè'e le' Jope qui'ni le' yetsi Lida re' Pedrua nna, guthèl-la' tè cā chuppa ca Enne'yu' para gatta'yúni cā bi nna ra cā: Gutàxia bál-la cuiā'lu' lani intu'. ³⁹Pedrua nna huía chì bi lani cā. Bitsina' bi Jopea nna guche' cā bi le' yú'u yèni làti téni cā cuerpo qui' Dorcas. Nía huá tsè'e ca niula viuda ritè la'dí' yala ribetsi cā nna belue'ni cā bi ca vestido a'hua adí ca lári' nu gutía Dorca loti' bàni rù naá. ⁴⁰Pedrua nna beni bi mandado qui'ni íria sà iyaba cā fuera, làniana beduýíbi bi nna beni bi oración. Beyacca ba beni bi oración nna bedèqquia lo bi làti té nu yàttia nna ra bi: Tabita, beyátha. Lā nna benna'a, bilá' chiniā Pedrua nna gurè' tènīā. ⁴¹Pedrua nna bedaxu' tè bi ní'j nna bethùli bi ā. Làniana beyāyi bi ca enne' chi ríalatsi'ā a'hua ca niula viuda nna beni bi Dorcas presentar lani cā qui'ni chi beyacca bàniā. ⁴²Itúbani le' yetsi Jópea nna bina cā nu uccua, acca nuýetse' cā beni cā Señor aceptar. ⁴³Pedrua nna beyà'na bi iýé ubitsa le' yetsi Jópea litsi' ttu nubeyu' láq Simón nu rùcùtsi yéti para zapato.

10 Gùdua ttu nubeyu' le' yetsi Cesarea láq Cornelio, uccua capitán qui' gayua' ca soldado qui' ejército italiano. ²Nubéyu'a nna

yala adorar beniꜥ Tata Dios, a'hua yala obedecer beni bi e lani la' rátsilatsi' lo lostu'ij; anía bá beni iyaba canu tsè'e litsi'ij. Yala' huá cualani beniꜥ ca enne' Judea canu ritè la'dí', a'hua tulidàba beniꜥ oración. ³Ttu tsá nna riti tsùnna ti'gá de diál:lalá nna, ti'a ttu nu rínneni yèlà ba bilá'ni Cornéliua claru tení ttu ángel gut'à bi làti duꜥ hueni adorar. Ángelia nna ra bi a: Cornelio. ⁴Lꜥ nna betsia tsittsi' ba lúij bi yala lani la' rátsilatsi' nna ra bi: Biágání nui Señor. Ángelia nna ra tè bi a: Tata Dios nna chi biyéni ca oración qui' lu', a'hua chi bilá'nie la' retúalatsi' nu té qui' lu' lani ca enne' pobre. ⁵Acca guthèl-la' ca mozo qui' lu'a' le' yetsi láꜥ Jope para taxi' cꜥ Simón enne' lá huá bí Pedro ⁶enne' dua litsi' ttu enne' rúcùtsì yeti para zapato láꜥ Simón, duꜥ exa bá ru'a indatò'. Pedrua nna quixá'ani bi lu' biyá ná qui'ni guni lu'. ⁷Beria díbá ángelia làti du Cornéliua. Gutàyi tè Cornéliua chùppa ca huenitsina qui' niá nna a'hua ttu soldado fiel nu yala huá adorar beniꜥ Tata Dios. ⁸Gutixa'ániꜥ cꜥ iyaba nu uccua acerca de nu bila'ni naá, bitola nna guthèl-la'ꜥ cꜥ para yetsi Jope. ⁹Attu yu'utsá nna exa tegáabá ru'a ciudad chi dia cꜥ, huàppi Pedrua iquiqua yú'u lo azotea para guni bi oración. Ttu tsì'nu hora ti'gá nuá. ¹⁰Gutùni l-lání Pedrua nna quelibí l-lání go bi ùccuaní bi, pero miéntraste runi cꜥ yuhué bi nna de repente taá nna bila'ni bi ti'a ttu nu rínneni yèlà. ¹¹Bila'ni bi yálíá yíabara' nna huàdi' tè ttu lári' yíga' tappa esquina qui'ij forma de ttu

bédútí. ¹²Le' nuá nna yù'u iyábani clase de ca animal: canu tsia tappa nì'a qui, a'hua canu riyé'ya bání lè'e qui, a'hua canu ridàa lo be' nna. ¹³Làniána biyéni tènì bi tsì'ij ttu enne' nna rèe bi: Pedro, gùyi' nna bèttì nna gütò. ¹⁴Becàbi Pedrua nna ra bi: Labí Señor, porqui'ni nìdi tsa ní'í gua' iyání nu ro ca enne' qui' adí ca nación, ñihua biyá cosa nu rilátsi' lani ca cosa cùttsi nna. ¹⁵Làniána biyéni tsì'ij Enni'a nu cca chuppa vuelta nna rèe: Nu chi beni nàri Tata Dios nna bittu ína lu' qui'ni nꜥ cùttsi. ¹⁶Por tsùnna vuelta uccua anía. Bitola nna beyèl-la' ba Tata Dios lári'á yíabara'. ¹⁷Miéntraste dù ba Pedrua cani bi nùyue nna rulaba latsi' bi de nu cca qui' visión nu bila'ni bí nna, bitsina' tè ca nubeyu' canu guthèl-la' Cornéliua, bitola de gunàba titsa' cꜥ gaýa nua' dua litsi' Simón. ¹⁸Gunne tè cꜥ ru'a puerta nna gunàba titsa' cꜥ canchu nía dua Simón enne' lá huá bí Pedro. ¹⁹Àtsaba rulaba latsi' Pedrua sobre de nu guýacca' bí nna ra tè Espíritu Santo bi: Nà' tè tsè'e tsunna ca nubeyu' reyila cꜥ lu'. ²⁰Acca beyàdi nna bittu tehuá ccani lu' qui'ni làa tsía lu' lani cꜥ, porqui'ni inte' ba guthèl-la' ya' cꜥ nì. ²¹Làniána beyàdi tè Pedrua làti tsè'e ca nubeyu' guthèl-la' Cornéliua nna ra tè bi cꜥ: Inte' nuꜥ' reyila le. Biani razón ni nùà' le. ²²Becàbi cꜥ nna ra cꜥ: Dá' tu' por mandado qui' ttu Capitán láꜥ Cornelio, ná bi ttu ènne'yu' tsè' nna yala obedecer runi bi Tata Dios lani la' rátsilatsi' lo losto' bi, a'hua yala tsè' dàa titsa' qui' bi entre ca enne' Judea. Ttu ángel nu guthèl-la' Tata Dios nna

chi gunènie bi para tatàyi bi cuià'lu' litsi' bi nna iyénini bi ttu titsa' rú'a cuià'lu'. ²³Làniana bega'a Pedrua ca le' yú'u nna bete bi posada qui' quj. Atu yu'utsá nna guda' tē bi día bi lani ca, huía huá tuchùppa ca creyente le' yetsi Jópea lani cabi. ²⁴Attu yu'utsá nna gùta'a cabi le' yetsi Cesaree. Cornéliua nna ribèda bá cabi nna chi betùppa iyaba ca pariente qui' q'hua ca amigo canu adiru cca tsí'q nna. ²⁵Bitsina' Pedrua litsi' Cornéliua nna biria chlà para gunià Pedrua recibir nna bedu taá yíbj ru'a lo bi para gunià bi adorar. ²⁶Pero Pedrua nna bèthuli bi Cornéliua nna ra tē bi à: Bèduli, bittu guni lu' inte' adorar porqui'ni luetsi enne' bá lu' inte'. ²⁷Àtsaba rue' Pedrua titsa' lani q nna gutà'a bi le' yú'u qui' Cornéliua nna bilá' tènì bi qui'ni enne' yētese' chi tsè'e nía, iyaba ca enne' canu naýnì Cornéliua. ²⁸Làniana ra Pedrua ca: Lebi'i nna hua yù bá le qui'ni según religiòn qui' intu' raza Judea nna yala prohibido ná etùppa tu' lani ca enne' qui' adí ca naciòn, ñihua para gá'a tu' le' litsi' enne' qui' attu raza huaya'. Pero Tata Dios nna chi beluè'nie inte' qui'ni labí dà te' épa'a' attu enne' huaya' qui'ni náq cùttsi o qui'ni labí dacca' iýu' ru'a lúe. ²⁹Accc de gutàyi le inte' nna dáyá taá' nna labí gudúdítisia'. Annana rinàba titsa'a' le: Bíyalóni'a qui'ni acca gutàyi le inte'. ³⁰Becàbi Cornéliua nna rā: Chi uccua tappa ubitsa méruá hórj nna labí chi gùtua' nna runia' oraciòn tì'a runi bá' le' lìtsa'à' ttu ttu tsá bá de diál'la lá, de repente taá nna gùdu ttu ènne'yu'

ru'a lua' yala catittini yō bi, ³¹ra tē bi inte': Cornelio, Tata Dios nna chi biyéninie oraciòn qui' lu', q'hua rilá'nie iyaba cualani nu runi lu' ca enne' pobre. ³²Acca rinénia' lu' qui'ni ithèl'la' lu' razón para ita ttu enne' dua le' yetsi Jope lá bí Simón Pedro, dua bi litsi' attu enne' lá huá Simón rucùtsià yeti para zapato nna duq exa bá ru'a indatò'. Canchu chi íl'lani Simón Pedrua nna huénni bi lu' titsa'. ³³Por nui nna luegu taá guthél'la'a' razón para ita cuià'lu'. Quiya rúgán' cuià'lu' qui'ni gùl'lani lu' ñì. Annana Tata Dios nna yùe qui'ni ñì bá tsè'e tu' para gudà naga' tu' iyate nu chi rèe qui'ni quixá'ani cuià'lu' intu'.

³⁴Làniana gùdulo Pedrua gunne bi nna ra bi: Annana ritelí te' qui'ni Tata Dios nna aláa tsua' teruba ca enne' Judea catsi'ínie, ³⁵sino qui'ni hua riyeni bánie qui' nuya tediba enne' ní, todo es qui'ni calatsi' quj ccá ca enne' adí obediente lani e nna runi ca nu ná tsè' lani la' rátsilatsi'. ³⁶Pero lani intu' ca enne' Israel nna chi gunne Tata Dios ca titsa' tsè' cubi para eyacca ri'u ttùba lani e por medio de Jesucristo enne' ná xana' iyaba ca enne'. ³⁷Lebi'i' nna hua yù bá le nu uccua dèsdeba Galílee hàstaba itúbani región Judea bitola de beni Juan predicar nu cca qui' bautismo. ³⁸Tata Dios nna beni lè'yèe Jesús enne' Nazaret nna betie la'huacca qui' Espíritu Santo lani e; yala enne' tsè' uccue lani ca enne' porqui'ni beyúnie iyaba canu uccua padecer por numalua, anía benie porqui'ni tulidàba gùdu Tata Dios lani e. ³⁹Intu' nna ná tu' testigo

porqui'ni bila'ni tu' iyaba ca cosa nu beni Jesús le' región Judee nna Jerusalén nna. Bitola nna betaá' ca ne lo yà curútsia de chi gùdà ca clavo nì'a né'e, anía modo betti ca ne. ⁴⁰Pero tsùnna ubitsa bitola nna beyáthee de lo bà làti becàttsi' ca ne nna beyacca bànie por la'huacca qui' Tata Dios. Làniana gurènie lani intu' attu. ⁴¹Alaáruhuá iyaba ca enne' bila'ni ca ne de chi beyáthee de lo lù'uti, sino ca enne' becué' Tata Dios dèsdèba neru para ccá ca testigo de nu cca quì'e, à'hua intu' nna gù'ya gutò tu' lani e bitola de chi beyáthee de lo lù'uti. ⁴²Làniana guthèl-la' huée intu' para quixá'ani tu' ca enne' nna cueqquia lí tu' qui'ni Tata Dios nna chi bedue Jesús para quée Juez qui' iyaba canu bànì à'hua qui' iyaba canu yatti nna. ⁴³Qui' Enni'ì nuá gutixà'a iyaba ca profeta qui'ni iyaba canu tsíalatsi' qui' ne nna huatta' la' runittilo qui' ca tul-la' qui' qui' por medio de lèe.

⁴⁴Àtsaba rinne Pedrua ca tìtsa'a nna huàdi Espíritu Santo iqquia iyaba canu rudà naga' predicación qui' bí'a. ⁴⁵Ca creyente Judee ca enne' beni cabi Pedrua acompañar nna, uccuayí bá latsi' cabi bila'ni cabi qui'ni hàstaá ca enne' labí ná judío nna chi huadi Espíritu Santo lani ca; ⁴⁶bennia cabi cuenta qui'ni chi guyi' ca la'huacca qui'e de biyénini cabi gunne ca adí ca titsa' huaya' nna rudàliani ca Tata Dios nna. ⁴⁷Làniana ra tè Pedrua ca enne' judío canu tsè'e lani bí'a: Tsí bihua ná qui'ni ccá huá ca bautizar cá. Pues chì huá beni ca Espíritu Santo recibir tì'

tehuá ri' u. ⁴⁸Làniana beni Pedrua mandado qui'ni ccá ca bautizar lani nombre qui' Señor Jesús. Bitola nna gutta'yúni ca bi qui'ni cueda bi nía tuchùppa ubitsa.

11 Bina ca apóstol lani adí ca hermanos canu tsè'e le' región Judea qui'ni à'hua canu labí ná raza Judee nna chì huá ríalatsi' qui' titsa' qui' Tata Dios. ²Le' ciudad Jerusalén tsè'e huá tuchùppa ca enne' judío chi ná huá ca creyente, pero ruthítsi ca qui'ni iyaba ca enne' ríalatsi' qui' adí ca nación nna ccá huá ca circuncidar nna guni huá ca adí ca ceremonio nu ra lo ley qui' ca judíua. Acca de beyéqquia Pedrua le' Jerusalén nna, là canuá nna yala gutítsa' ca bi nna, ³ra ca bi: Biecca huía lu' litsi' canu labí ná judío nna gutò lu' lani ca nì'i. ⁴Làniana gùdulo Pedrua gutixa'áni bi ca nu uccua dèsdèba neru nna ra bi: ⁵Loti' rí'a' le' yetsi Jópea nna guyàcca'a' tì'a ttu nu rínneni yèlà nna bilá' te' ttu cosa tì'a ttu lári' xeni tsè' ÿiga' tappa esquina qui'ì huàdià de ÿiabara' nna gùl-lanià hàstaá làti dù ya'a. ⁶Gùnna' tìà' para ilá' te' biyà yù'u le' bedùtiá nna bilá' te' ca animal canu tsia tappa nì'a ná qui' à'hua ca animal tuxu nna canu riyé'ya bání lè'e qui' nna à'hua canu ridàa lo be' nna. ⁷Làniana biyeni te' tsì'i ttu enne' nna rèe inte': Pedro, guyi' nna bètti nna gutò. ⁸Becàbi tìà' nna nia': Labí Señor, porqui'ni nìdi tsa ní'i gua' iyáni nu ro ca enne' qui' adí ca nación, nìhua biyà cosa nu bilátsi' lani ca cosa cùttsi nna. ⁹Làniana biyeni te' tsì'ia' attu nu cca chùppa vuelta nna rèe

inte'. Nu chi beni nàrì Tata Dios nna bittu ína lu' qui'ni ná cùttsi. ¹⁰Por tsùnna vuelta uccua anía. Làniana iyaba bedi' Tata Dios para ÿiabara'. ¹¹Lània taá nna gùl'lani tsùnna ca nubeyu' le' yú'u làti dua ya'a beyìla cã inte'; dá' cã dèsdèba Cesarea. ¹²Espíritu Santo nna rèe inte': Bittu tehuá ccani lu' qui'ni làa tsía lu' lani cã. Làniana xùppa ca hermanos qui' rí'uì nna guda' huá cabi lani inte'; iyaba tu' nna gutà'a tu' le' yú'u qui' Cornéliua. ¹³Nubéyu'a nna gutixà'aniã intu' ti'iÿa uccua loti' bila'niã gudu ttu ángel le' yú'u qui' niá nna ra tè bi ą: Guthèl-la' ca mozo qui' lu'ą' le' yetsi lá Jope para taxi' cã Simón enne' lá huá bí Pedro. ¹⁴Làbi nna quixá'ani bi lu' ti'iÿa modo gata' salvación qui' lu' ą'hua ituba familia qui' lu' nna. ¹⁵Gùdulo tià' gunéni ya' cã nna huàdi tè Espíritu Santo iquua quì ti'hua uccua loti' gùl'lanie lani ri'u. ¹⁶Làniana bexa látsa'a' ca titsa' qui' Señor loti' rèe: Hualiba beni Juárez bautizar ca enne' lani inda, pero lebi'i nna ccá lé bautizar lani Espíritu Santo. ¹⁷Tata Dios nna nanie qui'ni ca enne' qui' adí ca nación thí' huá cã la'a mísmuba bendición ti'a nu chi guÿi' ri'u loti' huálatsi' ri'u Señor Jesucristua nna, entonces núni ná inte' para guthága'a' nu calatsi' Tata Dios gunie cá. ¹⁸Biyeni báni ca hermanos tsè'e Jerusalén testimonio qui' Pedrua nna, labiru biÿa ra cabi sino bedàliani cabi Tata Dios nna ra cabi: Claru taá ritelíni tu' qui'ni Tata Dios nna chì huá betie oportunidad qui' ca enne' labí ná

judío para eyacca huá cã arrepentir nna gata' hua la'labani nu labí ttiã qui' quì.

¹⁹Gutè diba loti' betti cã Esteban nna gùdulo huá cã betsia latsi' quì adí ca creyente, acca gùthilàlia ba cabi becuitta cabi hàstaba ca región qui' Fenicia l-le Chipre l-le ą'hua hàstaá ciudad Antioquía nación láą Siria l-le gùtxa'a' cabi ca titsa' tsè' cubi qui' Tata Dios. Gùtxa'ani cabi làteruba ca enne' raza Judea, pero adí ca enne' nna labí. ²⁰Tuchùppa canu ríalatsi'á nna uccua cabi enne' Chipre nna Cirene nna, pues loti' bitsina' cabi le' ciudad láą Antioquía nna gùtxa'a' huáni cabi ca enne' griego ti'iÿa tsè' ná evangelio qui' Señor Jesús. ²¹La'huacca qui' Señor nna gùdue lani cabi, acca nuÿetse' cã nna bethà'na cã ca creencia mal qui' quì nna huálatsi' quì Señor Jesús. ²²Bina bá iglesia re' le' Jerusalén notíç nna guthèl-la' cabi Bernabé para Antioquía. ²³Bernabéa nna de bitsina' bi nía nna uccua tè bi saber qui'ni yala favor chi beni Tata Dios lani ca enne' nía nna yala bedácca'ni latsi' bi. Bete bi consejo qui' iyaba quì para cuequua tsittsì latsi' quì nna ccá cã fiel lani Señor. ²⁴Bernabéa nna yala ènne'yu' tsè' uccua bi: yala la'huacca qui' Espíritu Santo gùdu lani bi, ą'hua tulidàba guta' iÿeni fe qui' bi lani Tata Dios. Nuÿetse' ca enne' tsè'e Antioquía nna beni cã aceptar Señor Jesús. ²⁵Bitola nna huía Bernabéa yetsi láą Tarso hueyìla Saúlua. De bitsà' bi Saúlua nna guche' bi bi para Antioquía. ²⁶Bernabéa nna Saúlua nna gutsé'e

cabi le' ciudad Antioquía durante ttu ida; nía nna huía cabi reunión tulidàba nna bete cabi enseñanza tsè' lani iyetse' ca ènni'a. La'a mísmuba nía nna por primera vez gutìxa çà láa ca enne' rialatsi' qui' Señor: Cristianos.

²⁷Tiempo lània nna gutsé'e tuchùppa creyente uccua cabi profeta nna gutìxa'a huá cabi acerca de nu chì' da' la; làcabí nna biria cabi Jerusalén nna huía cabi Antioquía. ²⁸De chi tsè'e cabi lahui' ca hermanos nna gudúlì tè ttu bi lá bí Ágabo; Espíritu Santo nna betie la' riyeni tsè' qui' bi nna gutìxa'a bi qui'ni ccá ttu ubìna' fuerte ní le' ituba yétsiloyu. (Nu ra bía nna bi'yu tsá uccuà tiempo rigú'ubia' enne' romano láa Claudio.) ²⁹Làniana ca creyente tsè'e Antioquía nna gulèqquia léttíá qui' cabi para guni cabi cuàlani adí ca hermanos tsè'e le' región Judea. Ttu ttu tsa cabi nna bete cabi según ti'iya tébá lo néda qui' cabi. ³⁰Làniana guthèl-la' tè cabi Bernabéa nna Saúlua nna para tahua' cabi ofrenda lani ca anciano tsè'e Judea.

12 Tiempo lània nna gùdulo Rey Herodes betsia latsi'ì tuchùppa ca creyèntea. ²Benià mandado gutti çà Jacobo bettsi' apóstol Juan lani espada. ³Gutelí báni Herodes qui'ni yala bedácca' ni ca judíua qui'ni bettià Jacobua nna, acca beni tehuá duel-la' para gudàxu'á Pedrua preso. Anía benià méruá loti' gùl-la' fiesta religiosa qui' ca judíua nna ro çà ettaxtíla nu labí chixi levadura. ⁴Herodes nna beni tià orden gudàxu' çà Pedrua nna gudàl-la' çà bi litsi' iyyà. Bedà

tià guardia tappa lettia lani tappa soldado le' ttu ttu lettia para qui'ni guni çà bi seguro, para qui'ni gúduà bi ru'a lo ca enne' yétsiá tté díbá fiesta qui' caniá nu lá Pascua. ⁵Acca chi té Pedrua litsi' iyyà nna, al tántuní tsè'e ca soldádua gùppa bi. Pero ca enne' ríalatsi'á nna betùppa cabi nna tulidàni beni cabi oración por Pedrua.

⁶Là'a mísmuba yèlà para tsani' dila nu nani Herodes qui'ni cueqquià Pedrua le' litsi' iyyà nna guduà bi ru'a lo ca enne' yétsiá. Pedrua nna té ba bi ti'áthi bi, yìqquia ttu ttu lado ná' bi cadena lahui' chuppa soldado. Miéntraste adí ca soldádua nna dàa ba çà ru'a puerta gùppa. ⁷De repente taá nna gùdu ttu ángel qui' Señor nía nna huàni' rabani ituba le' litsi' iyyà. Ángelia nna belappa' tiè cuitta' Pedrua nna bedibànie bi nna rèe bi: Huàth xia. Làniana beyàtsi chì ca cadena nu yìqquia ní ca ná' bía. ⁸Gunne ángelia attu nna rèe bi: Guthi tsè' lè'e lu' nna begú'u nì'a lu' ca guarachu qui' lu'á'. Anía bá beni Pedrua. Làniana ra tè ángelia bi: Beyàccu' mata qui' lu'á' nna tanó tè inte'. ⁹Beria tè ángelia nna denó tè Pedrua bi, pero labí uccuáni bi qui'ni ná lí nuá, sino belaba latsi' bi qui'ni yèlà ba nuá rínneni bi. ¹⁰Bettè tè cabi làti tsè'e çà guardia, làniana betè cabi làti tsè'e adí ca guardia nna bitsina' cabi ru'a puerta nu de iyyà, pero ttùbà biyàlia nna beria tè cabi. Gutèl-la' cabi néda nu deyyà para le' ciudad nna gutè díba cabi ttu calle nna beníttilo tè ángelia ru'a lo Pedrua. ¹¹Làniana

betenèl-le'nì Pedrua nna ra tè bi lo losto' bi: Anna la nna ritelírani te' qui'ni Señor nna chi guthèl-le'e ángel qui'e nna bedilèe inte' làtsi' ná' Herodes a'hua de iyaba nu uccua latsi' ca judúaq' guthacca' ca inte'. ¹²Deyya tè bi rulaba latsi' bi acerca de nu uccua nna, betsina' bi litsi' María nàna qui' Juan enne' lá huá Marcos. Nía nna tsè'e iýé cabi juntu ba huèni oración. ¹³Bél-labi tè Pedrua ru'a puerta qui' zaguán nna, biria ttu niula cuiti' lã Rode para tayuq nuýa nuá du ru'a puerta. ¹⁴Bedacca' báníq tsì'i Pedrua nna, pero de tantua la' redacca' latsi' nna labí guthàliq sino bigàa lã le' yú'u nna gutixa'a qui'ni Pedrua nuá rinne ru'a puerta. ¹⁵Làcabi nna ra cabi a: Locu cà'a cca lu'. Pero Ródea nna beni bã seguir nna ra qui'ni hualigani Pedrua nuá. Acca ra tè cabi: Alàtehuá Pedrua gá sino ángel qui' ýiabara' enne' rui'e bi cuidado cca nua'. ¹⁶Pedrua nna ribèda bi fuera rúl-labi bi ru'a puerta. De guthàlia cabi nna bila'ni cabi Pedrua nna uccuaýi yà'ani latsi' cabi. ¹⁷Làniana benini Pedrua cabi seña lani ná' bi qui'ni bittu guni cabi ruido. Gutixa'a tènì bi cabi ti'iyã uccua loti' bebèqquia Señor bi le' litsi' iyyà. Ra ruhuá bi cabi: Lequixá'a tsàte'ni Jacóbua notíçj a'hua adí ca hermanos nna. Làniana guda' tè bi attu làti huaya'. ¹⁸Cuantu taá huàni'a nna uccua ttu escándalo ýéniní entre ca soldádua nna ra luetsi qui: Tì'adì'lo uccua lani Pedrua. ¹⁹Herodes nna beniaq mandado qui'ni eyìla ca Pedrua, pero lanú bi betseláni ca. Bitola de beniaq canu gùtse'e guardia iýetse'

ca pregunta nna, beni tiq mandado gatti canu gùtse'e guardia. Gutè ba nuá nna beria Herodes le' región Judea nna huíq yetsi Cesarea, nía bá gùduq.

²⁰Herodes nna yàlani bitsa'ániaq lani ca yetsi Tiro nna Sidón nna. Acca entre chuppa ca yétsiá nna gunne lettia ca para tsía ca ru'a lo Herodes. Nía nna bettsà' ru'a qui' lani Blasto nu uccua empleado exa tsittsini qui' rey Herodes. Ania modo nna gunàba ca qui'ni éttse'e tsè'ba ca, porqui'ni nu ro ca nna dá'q le' región nu bána'ni rey Herodes. ²¹Herodes nna beduq ttu tsá para etùppa ca ru'a lúq. Lã nna gùccu' tiq ca lari' nu adiru catittini qui'q nna guri'q lo plataforma nna yala rudàlianiaq la'a labáq nna gùnniaq ttu discurso para canu yetsi Tiro nna Sidón nna. ²²Ca enne' qui' ca yétsiá nna de riyénini ca ca titsa' èl-la nu ra, acca idittsani gunne chì iyaba ca nna ra ca: Alàa tsì'i nùtti'ni enne' dí nua', sino tsì'i ttu dios. ²³Làniana taá nna ttu ángel qui' Señor benie na castigar lani ttu itsahue' fuerte ni nna gùtti xigüü' bã porqui'ni bihua cuenta gulèqquiaq Tata Dios. ²⁴Làniana adila gùthilàlia bá titsa' qui' Señor nna enne' ýetse'ní huíalatsi' qui' por primera vez. ²⁵Bernabéa nna Saúlua nna de chi beni cabi cumplir mandado nu dia cabía nna beria cabi Jerusalén nna deche' tè cabi Juan enne' lá huá Marcos.

13 Le' iglesia re' le' yetsi Antioquía nna gùtse'e tuchùppa ca enne' bete Tata Dios la' riyeni tsè' qui' cabi para guni cabi predicar nna quixá'a cabi ca cosa

nu chì' ccálá, a'hua bethàtsilà'na cabi claru taá enseñanza tì' tabá ra titsa' qui' Tata Dios; anía beni Bernabéa nna Simón enne' lá Negro nna, a'hua Lucio enne' Cirene, a'hua Manaén enne' biyèni tulappa ba lani Herodes nu uccua gobernador qui' región Galilea, a'hua Sáulua nna. ²Ttu tsá nna tsè'e cabi hueni servir Señor a'hua runi cabi ayunar nna, ra tè Espíritu Santo cabi: Licuèqquia yà'latsi' Bernabéa' a'hua Sáulua' para guni cã tsina nu chi ná te' para làcã, porqui'ni por nui lá chi gutáyì ya' cã. ³Làniana de chi beni cabi adí oración nna ayuno nna, betsia tè ná' cabi iquua Bernabéa nna Sáulua nna guthèl-la' tè cabi chuppa taá cabi.

⁴Anía modo nna uccua cabi saber qui'ni Espíritu Santo ènni'a guthèl-le'e cabi tsí'a cabi. Huía tè cabi Seleucia; de nía nna gutèl-la' cabí ttu barco nna huía cabi hàstaá ttu isla lã Chipre. ⁵Bitsina' tè cabi le' Salamina ttu yetsi qui' isla de Chipre nna beni cabi predicar titsa' qui' Tata Dios le' ca sinagoga làti retùppa cã judíua. Huía huá Juan Marcos lani cabi para guni bi cabi cuàlani le' tsina qui' Señor. ⁶Làniana gutè cabi ituba isla lani nì'a bá cabi nna bitsina' cabi yetsi Pafos. Nía nna taxácca' cabi ttu nubeyu' huatsàa' uccua profeta falso lã Barjesús enne' Judea. ⁷Lã nna uccua amigo tsè' lani gobernador Sergio nu lá huá Paulo, yala tsè' uccuaníã ittsì. Gobernador nna gutáyíã Bernabéa nna Sáulua nna yala uccua latsi'ì quixá'ani cabi a' titsa' qui' Tata Dios. ⁸Pero ttu

enne' láã Elimas nna becàbi dí'niã cabí. Elimas naa uccua huatsà'a (porqui'ni anía rethàtsilà'na ri'lu líj), lã nna beníã duel-la' gudùl-la'ã latsi' gobernador para làa tsíalatsi'ì evangelio. ⁹Acca Saulo enne' lá huá Pablua nna gunna' bi nubeyu' huatsà'a nna gunne tè bi lani itute la'huacca qui' Espíritu Santo nna, ¹⁰ra bi a: Lu' yì'ni numalua, tsá'ti'ni lu' la' beýia a'hua hueni iyaba maldad nna, ná huá lu' enemigo qui' iyaba nu ná tsè'. Tsí bihua gudùtsi lu' bíttuúru inne lu' ca cosa nu labí ná lí para qui'ni làa guthàga'áru lu' ca enne' ná qui'ni tsíalatsi' qui' Señor ni'ì. ¹¹Acca annana la'a Señor ba gunie lu' castigar nna ccá lu' ciego nna labiru ila'ni lu' bitsa' por ttu tiempo. Làniana taá nna bibàga' chì la' chu'la ca íyyalúj nna labiru uccua ila'niã, gùdulo tiã beyilã ita'lùbì nuýa quél-la'ã ní'ì échi'ã na. ¹²Bilá' bání gobernador nu uccua nna yala biquila' latsi'ì nna huíalatsi'ì de biyéniniã ca enseñanza gutixà'a Pablo nna Bernabéa nna nu cca qui' Señor.

¹³Làniana bedà' tè Pablua lani ca compañeros qui' bía le' yetsi Pafos, gutèl-la' cabi ttu barco para tsía cabi yetsi Perge región láã Panfilia. Nía nna bétts'e'e ba latsi' Juan Marcos cabi nna beyéqquia bi Jerusalén. ¹⁴Lãcabi nna gutè ba cabi Perge nna bitsina' cabi le' ciudad Antioquíã región lã Pisidia. Guta'a tè cabi le' sinagoga ttu tsá sá'bado nna guýua tení cabi. ¹⁵Beyacca diba bil'la cã nu ra lo ley nu bete Tata Dios lani Moisés a'hua ca escritura nu bedia ca profeta què'e nna, làniana canu rigú'ubia'

le' sinagoga nna ra tè cã cabi: Lebi'i hermanos israelitas, canchu hua té tuchùppa titsa' qui' le para egú'u le yetsi néda nna, linne ba. ¹⁶Gùduli tè Páblua nna beni bi seña lani ná' bi para thulo bi inne bi nna ra bi: Lebi'i ca enne' israelitas a'hua iyaba le canu rappa respeto Tata Dios, líúdatsáruhuá naga' le: ¹⁷Tata Dios qui' yetsi Israel nna becuí'e ca tà' tàta qui' rí'ua nna benie cabi ttu nación xeni màsqui'ba uccua cabi enne' dittu' le' nación Egíptua, pero lani la'huacca quì'e nna bebèquie cabi nía. ¹⁸Por ttu tiempo de chù'à ida nna bechia béé iyaba ca cosa mal nu beni cabi loti' tsè'e cabi le' desiértua. ¹⁹Bel-lùÿe latsi' gàtsi ca nación canu anta' le' región Canaán para quíthie loyu qui' caniá nna betie lóyúa qui' ca tà' tàta qui' rí'ua. ²⁰Bitola nna bedue tuchùppa cabi para ccá cabi juez para làcabi nna, gulú'ubia'ni cabi yétsiá; aníabá benie durante ttú tappa gayua' tsieyóna' ida hàstaá loti' gùdua Samuel enne' uccua profeta. ²¹Làniana gunàba yétsiá ttu rey para cu'úbia'niã cabi. Tata Dios nna bedue Saul ÿi'ni ttu enne' lá Cis descendiente qui' familia qui' Benjamín, para ccá rey por chù'à ida. ²²Pero Tata Dios nna bebèquia tabée rey Sáulua le' la' rigú'ubia' qui'í, làniana bedue David para ccá bi rey cubi qui' cabi. Lo Escritura nna gunne Tata Dios qui' David nna rè: Yala ru'ulátsa'a' David ÿi'ni Isaí, hua yúá' qui'ni là nna guniã iyaba nu calátsa'a'. ²³Jesucristua nna née descendiente qui' la'a mísmuba David. Tata Dios nna guthèl'le'e bi para queé enne'

gudilà yetsi Israel tì'a chi benie prometer dèsdeba antes. ²⁴Ántesca thulo Jesús tsina nu dé'e gunie nna, gutixa'láni Juáan ituba yetsi qui'ni dani cã eyacca cã arrepentir por ca tul-la' qui' qui' nna ccá cã bautizar. ²⁵Chì' taáduã lluÿa tsina qui' Juáan nu da' bi runi bía nna, ra bi: Alahua inte' nuã' enne' rulaba latsi' le ná', pero bitola de inte' nna íl-lanie nna nìdi làa dàcca'a' para gudá'a' inda qui'e para qui' né'e, porqui'ni née enne' tsùna'. ²⁶Lebi'i hermanos canu dá'tia' le' familia qui' Abraham, a'hua iyaba le canu calatsi' gudàliani le Tata Dios, pues para iyaba lebi'i nna guthèl-la' Tata Dios titsa' nu riquixá'a' ti'líya modo gata' salvación qui' le. ²⁷Porqui'ni canu gütse'e le' Jerusalén lani canu rigú'ubia' qui' qui' nna labí gutéelíni cã nuÿa ènni'a Jesús, ñihua labí gutéelíni cã ca titsa' nu bedia ca profeta, màsqui'ba ttu ttu sábadu ba rul-la cã nu ra lo Escritura. Pero de beni cã ne sentenciar para gattie nna, anía modo beni telá cã cumplir nu gutixa'a ca enne' uccua profeta. ²⁸Màsqui'ba labí betseláni cã culpa nu dacca' gattinie, pero gunàbani cã Pilátua qui'ni guniã mandado gattie. ²⁹De chi uccua cumplir iyate nu ga'na escrito nu cca quì'e hasta qui'ni gütte, làniana bechida cã ne lo yà curútsia. Bitola nna gutixa cã ne le' yerubà. ³⁰Pero Tata Dios bechìthe bi de lo lù'uti nna beyacca bànie. ³¹Ca enne' huía lani e de Galilea para Jerusalén nna, iÿé ubitsa tse'éru bila'ni cabi e bitola de chi beyáthe de lo lù'uti. Làcabí nna ribèquia lí cabi ru'a lo iyaba ca

enne' qui'ni anía uccua. ³²Acca intu' nna riquixá'a huáni tu' le ca titsa' tsè' acera de Cristo enne' beni Tata Dios prometer lani ca tà' tàta qui' rí'ua qui'ni ithèl-le'e bi. ³³Annana chi benie na cumplir lani ri'u qui'ni ná ri'u ÿi'ni ca tà' tàta qui' rí'ua. Ga'na ri'u seguro qui'ni la'a Jesús bá née Cristua, porqui'ni bechìtha Tata Dios bi de lo lù'uti, tì'a rèe lo libro Salmo ccá chùppa:

Lu' ná lu' ÿi'nia'.

Annana rithèl-la'a' lu' yétsiloyu.

³⁴Tata Dios nna chi bá benie prometer dèsdeba antes qui'ni echìthe Jesús de lo lù'uti, para qui'ni bittu gutsu' cuerpo qui'e, loti' rèe:

Lebi'i ba thí' ca bendición nu benia' prometer lani David.

³⁵Acca ra huá lo attu Salmo:

Labí hue'él-la' cuià'lu' gutsu' cuerpo qui' ÿi'ni cuià'lu'a.

³⁶Porqui'ni David nna hua liba beni bi nu rú'ulatsi' Tata Dios loti' gùdua bi yétsiloyu. Gùtti ba bi nna bigàttsi' bi làti bigàttsi' ca tà' tàta qui' bía nna gutsu' bá cuerpo qui' bi. ³⁷Pero Jesús enne' bechìtha Tata Dios de lo lù'utia nna labí gutsu' cuerpo qui'e.

³⁸Acca ccá le saber hermanos, nì riquixá'ani tu' le qui'ni por medio de Jesús nna runi Tata Dios ofrecer eyuniyèn latsi'e ca tul-la' qui' le.

³⁹Por la'a mísmuba Jesús nna iria nàri ru'a lo Tata Dios iyaba ca enne' tsíalatsi' qui' ne, porqui'ni labí uccuáni le iria nàri le por nu ra lo ley qui' Moisés. ⁴⁰Acca líuhue' cuidado qui'ni làa tátsià iquua le nu ra Tata Dios làti ga'na escrito por ca profeta:

⁴¹Lebi'i canu ruỹitsíni le inte', caỹi bá latsi' le nna l-lúyã latsi' le, Porqui'ni inte' Dios nna runia' ca cosa yénini' entre lebi'i, Pero labí ríalatsi' le màsqui'ba nuyã ttu enne' tsè'ni riquixá'aniq le.

⁴²De beyacca bete Pablua mensaje nna beria bi le' sinagoga qui' ca judúa, laniana canu bihua ná raza judío nna gutta'yúni ca cabi qui'ni equixá'ani cabi ca sobre de ca titsa'a de eyéqquia cabi attu semana. ⁴³Bechu titsa' diba cabi ca ènni'a nna nuyetse' ca enne' judío a'hua adí ca enne' yala fiel ná ca lani religión qui' ca enne' judío nna tanó ca Pablua nna Bernabéa nna. Làcabi nna gunèni cabi ca qui'ni guni ca seguir tsè' nna tsittsì nna lani salvación nu chi bete Tata Dios lani ca por la' tsì'ilatsi' qui'e.

⁴⁴Bì'yu tsá redi' latsi' caniá nna betùppa adí iye ca enne' tsè'e le' yétsiá para gudà naga' qui' titsa' qui' Tata Dios. ⁴⁵Pero ca judúa nna bilá' báni ca qui'ni yala telá enne' yé betùppa, acca gùppa ca la' yélatsi' nna biria ca contra nu riquixá'a Pablua nna ra ca qui'ni labí ná lí nu ra bía acca beduadí' ca bi. ⁴⁶Làniana Pablua nna Bernabéa nna gunne cabi lani adí valor nna ra cabi: Uccua duel-la' qui'ni primérute lebi'i ca enne' judío equixá'ani tu' le titsa' qui' Tata Dios. Pero lebi'i nna rutsibi lá le ca tìtsi'j, acca la'a lebi'i ba runi qui'ni làa ccá le merecer para gata' la'labàni nu labí ttíq qui' le. Annana éya' bá tu' le' adí ca nación làti tsè'e canu labí ná raza judío. ⁴⁷Porqui'ni a' ba chi

beni Señor intu' mandado de rèe lo Escritura:

Chi bedúa' lu' para ccá lu'
la'yani' qui' adí ca enne'
huaya',

Para qui'ni por lu' nna ccá ca
salvo,

Aḷhua canu tsè'e hàstaá último
qui' yétsiloyu.

⁴⁸De biyénini ca enne' labí ná
raza judío ca titsa'a nna yala
bedacca' latsi' qui' nna ra ca:
Hualigani yala tsè' ná titsa' qui'
Señor. Huía tè latsi' iyaba ca enne'
ná destinado para gata' la'labàni
cubi nu labí ttíq qui' qui'. ⁴⁹Uccua
ba predicar titsa' qui' Señor le'
ituba región nía. ⁵⁰Pero ca judúa
nna gulù'u titsa' ca ca niula canu
yala fiel ná ca lani religión qui' ca
judúa nna, yala respeto rappa ca
enne' ca niuláa porqui'ni beni ca
tsè'. Ca judúa nna gulù'u yí' huá ca
latsi' ca nubeyu' re' cuenta le' yétsiá
qui'ni guyudí' iyaba ca Pablua
nna Bernabéa nna, acca gùdulo ca
betsia latsi' qui' cabi hasta qui'ni
bebèquua ca cabi le' región qui'
caniá. ⁵¹Làcabi nna becuíbi huá
bestè nì'a cabi, seña de qui'ni labí
tsè' beni ca. Làniana deyya cabi
para yetsi Iconio. ⁵²Iyaba ca enne'
ríalatsi'á nna adila bedacca' latsi'
cabi, aḷhua yala la'huacca qui'
Espíritu Santo gùdu lani cabi.

14 De bitsina' Pablua lani
Bernabéa le' yetsi Iconio
nna gutà'a cabi le' sinagoga làti
retuppa ca enne' judío; nía nna yala
lani la'huacca beni cabi predicar
hasta qui'ni nuýtse'ní ca enne'
huíalatsi' qui', tàntua ca judío aḷhua
ca griego. ²Pero ca judío canu labí

huíalatsi'á nna gulù'u yí' lá ca
latsi' ca enne' griégua nna beni ca
qui'ni gulaba latsi' qui' mal contra
ca creyénteá. ³Pero Pablo nna
Bernabéa nna iyé ubitsa gùtse'e
cabi nía nna gùppa cabi confianza
lani Señor, acca gunne cabi lani
adí valor. Señor nna benie asegurar
qui'ni titsa' qui'e nu riquixá'a cabi
nna ná favor qui' Tata Dios para
ca enne', acca betie poder qui'
cabi para guni cabi ca milagro
aḷhua adí ca cosa nu rulue' qui'ni
la'huacca qui' cabía nna dá'a de
yíabara'. ⁴Pero ca enne' qui' yétsi'á
nna uccua ca chuppa là'a; ttu te ca
gùtse'e ca lado qui' ca judúa, attu
te ca nna gùtse'e ca lado qui' ca
apóstol. ⁵Làniana gunne lettia ca
judúa lani adí ca ènni'a tsá'tsèla
tehuá canu rigú'ubia' qui' qui' para
guduadí' ca cabi nna hué' ca cabí
íyya hàsta'na gutti ca cabi. ⁶Pero
bina bá cabi nui nna beria cabi nía
nna huía cabi para ca yetsi Lистра
nna Derbe nna canu anta' ca le'
región là Licaónia, aḷhua iyaba ca
yetsi canu anta' ita'lùba nía. ⁷Nía
nna beni cabi predicar evangelio.

⁸Le' yetsi Lистра gùdua ttu nubeyu'
labí uccua thá'a, pues tulidàba
gurè'niq porqui'ni ná cojo dèsdeba
gùliq. ⁹Nubéyu'a nna ri'a rudà
nàgui'i' titsa' qui' Pablua. Pablua
nna gunna' bi lo nubéyu'a nna
gutelíni bi qui'ni hua té fe quì'i'
para ccá salvo. ¹⁰Acca Pablua nna
ra bi iditsa tsè': Gudulí nna bedu
ca nì'a lu'a' tulí taá. Nubéyu'a nna
gudulí chiq bittsianíq nna gudulúq
gùda'a. ¹¹Bila' bání ca enne' yétsi'á
nu beni Pablua nna, iditsa tsè'
guduló ca gunne ca titsa' Licaónia

nna ra ca: Chi huàdi ca dios làti tsè'e rí'uj, ná que tì'a ná ca enne'.
¹²Bernabéa nna gutíxa çá lá bi dios Júpiter. Pablua nna gutíxa çá lá bi dios Mercurio porqui'ni Pablua nna gunne bi adiru. ¹³Imagen qui' Jupiter nna dúą le' yòtò' qui' qui' nu dua ru'a yétsiá. Sacerdote qui' yòtù'a nna taxi'ą ca gù'na nàl-la' corona iyyà yáni qui'. Sacerdótea lani ca enne' yétsiá nna uccua latsi' qui' guni çá Pablua nna Bernabéa nna adorar, acca beni çá preparar para gutti çá ca gù'na nna para gutsia çá sacrificio ru'a lo cabi.
¹⁴Ca apóstol Bernabéa nna Pablua nna de gutelíni cabi qui'ni uccua latsi' qui' guni çá cabi adorar nna, guchèda'ni ÿó cabi seña de qui'ni labí guyú'u latsi' cabi nna, gutà'a chì cabi lahui' ca enne' yétse'á gunne cabi iditsa nna ¹⁵ra cabi çá: Biánicca runi le nui nì'i. Tsí làa yù huá le qui'ni luetsi enne' ba le intu'. Riquixá'ani tu' le qui'ni gútse'e latsi' le ca creencia qui' le nna guni le nu rú'ulatsi' Tata Dios bàni enne' beni yíaba ą'hua yétsiloyu nna indatò' nna iyábani nu té nna. ¹⁶Ca tiempo nu chi gutè nna be'èlla' ba Tata Dios ca enne' guni çá según la' riyeni qui' qui'. ¹⁷Tulidàba benie tsè' lani çá, para qui'ni ennia çá cuenta qui'ni dúe tulidàba. ą'hua runie iyya nna ubá nna para ca lena' qui' ri'u, té tse'é'ní qui' ri'u runie para edacca' latsi' ri'u. ¹⁸Pablua nna Bernabéa nna màsqui'ba ra cabi anía nna, apena bání birialàni cabi qui'ni ca ènni'a nna bittu gutti çá ca gù'na nna gutsia çá sacrificio ru'a lo cabi. ¹⁹Làniana bitsina' tuchùppa ca judío dá' çá

de Antioquía nna Iconio nna gulù'u titsa' taá çá ca enne' yétse'á qui'ni bittu gulàbì çá cabi nia. Acca bè' çá Pablua íyya para gutti çá bi nna gutè'ya çá bi fuera yétsiá lá, belaba latsi' qui' qui'ni chi gùtì bi. ²⁰Bitùppa tè ca creyèntea ita'lùba bi, làniana beyatha bi nna betsina' bi le' yétsiá attu. Attu yu'utsá nna beria bi nía lani Bernabéa, deyya cabi para yetsi lą Derbe. ²¹Beni cabi predicar evangelio le' yetsi Dérbea ą'hua gutixa'áni cabi ca creyente cúbía ti'líya ná nu guni çá, làniana beyeqquia cabi para ca yetsi Listra nna Iconio nna Antioquía nna. ²²Le' tsùnna ca yétsiá nna gutixa'a cabi adí ca titsa' tsè' qui' Tata Dios, anía modo nna gùppa ca creyèntea adí ánimo para làa edúl-la'a latsi' qui', sino qui'ni guni çá seguir lani fe. Ra huá cabi çá qui'ni para gata' parte qui' ri'u le' la' rigú'ubia' tsè' qui' Tata Dios nna naduel-la' ccá ri'u sufrir iyétse' ca prueba. ²³ą'hua le' ttu ttu ca iglesia nna beni cabi nombrar canu ccá responsable nna hué' çá cuidado la'labàni espiritual qui' ca hermanos. Acca beni cabi ayunar nna, beni cabi oración nna bethà'na cabi çá làtsi' ná' la'a mísmuba Señor enne' chi huíalatsi' qui'.

²⁴Làniana gutè cabi le' región láą Pisidia nna bitsina' cabi región láą Panfilia. ²⁵Beni díbá cabi predicar titsa' qui' Tata Dios le' yetsi Perge nna huía tè cabi Atalia. ²⁶Nía nna gutèl-la' cabi ttu barco nna deyya cabi para país Siria hàstaá Antioquía ciudad làti beni ca creyente oración primérute por làcabi qui'ni Tata Dios nna gunie

cabi cuàlani lani la' tsi'ilatsi' qui'e lo tsina qui'e nu chi beni cabía.
 27 De betsina' cabi nía nna betùppa cabi ca enne' runi formar iglesia nna gutixà'a cabi iyaba ca cosa nu beni Tata Dios lani cabi, a'hua ti'i'ya modo chi guthàlie néda para qui'ni ca enne' qui' adí ca naciòn nna tsía huá latsi' qui'. 28 Le' ciudad Antioquía gutsché cabi lani ca creyénte a i'ye ubitsa tsé'.

15 Làniana gul'lani le' Antioquía tuchùppa canu da' le' región lã Judea gunèni cã ca creyénte nna ra cã: Canchu làa ccã le circuncidar tì'a costumbre nu gutixa Moisés nna, labí salvaciòn té qui' le. 2 Pablua nna Bernabéa nna yala fuerte ni beni cabi discutir lani cã. Làniana beni iglesia nombrar tuchùppa ca hermanos para tsía cabi lani Pablua nna Bernabéa nna hasta Jerusalén, para guni cabi arreglar asúntu' lani ca apóstol a'hua lani ca anciano tsè'e le' Jerusalén. 3 Bechu titsa' tē iglesia cabi lani oraciòn. Làcabi nna gutè cabi le' ca región Fenicia a'hua Samaria gutixa'áni cabi ca creyénte qui'ni i'yetse' ca enne' qui' adí ca naciòn nna chi bethà'na cã ca creencia qui' qui' nna ría huá latsi' qui' evangelio qui' Jesucristua. De biyénni ca creyénte noticj nna yala bedacca' latsi' cabi. 4 Ca apóstol nna ca anciano lani adí ca hermanos tsè'e le' Jerusalén nna beni cabi Pablua nna Bernabéa nna recibir. Làniana gutixa'a Pablua nna Bernabéa nna iyate nu chi beni Tata Dios lani làcabi. 5 Pero tuchùppa canu látsi' cã religiòn qui' ca fariséua màsqui'ba chi

ríalatsi' qui' evangelio nna, gudulí tē cã nna ra cã; Ná qui'ni ca enne' ríalatsi' qui' adí ca naciòn nna ccã huá cã circuncidar a'hua gá ri'u cã qui'ni guni cã adiru nu ra lo ley qui' Moisés. 6 Làniana betùppa ca apóstol lani ca anciánua para cuequia lettia cabi asúntua. 7 Yala discutir beni cabi sobre de asúntua, làniana gudulí Pedrua nna ra bi: Lebi'i hermanos, hua yù bá le qui'ni dēsdeba cua'ya nuá becué' Tata Dios inte' entre lebi'i para quixa'ánia' ca enne' qui' adí ca naciòn ca titsa' de salvaciòn nu runna Jesucristua para qui'ni tsía huá latsi' qui'. 8 Tata Dios enne' nabia'nie la' rulábalatsi' qui' ttu ttu enne' nna benie nui comprobar lani cã loti' guthèl'le'e Espíritu Santo lani cã tì'tehuá benie lani ri'u. 9 Labí bi'ya diferencia ní benie entre ri'u lani làcã, sino tulappa bá canie lani iyaba ca enne', pues beyuni nàri hué lo losto' qui' por fe nu té qui' qui' lani e. 10 Anna chúná, biánicca ruditù le latsi' Tata Dios nna rutsia le adí yùà' iiquia ca creyente, ca cosa nu ñhua ca tà' tàta qui' rí'ua labí uccuáni cabi guni cabi a ñhua ri'u nna. 11 Porqui'ni annana yù ri'u qui'ni por la' retúalatsi' qui' Señor Jesús nna labí tsía ri'u lo yi'bél'la; a'hua nuà' chi ríalatsi' qui'.

12 Làniana iyaba canu tsè'e nía nna gütse'e tsi bá cã bedà naga' qui' nu ra Bernabéa nna Pablua nna de requixá'a cabi ca cosa yénitse' nna ca milagro canu chi beni Tata Dios por medio de làcabi lani ca enne' labí ná raza judío. 13 De beyacca gunne cabi nna làniana ra Jacóbua: Lebi'i hermanos, liudà naga' le nu

quixa'ánia' le: ¹⁴Simón Pedro nna chi gutixa'áni bi ri'u ti'iyā modo bita Tata Dios por primera vez lani ca enne' nu labí ná judío, rucuí'e entre làcā ttu yetsi para la'a labée, ¹⁵ā'hua ca profeta nna gunne cabi de acuerdo ba lani nui tì'ba làti ga'na escrito nna ra Señor:

¹⁶Bitola nna eyeqquia' nna eyunia' làti gùdua David porqui'ni chi bitàppa'ā,

Inte' nna echitha ya' ā attu lo cimientu qui'ì tì'atsi nu cubi taá,

¹⁷Para qui'ni adí ca enne' huaya' nna gunibia' cā inte', iyaba canu chi na'yi te' para ccá cā yetsi quia',

¹⁸Iyaba ca nui chi gunne Señor dèdèba ca tiempo nu chi gutè.

¹⁹Gunne Jacóbua adí nna ra bi: Por nu ra Tata Dios lo Escritura nna acca nia' qui'ni bittu guni ri'u tàbi para adí ca enne' qui' adí ca nacion canu chi betse'e latsi' qui ca creencia mal qui' qui nna càhua latsi' qui gui cā nu rú'ulatsi' Tata Dios. ²⁰Huacca taánì qui'ni gúdiani ri'u cā qui'ni eria cā le' ca creencia nu cca qui' ca ídolos, ā'hua qui'ni bittu thualàni cā nu labí ná tselā qui, ā'hua qui'ni bittu go cā bèlá' qui' ca animal nu gutti xihui' ñihua réni qui' qui nna. ²¹Porqui'ni chía gutsá nna tsè'e canu riquixá'a nu ra lo ley qui' Moisés, pues le' ttu ttu yetsi qui' qui nna dua ttu sinagoga làti retuppa cā ttu ttu sábadu ní canu calatsi' qui iyénini nu bedia bi. ²²De chi ra cabía ca tìtsa'a nna làniana ituba iglesia lani ca apóstol nna ca anciánua nna ra

cabi qui'ni tsè'ba ná gucué' cabi tuchùppa ca enne' entre làcabi para ithèl-la' cabi cā Antioquía lani Pablua nna Bernabéa nna. Acca beni cabi nombrar Judas lá huá bi Barsabás, ā'hua Silas nna, porqui'ni yala enne' dacca' ná cabi le' tsina qui' Señor. ²³Guthèl-la' tè cabi ttu carta lani cabi nna ra: Lebi'ì hermanos ca enne' labí ná raza judío tsè'e le' ciudad Antioquía, ā'hua ca hermanos tsè'e le' adí ca yetsi le' nación Siria nna ituba región lā Cilicia nna: Intu' ca apóstol nna ca anciano lani adí ca hermanos creyente nna runi tu' le saludar. ²⁴Chi bina tu' qui'ni tuchùppa ca nubeyu' biria làti tsè'e tu' nna riquixá'a cā qui'ni guni le nu ná tàbi nna rucué'eni cā latsi' le nna ra cā qui'ni caduel-la' ccá le circuncidar nna guni le seguir nu ra lo ley nu bedia Moisés, pero ñidi permiso làa gunàbani cā intu'. ²⁵Acca betuppa tu' nna gùnne lettia tu' guni tu' nombrar tuchùppa ca hermanos para ithel-la' tu' cabi làti tsè'e le lani ca hermanos tsè'ni qui' ri'u Bernabé nna Pablo nna. ²⁶Làcabi nna chi biria latsi' cabi la'labàni qui' cabi nna labí rátsini cabi gatti cabi por nu riquixa'a cabi nu cca qui' Xana' Ri'u Jesús enne' ná Cristua. ²⁷Acca rithel-la' tu' Judas nna Silas nna para equixá'a huáni cabi le lani tìtsa' ru'a taá ca così. ²⁸Espíritu Santo nna labí rú'ulatsi'e qui'ni guni tu' le esforzar para guni le bícca'a'yáru nu làhuabi caduel-la'. Intu' nna tsè'e hua tu' de acuerdo. ²⁹Pero rinèni tu' le qui'ni bittu go le bèlá' qui' ca animal nu chi gutsia ru'a lo ca ídolos, ñihua

bittu go le réni, nihua belá' qui' ca animal nu gutti xihui', a'hua bittu thualàni le nu labí ná tsela le nna. Canchu hué' le cuidado de ca cosí nna tsè'ba runi le. Tata Dios nna gunie le cuàlani.

³⁰De chi guthel-la' ituba iglesia cabi nna, huía tè cabi ciudad Antioquía. Nía nna betuppa cabi ca creyente nna bete cabi cuenta carta.

³¹Bil-lù'ya ba bil-là ca hermanos carta nna yala bedácca'ni cabi por la'ÿeni nu rinne lo carta. ³²Judas nna Silas nna yala la'huacca qui' Espíritu té lani predicación qui' cabi nna yala la'ÿeni bete cabi lani ca hermanos, a'hua bè' cabi adí fuerza espíritu qui' qui' por medio de ca titsa' tsè'ni qui' cabi. ³³Tuchùppa ubitsa bitola nna, bechu titsa' ca hermanos cabi lani la'ÿeni para eyéqquia cabi Jerusalén làti tsè'e canu guthel-la' ca cabi Antioquía.

³⁴Pero Silas nna gulèqquia latsi' bi eyà'na bi Antioquía. ³⁵A'hua Pablo lani Bernabéa nna beyà'na cabi le' Antioquía. Làcabi lani adí iÿé ca hermanos qui' iglesia nna gutixa'áni cabi claru taá ca creyente cúbía ti'i'ya ná nu guni cabi de acuerdo ti'ba ra titsa' qui' Señor, a'hua beni cabi predicar evangelio nna.

³⁶Nía bá bitsà cabi, làniana ra Pablua Bernabéa: Tsía ri'u attu vuelta huennè'le' a creyente le' iyaba ca yetsti làti chi gutixa'áni ri'u ca titsa' qui' Señor para ccá ri'u saber ti'i'ya tsè'e ca. ³⁷Bernabéa nna uccua latsi' bi iche' cabi Juáan enne' lá huá Marcos. ³⁸Pero Pablua nna labí guyú'ulatsi' bi iche' cabi Juan Marcos attu vuelta porqui'ni

làbi nna betse'e latsi' bi cabi dèsdeba región lã Pamfilia pues labí beni bi seguir lani tsina nu chi gùdulo cabía. ³⁹Por nui nna gùtà' ttu disgusto entre Bernabéa nna Pablua nna; acca gùla'a luetsi cabi. Bernabéa nna guche' bi Juan Marcos nna gutè'la' cabi ttu barco nu día para Chipre. ⁴⁰Pablua nna becué' bi Silas. Lani oración nna gunàba ca hermanos favor qui' Señor para làcabi nna, día tè cabi. ⁴¹Tanè'le' cabi adí ca iglesia anta' le' nación Siria nna bete cabi adí ca consejo tsè' qui' ca creyénte nna gùppa ca adí ánimo; anía beni huá cabi le' región lã Cilicia.

16 Làniana huía Pablo nna Silas nna attu región nna bitsina' cabi le' ca yetsti Derbe nna Listra nna. Nía nna taxácca' cabi ttu enne' ríalatsi' láq Timotea ÿi'ni ttu niula raza Judea ná huá creyente. Tàta qui' Timotéua nna uccua raza griego. ²Iyaba ca hermanos tsè'e Listra nna Iconio nna yala tsè' rinne cabi qui' Timotéua. ³Pablua nna uccua tè latsi' bi tsía Timotéua lani bi. Acca beni tè bi a circuncidar para qui'ni cayén latsi' ca judíua, porqui'ni iyaba ca judío tsè'e nía nna yù ca qui'ni tàta qui' Timotéua nna labí ná raza qui' qui' sino uccua enne' griego. ⁴Le' ttu ttu ca yetsti làti dia cabía nna gutixa'áni cabi ca creyénte ti'i'ya ná ca consejo nu gulèqquia lettia ca apóstol lani ca anciano tsè'e le' Jesusalén para guni ca enne' ríalatsi'. ⁵Acca por ca titsa' tsè' nu gutixa'a cabi nna adí lá tsittsi uccua fe qui' ca enne' beni formar ca iglesia, a'hua ttu ttu tsá

bá nna adí ca enne' nna huíalatsi' qui.

⁶Espíritu Santo nna labí be'el'le'e cabi guni cabi predicar evangelio le' región Asia, acca gutè taá cabi le' ca distrito Frigia nna Galacia nna.

⁷Bitsina' tè cabi distrito láa Misia. Làniana uccua tè latsi' cabi tsía cabi distrito láa Bitinia, pero attu vuelta nna labí be'el-la' Espíritu Santo cabi.

⁸Acca gutè taá cabi distrito Misia nna bitsina' cabi le' yetsi Troas ri'á ru'a indatò'. ⁹Nía nna bila'ni Pablua por medio de yèlà qui' bi ttu nubeyu' qui' attu lugar huaya' láa Macedonia nna gutta'yúniá bi nna rá: Tsí huacca qui' cuiá'lu' ita cuiá'lu' làti tsè'e tu' porqui'ni riquína'ni tu' nuña quixa'ániá intu'. ¹⁰Cuantu taá bila'ni Pablua ca cosí nna luegu taá gutelíni tu' qui'ni gutàyi Tata Dios intu' ttsá' tu' huèni predicar titsa' nu gunna salvación qui' ca enne', acca gùlu'u tsè' qui' tu' para ttsá' tu' región láa Macedonia.

¹¹Làniana biria tu' le' yetsi Troas nna gutèl-la' tu' ttu barco nu dia directu taá ttu isla láa Samotracia. Attu yu'utsá nna bitsina' tu' yetsi Neápolis ri'á attu lado indatù'a.

¹²De nía nna hua' tu' yetsi láa Filipos nu ná yetsi adí principal de lo iyaba ca yetsi anta' le' región Macedonia. Puru taá ca enne' biria le' ciudad Roma tsè'e le' yétsiá. Nía bá gùtse'e tu' por ttu tiempo. ¹³Ttu tsá sábadu nna biria tu' ru'a yétsiá cuitta' yò làti ná costumbre qui' qui' ría cã huèni oración. Bitsina' bá tu' nía nna guýua tení tu' nna gutixa'áni tu' ca niula bitùppa nía titsa' tsè' nu cca qui' Jesucristua.

¹⁴Ttu niula re' nía láa Lidia nna rudà nàgui'i qui' cabi, ná enne' yetsi Tiatira nna reqquiá huètti' ca lári' fino de color morado; yala adorar runiá Tata Dios. Señor Jesús nna guthàlie la' riyeni qui'i nna guri'á bedà nàgui'i ca titsa' gutixà'a Pablua nna Silas nna. ¹⁵Làniana Lidia nua uccuá bautizar a'hua canu tsè'e le' litsi'i. Bitola nna gutta'yúniá intu' nna rá: Canchu hualigani rulaba latsi' le qui'ni chi ná tu' nu ríalatsi' qui' Señor nna, leyà' sà litsa' yà'a la. Anía modo beniá duel-la' gùtse'e tu' litsi'i tuchùppa ubitsa. ¹⁶Attu yu'utsá miéntraste dia tu' lugar làti ría ca ènni'a huèni oración nna bettsá' tu' ttu niula cuíti' dèniá magia. Lã nna yala bel-liu runiá gana para ca xana' niá porqui'ni ribèqquiá lo suerte.

¹⁷Niula cuíti'a nna denó tiã Pablua nna intu' nna. Rinne tiã iditsa tsè' nna rá: Ca nubéyu'i nna runi cã servir Tata Dios enne' ýeni dua ýiabara', riquixá'a cã ti'íya modo gata' salvación qui' le. ¹⁸Iýé ubitsa tsè' beniá anía rinniá iditsa tsè' hasta qui'ni bititsi'ni Pablua nna, acca bedèqquia lo bi nna bel-luítsa' bi espíritu de magia nu dua lo losto' niá nna ra bi a: Lani la'huacca nu benna Cristua lani inte' nna runia' lu' mandado qui'ni eria lu' lo losto' niula cuíti'á'. Lànía taá nna betse'e latsi' espíritu malua niula cuíti'a.

¹⁹Gutebé' báni ca xana' niula cuíti'a qui'ni labiru modo té guni cã gana bel-liu por tsina nu beni niula cuíti'a, acca bedaxu' cã Pablua nna Silas nna guche' cã cabi ru'a lo ca uxticia le' yú'u lahui' qui' yétsiá.

²⁰Bedu cã cabi ru'a lo ca uxticia

nna ra çà: Ca nubéyu'ì nna ná çà nu raza judío nna yala escándalo runi çà le' yetsi qui' rí'uì. ²¹Riquixá'a çà costumbre huaya' nu labí ccani ri'u tsíalatsi' ri'u nihua para guni ri'u çà. Ri'u nna ná lá ri'u nu raza romano. ²²Làniana iyaba ca enne' nna biria çà contra Pablua nna Silas nna. Ca uxticia nna beni çà mandado cuequia çà ÿò cabi nna hué' çà cabi lani yà. ²³Beyacca diba bè' çà cabi idí'ni nna, bedàl'la çà cabi litsi' ìyyà nna, beni çà mandado nu rue' cuidado litsi' ìyyà qui'ni buenu taá seguro gunià cabi para làa l'á cabi. ²⁴Guÿi' bá carcelérua orden nì nna, bedàl'la tià cabi hàstaá ÿi'yaré' le' litsi' ìyyà nna gùlu'q ca nì'a cabi le' ttu yà nu lá cepo para bittu l'á cabi. ²⁵Ttu ríluela yèlà tì'ga nna Pablua lani Silas tsè'e ba cabi huèni oración nna rul'la cabi himnos para Tata Dios. Adí ca preso anta' nía nna rudà naga' qui' qui' cabi. ²⁶De repente taá nna gutè ttu la' riÿu' fuerte ni hasta qui'ni guttà tìttini cimientu qui' litsi' ìyyà, à'hua ca puerta nna biyàlia ràni çà à'hua ca cadena ÿigà'ni ca presua nna beyàtsi çà. ²⁷Bebani tè carcelérua nna bila'nià qui'ni yalia ràni ca puerta qui' litsi' ìyyà nna yala gùtsinià nna gulèqquia chà espada qui' nía para gutti telà la'a labá, porqui'ni belaba latsi'ì qui'ni iyaba ca presua chi becuitta çà. ²⁸Gunne tè Pablua iditsa nna ra bi à: Bittu gunidí' qui' la'a lu' ba, porqui'ni iyaba tu' nna nì bá anta' tu'. ²⁹Làniana gunàba carcelérua yi' nna quèthani gut'à le' litsi' ìyyà riÿítti' tsà'tsà'nià de tantua ratsinià nna beduÿibì ru'a lo Pablo nna Silas

nna, porqui'ni gùppà cabi respeto. ³⁰Làniana bebèqquia cabi le' litsi' ìyyà nna ra çà cabi: Amigos, biani dà te' gunia' para gata' salvación quia' cá. ³¹Becàbi cabi nna ra cabi à: Tsíalatsi' lu' Jesucristo enne' née Señor lo iyate, para gata' salvación qui' lu' à'hua qui' ca familia qui' lu' nna. ³²Gutixà'a tènì cabi à ca titsa' tsè' qui' Señor, à'hua lani iyaba canu tsè'e le' litsi' nía nna. ³³Hora lànìa taá nna guttì carcelérua lo ca huè' qui' Pablua nna Silas nna. Làniana uccuà bautizar, à'hua iyaba ca familia quì'ì. ³⁴Guche' tìà cabi lùtsi'ì nna betià gutò cabi nna yala bedácca'ni latsi'ì à'hua familia quì' nía, porqui'ni chi huíalatsi' qui' Tata Dios.

³⁵Huàni' ba dila lànìa nna, ca uxticia qui' yétsià nna guthel'la' çà ca policia nna ra çà carcelérua: Be'èl'la' ca nubéyu'q' eyya çà. ³⁶Carcelérua nna ra tià Pablua' Ca uxticia nna guthel'la' çà orden qui'ni gúlá' bá' le, acca éyya ba le lani la' redacca' latsi'. ³⁷Pero Pablua nna gunne bi lani ca policia nna ra bi çà: Intu' nna ná huá tu' ciudadano romano, atsi'íni yala bè' çà intu' ru'a lo enne' yetsi sin qui'ni làa gunàba titsa' çà intu' biÿa qui'ni acca da' tu' nì nna bedàl'la taá çà intu' litsi' ìyyà. Annana càte latsi' qui' ebèqquia gàttsi' bá çà intu' le' litsi' ìyyì álá. Pues ligàtsi çà qui'ni ìta la'a mísmuba làçà canchu calatsi' qui' ebèqquia çà intu' nì. ³⁸Ca policia nna beyya çà tatixá'ani çà ca uxticia nu ra Pablua. Làçà nna yala gùtsini çà de bina çà qui'ni uccua cabi ciudadano romano. ³⁹Acca huía ca uxticia ru'a lo

Pablua nna Silas nna benàba cą la' runittilo lani cabi. Bebèquua diba cą cabi le' litsi' iyyà nna gutta'yúni cą cabi qui'ni eria cabi le' yétsiá.

⁴⁰Beria cabi le' litsi' iyyà nna huía cabi litsi' niula láą Lidia, nía nna beni cabi saludar ca hermanos nna gutixà'a cabi adí ca titsa' tsè' qui' Tata Dios; anía modo nna gùppa ca hermanos tsè'e le' yetsi Filipos adí ánimo. Làniana Pablua nna Silas nna bedà' tè cabi nía.

17 Pablua nna Silas nna gutè cabi ca yetsi Anfípolis nna Apolonia nna, bitsina' cabi le' yetsi Tesalónica. Nía nna dua ttu sinagoga làti retuppa ca enne' judíua hueni adorar. ²Pablua nna huía bi le' sinagoga gùnne bi lani ca judíua, tì'a runi ba bi de ritsina' bi le' ttu yetsi cúbí. Tsunna semana gùdu bi lani cą ca tsá redi' latsi' quí nna, ³bethàtsi là'nàni bi cą ca Escritura nna beluè'ni bi cą qui'ni Cristua nna uccua duel-la' quée padecer hasta qui'ni gattie, pero bitsa tsùnna nna eyathe de lo lù'uti. Làniana raáruhuá bi cą: Qui' la'a mísmuba Jesús enne' riquixa'ánia' le nna, lèe nna née Cristua enne' ná qui'ni ita para gudilè le. ⁴Tuchùppa ca enne' judíua nna huíalatsi' quí nna tulidàba huía cą bedà naga' quí titsa' riquixá'a Pablo nna Silas nna. A'hua nuÿetse' ca enne' griego canu rappa respeto Tata Dios nna beni cą Cristua aceptar lo losto' quí. A'hua iÿetse' ca niula re' cuenta nna huía huá latsi' quí ne. ⁵Pero ca judío canu labí ríalatsi'a nna gùppa cą la'yée latsi' nna gùlu'u titsa' cą tuchùppa ca nubeyu' canu cuenta tsè'e ba cą lo ca néda nna

yala mal runi cą. Làniana ca nui nna gùlu'u yi' taá cą latsi' ca enne' yétsiá para qui'ni etùppa cą guni cą contra Pablua nna Silas nna. Gutà'a tè cą litsi' ttu enne' láą Jasón nna reyíla cą Pablo nna Silas nna para gute cą cabi cuenta lani ca enne' yétsiá. ⁶Pero núhuá Pablo ñihua Silas betseláni cą nía, acca gutè-la' chía cą Jasón ą'hua átuchùppa ca creyéntea nna guche' cą cabi ru'a lo ca uxticia qui' yétsiá, gunne cą iditsa nna ra cą: Canu runi predicar evangelio nna yala trastornar chi beni cą le' itú lettia bání hàstaá látsi rí'uí nna chi gul-lani cą, ⁷Jasón ñi nna benią cą recibir le' litsi'í. Iyaba ca nui nna tsè'e cą contra ley nu gutíxa rey qui' ri'u César, porqui'ni ra cą qui'ni ttu nu lá Jesús lá ná rey qui' ri'u. ⁸Biyeni bání ca enne' yétsiá nui nna adiru biyeyya cą lani ca uxticia qui' caniá. ⁹Acca Jasón lani adí ca hermanos nna bedu cabi fianza qui'ni ccá cabi responsable para bíttuúru chatha attu estorbo le' yétsiá. Làniana ca uxticia nna bèl-la' tè cą cabi eyya cabi.

¹⁰La'a yèlà lània taá nna ca hermanos nna guthel-la' cabi Pablua nna Silas nna para yetsi láą Berea. Bitsina' cabi nía nna huía taá cabi le' sinagoga qui' ca judíua. ¹¹Ca enne' judío tsè'e le' yetsi Berea nna adiru enne' tsè' uccua cą tì'chu canu tsè'e Tesalónica; porqui'ni yala guyú'ulatsi' quí gudà naga' quí titsa' tsè' nu cca qui' Jesucristua. Ttu ttu tsá bá nna rul-la cą lo Escritura canchu là hualíni Pablo nna Silas nna nu riquixá'a cabía. ¹²Acca nuÿetse' ca enne' yetsi Berea nna

huíalatsi' qui Jesucristua, tàntua ca niula griego re' cuenta, a'hua ca nubeyu' nna. ¹³De bina ca judío tsè'e Tesalónica qui'ni Pablua nna runi huá bi predicar evangelio qui' Tata Dios le' yetsi Berea, acca huía chì cạ nía nna gùlu'u yí' cạ latsi' ca enne' yétsiá para etùppa cạ nna guni cạ contra Pablua. ¹⁴Pero ca hermanos tsè'e nía nna prontu taá guthel-la' cabi Pablua ru'a indatù'a la; Silas lani Timotéua nna beyà'na ba cabi Berea. ¹⁵Ca hermanos dia lani Pablua nna guche' cabi bi hasta ciudad láa Atenas. Nía bá bethà'na cabi Pablua nna beyequia cabi Berea lani noticia qui'ni tsía taá Silas nna Timotéua nna ciudad Atenas làti re' Pablua.

¹⁶Miétraste ribeda Pablua cabi le' ciudad Atenas nna yala tsj'làni uccuani latsi' bi bila'ni bi qui'ni itúbani le' ciudad nna tsìa ca ídolo. ¹⁷Acca gunne bi lani ca judíua le' sinagoga qui' qui, a'hua lani adí canu runi cạ Tata Dios adorar. Ttu ttu tsá bá nna gùnne bi lani canu ritsina' làti cca i'ya. ¹⁸Ttu te ca enne' Atenas nna runi bá cạ estudiar filosofía nu ra qui'ni la'labàni qui' ca enne' nna nà para ca placer; attu te cạ nna, qui'ni adila tsa' guni ca enne' dominar la' ridàlatsi' mal qui' qui. Chùppa te ca ènne'yu'a nna gùdulo cạ beni cạ discutir lani Pablua. Tuchùppa cạ nna ra cạ: Biécca'ánì nuà' ra nubéyu'a' acca puro huenne bá runià. Attu te cạ nna ra cạ: Aya riquixá'a qui' nuyaáru ca dios huaya'. Anía ra cạ porqui'ni beni Pablua predicar evangelio nu cca qui' Jesucristua qui'ni beyáthee

de lo lù'uti. ¹⁹Laniana guche' cạ Pablua lo ttu plataforma làti runi cạ discutir biya cosa nu cca le' yétsiá nna ra cạ bi: Gutixa'ani intu' biya enseñanza cubi ni nuà' rinne lu'. ²⁰Porqui'ni rinne lu' ca cosa nu labí chi biyénini tu'. Acca calatsi' tu' ccá tu' saber biya titsa' qui'ní nuà' rue' lu'. ²¹Anía ra cạ Pablua porqui'ni iyaba canu Atenas nna a'hua canu dittu' yua nía nna, puro ca cosa cubi guyú'u latsi' qui' iyénini cạ nna inne cạ nna. ²²Gùduli tè Pablua lahui' qui' nna gùdulo bi gunne bi dèsdèba lo plataforma nna ra bi: Lebi'i ca enne' Atenas, de gurénia' le' ciudad qui' líi nna, bila' te' qui'ni yala religioso ná le lani ca ídolos para guni le ca dios qui' le adorar. ²³A'hua loti' guttía' rinná'a' ca lugar làti tsìa canu runi le adorar nna, taxácca'a' ttu altar tsìa tè ca letra nna ra: Para Dios Enne' Lanú Nuya Nabia'nià Ne. Annana riquixa'ánia' le qui'ni Tata Dios enne' runi le adorar sin qui'ni làa nabia'ni lí e, là qui'e nuà' rinénia' le. ²⁴Tata Dios enne' beni yétsiloyu a'hua iyaba ca cosa nu té nna, qui' bée ná yiaba nna yétsiloyu nna; labée née enne' yeni lo iyate ca cosa. Lèe nna labí dúe le' ca yòtò' teruba nu runi bá ca enne'. ²⁵Nìhua labí la' dàliani thí'e por ca imagen l-le nìhua por yòtò' nu runi ca enne' por lèe ti'atsi riquína'nie biya; porqui'ni la'a labée nna née enne' runna la'labàni qui' iyate ri'u, a'hua be' nu bànini ri'u nna iyáyiatè ca cosa nu riquína'ni ri'u nna. ²⁶A'hua por lèe nna iyábani raza qui' ca nación nna ná cạ descendiente qui' ttùba enne' para qui'ni gáthilàlia ba cạ

le' itúbani yétsiloyu. Benie señalar tsáliayá itsá ccabàni cą ą'hua gaýa xúa cą nna. ²⁷Beni Tata Dios ca cosa tsí'a para iyábani ca enne' para qui'ni guni cą duel'la' gunibia' cą ne, màsqi'ba ti'atsi nu reyíla ttu cosa tì' runi ttu enne' reqquia le' chul'la, canchu xiaba etseláni cą ne. Pero hualigani álahua idittu' due lani ri'u. ²⁸Porqui'ni por labée nna bàni iyate ri'u nna, rittá ri'u nna, ná ri'u enne' nna. Tì'hua chi ra tuchùppa ca poeta qui' le gùtse'e ttu cuaýa nuá: Benie ri'u enne' tì'a ná huée. ²⁹Hua ná lí qui'ni beni Tata Dios ri'u enne' tì'a ná huée, acca bittu gulaba latsi' le qui'ni lèe nna née ttu imagen nu de oro o nu de plata, ñihua nu de íyya nu ruda' bání ca enne' lani ná' qui' según la' rulábalatsi' qui'ba qui'. ³⁰Tata Dios nna labí guleqqie cuenta nu beni ca enne' gùtse'e ttu cuaýa nuá por la' ignorancia qui' qui', pero annana rinènie iyáýiatè ca enne' tsè'e itú lettia bání qui'ni étsiani la' rulábalatsi' qui' qui' para lani Tata Dios. ³¹Porqui'ni chi benie ttu tsá señalado para ucuí'e falta qui' ttu ttu enne' según ti'iýa ná bá nu beni cą gùtse'e cą yétsiloyu. La'a labée chi bedue ttu ènne'yu' para gunie juzgar de acuerdo lani titsa' qui'e. Hualiba anía ná porqui'ni chi bechìthee bi de lo lù'uti para labiru gattie.

³²Biyeni bání cą gùnne Pablua acerca de ttu enne' chi beyatha de lo lù'uti nna, tuchùppa cą nna beýìtsini cą Pablua. Pero attu te cą nna ra cą: Ìta lá lu' attu nna inèni lu' intu' adí. ³³Làniana beria tè Pablua lahui' qui'. ³⁴Tuchùppa

ca ènni'a nna huíalatsi' qui' Señor por ca titsa' nu riquixá'a Pablua nna gùdulo cą cca tsè' cą bi, tì'a ttu nubeyu' láą Dionisio uccuą ttu nu rigú'ubia' le' ciudadáad, ą'hua ttu niula nu la Dámariis huía huá latsi'í. A'hua adí ca enne' nna huía huá cą bedà naga' qui' qui' Pablua.

18 Bitola nna bedà' Pablua le' ciudad Atenas nna huía bi ttu ciudad láą Corinto. ²Nía nna taxácca' bi ttu nubeyu' judío láą Aquila lani niula qui'í Priscila, uccua cą nu región láą Ponto. Gùda' cą le' país Italia nna bitsina' cą Coríntua, porqui'ni Claudio nu uccua rey romano tiempo làniana nna benią mandado qui'ni iyaba ca enne' raza judío nna eria cą le' ciudad Roma. De bitsina' Pablua le' ciudad Coríntua nna huía tè bi litsi' Aquila nna Priscila nna. ³Gùdua bi litsi' qui' porqui'ni ttùba uccua oficio qui' cabi, beni cabi carpa para gútti' cabi cą. ⁴Ttu ttu sábadó ní nna huía Pablua le' sinagoga nna, yala modo beyíla bi para qui'ni tsíalatsi' ca enne' judío ą'hua ca enne' griego. ⁵Làniana bitsina' Silas nna Timotéua nna làti re' Pablua, dá' cabi dèsideba Macedonia. De tsè'e cabi nía nna gùdulo taá Pablua puro taá huequixà'a titsa' qui' Tata Dios nna beluè'ni bi ca judíua claru taá qui'ni Jesús nna née Cristo enne' ná qui'ni ìta para gudilèe cą. ⁶Pero ca judíua nna yala bedúditsi cą nna beduadí' cą Pablua. Acca Pablua nna becuíbi tè bestè ýó bi para eda' bi nna ra bi cą: Lebi'í ba rappa tul'la' canchu tsía le lo yi'bél'laá. Inte' nna bíruhua ná' responsable. Dèsideba annana tsa'a'

huèni pedicar entre ca enne' canu ná qui' attu ca raza huaya'. ⁷Beria tè Pablua le' sinagoga nna huía bi litsi' ttu nubeyu' láa Justo, la nna runi huá Tata Dios adorar. Cuitta' sinagoga nna dua litsi'í. ⁸Crispo enne' principal le' sinagoga nna huía huá latsi'í Señor Jesucristua, a'hua ituba familia qui' niá nna. Iýtse'éruhuá ca enne' Coríntua nna de biyénini ca predicación qui' Pablua nna huía huá latsi' qui' nna uccua tè ca bautizar. ⁹Señor Jesús nna gunènie Pablua lo yèlà qui' bi nna rèe: Bittu gátsini lu', sino beni ba predicar nna bittu gudùtsi lu', ¹⁰porqui'ni inte' nna du ba' lani lu'. Lanú nuña ccani biya guthácca'a lu', porqui'ni nuýtse' ca enne' qui' ciudí chi réeé' te' ca para tsíalatsi' qui' inte' por predicación qui' lu'.

¹¹Acca le' ciudad Coríntua' ba gùdua Pablua ttu ida nàl-la' gutixa'áni bi ca ti'iya ná nu guni ca de acuerdo tì'ba ra titsa' qui' Señor. ¹²Loti' uccua Galión gobernador le' Acaya región qui' Corinto nna bitùppa ca judíua contra Pablua nna guche' ca bi le' yú'u lahui' qui' ca niá nna, ¹³ra ca: Nubéyu'í nna ruthítsi duel-la' bániã ca enne' qui'ni guni ca Tata Dios adorar, pero aláa de acuerdo lani ley qui' religión qui' ri'u. ¹⁴Dia tè Pablua inne bi, pero bequètha chì lá Galión gùnniã nna ra: Lebi'i ca enne' judío, canchu nubéyu'í nna gùlu'a ttu falta o canchu beniã ttu delito xeni nna, entonces inte' nna guni bá' lu'uxticia qui' le según bá nu ra lo ley civil, ¹⁵pero queja nu rutsia le qui' nubéyu'í nna ná bá puro ca titsa' ba nna ca nombre nu dá' lo

ley religiosa qui' ba le nna, acca nà' bá liguni a arreglar entre lebi'i, porqui'ni bihua calátsa'a' ccá' juez acerca de religión qui' le. ¹⁶Galión nna bebèqquia tiã ca judíua le' yú'u làhui'a. ¹⁷Lània taá iyaba ca enne' griego nna bedàxu' ca Sóstenes jefe cubi qui' sinagoga qui' ca judíua nna. Bila'ni gobernador Galión qui'ni idí' tsè' bè' ca Sóstenes, pero bihua caso bèniã por nu bethacca' ca na.

¹⁸Pablua nna iýe ubitsa tse'éru bitsá bi le' ciudad Coríntua. Bitola nna bechu titsa' bi ca hermanos tsè'e nía nna huía bi yetsi to' láa Cencrea para quel-la' bi ttu barco nu día para nación láa Siria. Dia tè Priscila a'hua nubeyu' qui'í Aquila lani bi. Antesca iria cabi le' Cencrea nna guchu ittsa' iqquia Pablua seña qui'ni beni bi cumplir ttu promesa lani Señor. ¹⁹Bitsina' bá cabi Éfeso nna, Pablua nna bethà'na tè bi Priscila lani Aquila nía. Làbi nna huía tè bi le' sinagoga nna gunne bi lani ca judíua. ²⁰Gutta'yú tènì ca judíua bi qui'ni cueda bi nía átuchùppa ubitsa, pero labí uccua latsi' bi. ²¹Làniana bechu titsa' bi ca nna ra bi: Naduél-la'ní qui'ni etsína'a' Jerusalén de gal-la' fiesta dá' lo rí'uj; pero canchu Tata Dios gúnnée permiso nna prontu taá eyéqquia' attu lani le. Làniana gutèl-la' bi ttu barco nna beria bi le' yetsi Éfesua.

²²Betsina' bá Pablua yúbitsi qui' yetsi Cesarea nna, deyya tè lani nì'a ba bi Jerusalén nna beni bi ca hermanos qui' iglesia saludar. Làniana huía bi Antioquía. ²³Nía bá gùdua bi tuchùppa ubitsa. Bitola

nna huía bi attu nna gurèni bi ttu ttu ca yetsi le' región Galacia nna Frigia nna gutixà'ani bi iyaba ca creyénte ca consejo tsè' qui' Señor para qui'ni làa edúl-la'a latsi' qui; aná modo nna gùppa çà adí ánimo.

²⁴Tiempo lània taá nna bitsina' ttu ènne'yu' judío le' yetsi Éfeso lá bí Apolos, uccua bi enne' ciudad láa Alejandría. Yala discurso tsè' ría bi a'hua yala tsè' nabia'ni bi iyaba nu dá' lo Escritura qui' Tata Dios. ²⁵Benibía' bi lo néda lígani qui' Señor, a'hua beni bi predicar lani itute latsi' bi nna gutixà'a bi claru taá ca enseñanza nu cca qui' Jesucristua. Anía beni bi servir. Señor màsqui'ba tsua' nu cca qui' bautismo nu beni Juan el Bautista teruba nabia'ni bi. ²⁶Apolos nna gutà'a bi le' sinagoga nu dua le' yetsi Éfesua nna gunne bi lani valor ni. De biyénini Priscila nna Aquila nna mensaje qui' bía nna guche' tè cabi bi yà'latsi' nna gutixà'ani cabi bi adiru claro lo néda qui' Tata Dios. ²⁷De uccua latsi' Apolos tsía bi para región Acaya nna beni taá iglesia re' Éfesua bi animar nna bete çà ttu carta huá' bi para ca hermanos tsè'e Acaya para guni çà bi recibir tsè'ni. De bitsina' Apolos región Acaya nna yala tsè' beni bi cuàlani ca enne' tsè'e nía, canu ríalatsi' por la' tsì'ilatsi' qui' Tata Dios lani çà. ²⁸Apolos nna lani la' riyeni tsè' qui' bi nna beni bi declarar dàcca'lo taá ti'iyá equivocado ná ca enne' judíua, hasta qui'ni labiru biya betseláni çà ecàbi çà. A'hua por medio de Escritura nna belue'ni bi çà qui'ni Jesús nna née Cristo enne' ná qui'ni ithel-la' Tata Dios para gudilèe çà.

19 Loti' re' Apolos le' ciudad Coríntua nna, beni bá Pablua seguir viaje qui' bi nna gurèni bi le' ca región montañosa, làniana betsina' bi Éfeso. Nía nna taxácca' bi tuchùppa canu ríalatsi' qui' Señor. ²Pablua nna ra tè bi çà: Tsí beni le recibir Espíritu Santo loti' huíalatsi' le. Becàbi çà nna ra çà: Nìdi rubani làa nì'i guna tu' qui'ni chi gul-lani Espíritu Santo lani ca enne'. ³Gunàba titsa' Pablua çà attu nna ra bi: Entonces biálá bautismo ní uccua le nì'i. Làcà nna ra tè çà bi: Por bautismo qui' Juáan. ⁴Làniana ra tè Pablua çà: Juáan nna beni bi bautizar ca enne', seña de qui'ni beni çà reconocer qui'ni ná çà enne' tul-la' nna ra bi qui'ni dàni çà tsíalatsi' qui' enne' da' bitola de làbi nna lée Jesús enne' ná Cristua, para ccá çà salvo. ⁵De biyénini çà ca titsa' qui' Pablua nna uccua çà bautizar attu, pero para gulue' çà qui'ni anna chi ná çà enne' qui' Señor Jesucristua. ⁶Beyàcca bá betsia ná' Pablua iquua qui' nna beni çà Espíritu Santo recibir; làniana gùnne çà adí ca titsa' huaya' nna gùdulo çà gunne çà mensaje nu bete Tata Dios qui' qui'. ⁷Ttú tsì'nu tì'a ca nubéyu'a canuá uccua bautizar lània. ⁸Tsùnna biú' tì'ga gùdua Pablue nía nna gutixà'a bi lani la'huacca le' sinagoga. Beni bi discutir lani çà acerca de la' rigú'ubia' qui' Tata Dios nna, yala modo beyíla bi para qui'ni ttélini çà nna tsíalatsi' qui'. ⁹Pero ttu te çà nna yala duro uccua losto' qui' porqui'ni labí uccua latsi' qui' tsíalatsi' qui', sino gùnne la çà ru'a lo ca enne' nna ra çà qui'ni labí ná

lí ca enseñanza nu riquixá' Pablua. Làniana beria tè Pablua lahui' qui lani ca creyénte nna huía cabi litsi' ttu maestro láq Tiranno; le' escuela qui' níá nna beni Pablua predicar ttu ttu tsá ní. ¹⁰Chùppa ida tì'ga gùdua Pablua níá hueni predicar. Acca iyaba canu tsè'e le' región Asia nna biyénini ca titsa' qui' Señor Jesucristua, tàntua ca enne' judío a'hua ca enne' griego nna. ¹¹Ca milagro yēni tsè'ni beni Tata Dios por medio de Pablua; ¹²hasta qui'ni ca panitu nna ca lári' nu chi gutá' láti Pablua l'le beyua' ca enne' ca làti anta' ca enne' rà'nia nna beyàcca taá latsi' qui, a'hua ca espíritu malo nna beria ca lo losto' ca enne' nna betse'e latsi' qui ca. ¹³Tuchùppa ca nubeyu' de raza judío nna gurèni ca itú lettia bání bethacca'yí ca ca enne' nna ra ca qui'ni huaccani ca ebèqquia ca ca espíritu malo lo losto' ca enne' por la' huatsaa' qui' qui. Ca nubéyu'a nna uccua tè latsi' qui uquina' ca nombre qui' Jesús para eyúni ca canu cca padecer por ca espíritu malua nna ra ca: Lani nombre qui' Jesús enne' runi Pablo predicar nna runi tu' le mandado eria le. ¹⁴Anía beni gàtsi ca yī'ni ttu nubeyu' de raza judío láq Esceva nu uccua sacerdote principal. ¹⁵Pero de runi ca ttu espíritu malua mandado nna, de repente taá gùnne espíritu malua nna ra ca: Hua nabia' te' Jesús, a'hua hua yú bá' nuya nuq' Pablua' nna, pero lebi'i chúná, núní ná le nì'i. ¹⁶Làniana nubeyu' uccua padecer por espíritu malua nna bigaq' nna bedàxu'a ca nna, tsati tóní bi'a ca porqui'ni yala

fuerza quì'i té, acca túppá huè' bá beniá ca nna xpela' bá ca becuitta ca le' yú'a. ¹⁷Bina tè iyaba canu tsè'e Éfesua nu uccua nna yala la' rátsilatsi' gul' lani lo losto' iyaba qui, tàntua ca enne' judío a'hua ca enne' griego; làniana ra ca qui'ni hualigani Jesús née Señor nna té la'huacca quì'e lo iyaba ca cosa. ¹⁸Nu yetse' canu chi gùdulo ríalatsi' qui' Jesús nna huía ca ru'a lo Pablua nna bete ca testimonio qui' qui' tì'i'ya ná ca cosa mal nu chi beni ca por ca creencia qui' qui' ántesca tsíalatsi' qui' Cristua. ¹⁹A'hua nu yetse' canu gu'eni magia nna tahua' ca ca libro nu rulue' brujería qui' caniá nna bedayi ca ca ru'a lo iyaba ca hermanos. Bethacca'bia' tè latsi' cabi ttú tsieyóna' mílí' moneda nu de plata gu'acca' iyaba ca libro be'yíá. ²⁰Aniábá bitsila evangelio qui' Señor itú lettia bání porqui'ni bila'ni ca enne' qui'ni yala la'huacca té quì'e. ²¹Gutè diba nuá nna gulèqquia latsi' Pablua tsía bi attu huèni visitar ca iglesia anta' le' región Macedonia nna Acaya nna, làniana eyya bi hàstaá Jerusalén. Ra huá bi: Etsina' díbá' Jerusalén nna caduel-la' huá tsà'a' ciudad Roma. ²²Làniana guthel-la' bi chuppa ca ayudante qui' bía, Timotéua nna Erastua nna, para región Macedonia. Pero Pablua nna beyà'na bi tuchùppa ubitsa le' región nu lá Asia.

²³Tiempo làniana taá nna huatha ttu escándalo yénitse' le' ciudad Éfesua por canu bedúdítsini ca evangelio qui' Jesucristua. ²⁴Ttu nubeyu' láq Demetrio nna beniá ca figura de plata. Beni huá ca nicho

para patrona qui' qui' láa Diana. Yàlaní bel'liu betià qui' canu runi tsina qui' niá. ²⁵Demétriuu nna betùppa tià canu runi tsina qui' niá a'hua adí canu runi luetsi tsina nna ra çà: Compañeros, hua yù bá le qui'ni lani tsini nna yala gana runi ri'u, ²⁶pero hua rilá' bání le nna hua runa hua le nu riquixá'a Pablua, renà qui'ni ca ídolo nu runi ca enne' nna labí ná çà dios. Lani modo ba nna chi benia qui'ni nuýtse'ní ca enne' ríalatsi' ca titsa' nu riquixá'a, aláa tsua' teruba le' ciudad qui' ri'u Éfesui sino le' itúyia tegaba región qui' ri'u Asia, ²⁷acca yala peligro duà ri'u, porqui'ni gunitti ri'u negocio qui' rí'u, a'hua yòtò' yeni qui' patrona qui' ri'u Diana' nna gunitti bá la' dàliani qui'e hasta qui'ni labiru ccá guyu ca enne' ne. Hua yù bá le qui'ni ca enne' tsè'e le' ituba región qui' rí'u a'hua itúyiba yétsiloyu nna rita ba çà nì nna runi çà ne adorar. ²⁸De biyénini çà ca titsa'a nna yàlaní bitsa'áni çà Pablua nna gùdulo çà ribetsi yà'a çà nna ra çà: Viva Diana patrona qui' ca enne' Éfeso. ²⁹Itú taá ciudad nna nì cuenta gulèqquia yíba latsi' qui'. Làniana bedàxu' çà enne' lá Gaius a'hua attu enne' lá Aristarco nna gutè'yà çà cabi hàstaà làti runi çà junta. Chuppa ca ènni'a nna uccua cabi nu región láa Macedonia nna beni cabi Pablua acompañar. ³⁰Pablua nna uccua tè latsi' bi tsía bi ru'a lo ca enne' yétse'á para inne bi lani çà, pero ca creyénte nna labí be'èl:la' çà bi. ³¹A'hua tuchùppa canu rigú'ubia' Asia tsè'e huá çà le' junta nna uccua huá çà amigo qui' Pablua nna, acca guthel:la' çà ttu

razón qui' bi nna ra çà qui'ni adila tsa' bittu tehuá tálue' lo bi. ³²Ttu te çà le' junta nna ribetsi yà'a çà ttu lò, attu te çà nna attu lò nna, quelebí lání guni çà cani çà. Nuýtse' çà nna nìdi làa yù çà biya qui'ni acca betùppa çà. ³³Làniana tuchùppa çà nna gulèqquia çà entre ca enne' yétse'á ttu nubeyu' láa Alejandro nna betsíga' duel:la' bá çà na ru'a lo ca enne' yétse'á nna gutixà'ani çà na asuntuí. Alejándrua nna benia seña lani ní'í para ccá tsi qui' qui', porqui'ni uccua latsi'í innià a favor qui' ca judíua ru'a lo enne' yétsiá. ³⁴Pero de bedácca'ni çà Alejándrua qui'ni nà enne' de raza judío nna, entonces iyáyiani çà nna ttu tiempo ba guretsi yà'a çà ttú chùppa hora nna ra çà: Yala enne' yeni ná patrona qui' ri'u Diana. ³⁵Nubeyu' ná secretario qui' yétsiá nna apenas ni birialanià uccua tsi qui' ca enne' yétsiá, làniana ra tià çà: Lebi'i ca enne' Éfeso, iyáyiani ca enne' tsè'e le' yétsiloyu nna yù çà qui'ni yetsi qui' rí'u nna ga'nà encargado para huí'a cuidado yòtò' làti dua gran patrona qui' ri'u Diana, imagen què'e nu binnia de yibarar, ³⁶pues hua yù bá ri'u qui'ni lanú nuya iria inà qui'ni álahua a' ná. Acca liuthàya rú'a le nna bíttúru biya bitì' ina le sin razón bá, ³⁷porqui'ni chùppa ca nubeyu' taxi' le nì nna labí biya chi guyi' çà le' yòtò' qui' rí'u, nìhua labí biya mal ni chi gùnne çà qui' patrona qui' le Diana', ³⁸acca Demétriu' lani adí canu runi ca figura de plata' nna canchu té queja qui' qui' contra nuya nna, pues para nu' lá re' uxticia nna dua yú'u lahui' nna, para qui'ni

ttu te le nna gutsia le queja nna, attu te le nna guni le defender qui' tsa ba le, ³⁹pero canchu biya attu cosa calatsi' le nna, pues hua ná bá qui'ni ccá arreglar le' junta ordinario ba qui' ri'u, ⁴⁰porqui'ni xiaba tatsia iquua ri'u nna gutsia cã queja qui' ri'u ina cã qui'ni ná ri'u nu huila pleito por nu cca nãtsa; porqui'ni canchu inãba titsa' cã ri'u biyacca tsè'e ri'u nì nna, pues labí té biya ecãbi ri'u.

⁴¹Beyacca bá rã anía nna beyàthilàlia taá iyaba cã.

20 Gutè ba escándalua nna gutãyi tè Pablua ca creyèntea nna bete bi consejo tsè' qui' cabi nna gùppa cabi adí ánimo. Làniana bechu titsa' bi cabi lani ttu abrazo nna, bedà' tè bi nía nna huía bi región láã Macedonia. ²Huía bi tanèl-le' bi ttu ttu lugar làti tsè'e ca enne' chi ríalatsi' cabi Señor, rute tè bi adí titsa' lani cabi nna beni bi cabi animar. Làniana bitsina' bi nación láã Grecia. ³Nía nna gùdua bi tsunna biú'. De chi redú tsè' bi para tsía bi quel-la' bi barco para eyya bi nación láã Siria nna, uccua bi saber qui'ni ca judíua nna gùnne lettia cã gutti cã bi. Acca belaba latsi' bi eyéqquia bi néda yúbitsi nna ettè bi attu le' región Macedonia. ⁴Tuchùppa ca hermanos nna beni tè cabi Pablua acompañar: ttu enne' Berea lá bi Sópater, a'hua chuppa ca enne' Tesalónica lá cabi Aristarco nna Secundus nna, a'hua attu enne' yetsi Derbe lá bi Gaius, a'hua áchùppa ca enne' qui' región Asia lá cabi Tíquico nna Trófimo nna, a'hua Timotéua nna. ⁵Làcabi nna gunéru

cabi nna gulèda cabi intu' le' yetsi Troas. ⁶Intu' nna gulèda ba tu' le' yetsi Filipos hasta qui'ni gutè fiesta nu runi cã celebrar canchu chi ro cã ettaxtila sino levadura. Làniana biria tu' Filipos nna gutèl-la' tu' ttu barco; bitsina' tu' yetsi Troas bìtsa gayu'. Níabá gütse'e tu' gãtsi ubitsa.

⁷Domingo primero tsá qui' semana nna betùppa iyaba ca enne' ríalatsi' qui' Señor para guni tu' celebrar Santa Cena. Pablua nna bete bi ttu mensaje. Porqui'ni attu yu'utsá bá ná qui'ni eda' bi nía, acca beni ba bi seguir predicación qui' bía hàstaá ríluela yèlà. ⁸Le' ttu yú'u nu tsunna cùà' nuá tsè'e cabi lànìa. Iyètse'ní ca lámpara ruquina' cabi nía nna rani' rábá le' yú'a. ⁹Ttu nubeyu' cùiti' láã Eutico nna ri'ã ru'a ventana. Dù ba Pablua ruditùnì bi mensaje qui' bía nna, bìta betsiala qui' nubeyu' cùiti'a nna gutà'athia binnia tiã dèdsèba ru'a ventana qui' yú'u nu cca tsunna cùà'a nna hàstaá loyu. Nu yatti taá nã bechìtha cabi a. ¹⁰Làniana beyàdi Pablua nna biyèchu tè bi gunìta' bi nubeyu' cùiti'a nna ra tè bi ca hermanos: Bittu gátsini le, bàni bá. ¹¹Làniana beyàppi tè Pablua attu, gùla'a tè bi ettaxtila nna guò bi nna beni ba bi seguir gùnne bi hàstaá dá' ràni'a. Làniana bedà' bi nía. ¹²Nubeyu' cùiti'a nna, ti'atsi bihua biya ùccuania deche' cabi a liti'si' nna yala bedácca' latsi' cabi. ¹³Intu' nna gunéru bá tu' hua' tu' yetsi Asón le' barco para cueda tu' Pablua nía; porqui'ni anía bá gulèqquia lettia tu' lani bi; Pablua nna uccua latsi' bi eyya bi néda yúbitsi. ¹⁴De

betsàa' luetsi tu' le' yetsi Asón nna gutà'a bi lani intu' le' bárcua nna hua' tu' ttu isla làti re' ttu yetsi láq Mítilene. ¹⁵Biria tu' de nía nna hàstaá attu yu'utsá gutè tu' ru'a taá attu isla láq Quío. Attu yu'utsá nna bitsina' tu' ru'a attu isla láq Samos. La'a gùl:là lània taá nna bitsina' tu' yetsi Trogilio. Attu yu'utsá nna hua' tu' yetsi Mileto. ¹⁶Es qui'ni Pablua nna labí uccua latsi' bi ettè bi yetsi Éfesua para làa itsàáru bi le' región Asia, porqui'ni chi cca bi purari canchu huàl:la'áru etsina' bi Jerusalén para éxalatsi' cabi tsá Pentecostés.

¹⁷Acca dèsdeba yetsi Mileto guthel:la' Pablua razón qui'ni nía nna ribèda bi canu ná responsable qui' iglesia re' Éfesua. ¹⁸De bitsina' ca anciánua làti re' Pablua nna ra tè bi cabi: Lebi'i nna bien ba yù le ti'iya benia' ituba tiempo gurenia' lani le dèsdeba primero tsá loti' gùl:lania' le' región qui' le Asia. ¹⁹De runia' servir Señor entre lebi'i nna labí belaba látsa'a' qui'ni ná' ttu enne' dacca'. A'hua iýé vuelta tsè' guretsia' porqui'ni labí ríalatsi' ca enne' nna, pues bechía huá' iyaba nu bethácca' ca judíua inte'. ²⁰Tulidàni gunénia' le iyate nu ná tsè' para bien qui' le. Tàntua lo ca enne' ýé taá a'hua le' litsi' le nna gutixa'ánia' le ituba làti chi ritelí te'. ²¹Benia' predicar lani ca enne' judío a'hua lani ca enne' labí ná judío, gutixa'ánia' iyaba ça qui'ni caduel:la' guni ça reconocer qui'ni ná ça enne' tul:la' delante de Dios nna tsíalatsi' quí Xana' Ri'u Jesucristua. ²²Annana yúá' qui'ni Espíritu Santo nna calatsi'e tsà'a'

Jerusalén; labí yúá' biya guthácca' ça inte' nía. ²³Pero nu yú terúbá' es qui'ni le' ttu ttu ca yetsi làti chi huà'a' nna ra Espíritu Santo inte' qui'ni le' litsi' iyyà ýiabá gudàl:la ça inte' nna, nu ýeni guthácca' ça inte'. ²⁴Pero labí nùyue cca te' nìhua labí cca te' qui'ni yala dacca' la'labàni quia' para etúa látsa' ya' a con tal de qui'ni irialània' tsina nu benna Señor Jesús làtsi' nàya' para quixá'a' ca titsa' tse' nu rulue' favor qui' Tata Dios lani ca enne' nna gattia' lani la' redacca' latsi'. ²⁵Yúlí rànìa' qui'ni nìdi ttu le canu chi gutixa'ánia' le nu cca qui' reino qui' Tata Dios nna labiru ilá'ni le inte'. ²⁶Acca annana rìnnia' ru'a lo iyate le qui'ni bíruhuá responsable ná' qui' nuya ttu le acerca de salvación qui' le, ²⁷porqui'ni chi gutixa'ánia' le iyate nu rú'ulatsi' Tata Dios nna labiru biya yúá' nu làa gutixa'ánia' le. ²⁸Lebi'í ca anciano nna lihue' cuidado por la'a lebi'i bá a'hua por iyaba ca creyente tsè'e bajo responsabilidad qui' le porqui'ni iyaba le nna chi ná le iglesia qui' Señor porqui'ni chi belàlia réni qui'e por iyaba ri'u loti' gùttie. Acca por nui nna Espíritu Santo nna bedue le para hué' le cuidado iglesia qui'e ti'a ttu pastor tsè' rui'a cuidado ca carneru to' qui'í. ²⁹Inte' nna yúá' qui'ni canchu chi lanúrua' té lani le nna íl:lani canu calatsi' íl:la'a ça le néda nna gudùl:la'a ça latsi' le ti'a runi ca lobo rutuxu yàní ça ra'a ça làti tsè'e ca carneru to' nna rul:lùya tè ça latsi' iyate. ³⁰Entre la'a lebi'i huá nna iria tuchùppa canu gulue' attu enseñanza huaya' pero alàa

conforme lani titsa' lígani tì'a chi gutixa'ánia' le, para qui'ni iche' çà canu chi ríalatsi'. ³¹Acca con tiempo ba riquixa'ánia' le qui'ni caduel'la' qui'ni hué' le cuidado para láa guthacca'yí çà le. Bittu iyùl'lani le qui'ni durante tsunna ida, la' réla ritsá bá gunénia' ttu ttu tsa le ca coşì lani itú tení látsa'a', hàstaá gurètsinia' por lebi'ij. ³²Acca yà hermanos, nì rutháná' le latsi' ná' Tata Dios, a'hua lani titsa' lígani nu rulue' favor qui'e nna la'huacca qui'e nna, para qui'ni bittu ebánani le sino ccá lá adí tsìttsi fe qui' le nna, ga-la' le ttu lugar nu gutie qui' ca enne' chi beni nàrie. ³³Bihua gudá látsa'a' bel-liu, nìhua biyā lári' ní qui' le gunába'a'. ³⁴Antes la hua yù bá le tì'iya guýacca'a' benia' tsina para bitsèla te' nu riquina' te'. A'hua cuenta quíba' benia' regalar nu riquína'ni ca compañero quíyi'ij. ³⁵Tulidàba bethéte'nia' le qui'ni á' bá dani ri'u guni ri'u tsina, para guni ri'u cualani ca enne' canu ritè la'dí', tì'a Señor Jesús nna rèe:

Adila la'redacca' latsi' té qui' ttu enne' rute, tì'ca'la enne' ridi'.

³⁶Beyàcca ba ra Pablua ca titsa'a nna beduýibi bi nna beni bi oración lani iyaba cabi. ³⁷Guretsi tē iyáyi'ani ca hermanos nna gunita' cabi Pablua nna bèttsa'lo cabi xaga' bi; ³⁸porqui'ni yala triste uccuani cabi loti' ra Pablua cabi qui'ni labiru ila'ni cabi bi attu. Làniana huá tē cabi lani bi hàstaá làti gutèl-la' bi bárcua.

21 Bechu titsa' diba tu' ca hermanos nna, gutà'a tu' le' bárcua nna hua' tu' directo taá para ttu isla láq Cos. Attu

yu'utsá nna hua' tu' ttu yetsi láq Rodas. De nía nna hua' tē tu' attu yetsi láq Pátara. ²Le' yetsi Pátara nna du ttu barco díq para región Fenicia nna; gutà'a tu' le' bárcua nna bedà' tē tu'. ³Néda de tté bá tu' bila'ni tu' isla nu lá Chipre ri'a lado ná' yatti tu' nna, betè taá tu' na hua' tu' directo taá para nación láq Siria. Pero barco nu deyù'u tu'a nna denú'a yù'a' para guthànq le' yetsi Tiro nna, acca nía bá beyàdi tu'. ⁴Nía nna gulèda tu' gàtsi ubitsa nna beni tu' visitar ca creyente. Làcabi nna uccua cabi saber por medio de Espíritu Santo qui'ni naduel-la' quixá'ani cabi Pablua qui'ni bittu eyya tē bi Jerusalén. ⁵Gutè diba gàtsi ubitsa tsè'e tu' nía nna, beria tu' le' yétsiá. Iyaba ca creyénte tsa'tsèla tehuá ca niula qui' cabi lani ca huatsa to' qui' cabi nna tarú'na cabi intu' hàstaá ru'a indatù'a. Lo yúyia taá beduýibi tu' nna beni tu' oración. ⁶Làniana bechu titsa' luetsi' tu' lani abrazos nna beyàppi tē tu' le' bárcua. Làcabi nna deyya tē litsi' cabi. ⁷Bedà' tu' yetsi Tiro nna bitsina' tu' attu yetsi láq Tolemada. Nía nna bil-lùya viaje qui' tu' lo inda. Le' yetsi Tolemada nna hua' tu' huenàba titsa' ca hermanos nna, gulèda tē tu' nía ttu tsá lani cabi.

⁸Attu yu'utsá nna Pablua lani iyaba tu' ca enne' tsè'e lani bía nna beria tu' nía nna bitsina' tu' le' ciudad Cesarea. Hua' tē tu' litsi' Felipe enne' gutixà'a huá evangelio lani ca enne' le' iyetse' lugar; uccua huá bi ttu diácono entre ca enne' gàtsiá. Litsi' bi nna beyà'na tu'.

⁹Felípea nna tsè'e tappa yi'ni niula

bi, labí chi bettsaná' cabi. Gùdu huá la'huacca qui' Tata Dios lani cą para quixá'a cą ca enseñanza nu rulue' titsa' qui'e. ¹⁰Níabá gütse'e tu' tuchùppa ubitsa. Gul·lani tè ttu ènne'yu' dá' bi le' región Judea lá bi Ágabo. Làbi nna gutixà'a huá bi acerca de nu chì' da'la según uccua bi saber por medio de Espíritu Santo. ¹¹Gul·lani bi làti tsè'e tu'a nna gunàba sàtè bi cincho qui' Pablua nna, beýiga' tè ca nì'a ná' bi lani cínchua nna ra bi: Chi uccua' saber por medio de Espíritu Santo qui'ni ìj huá guýiga' ca enne' judío tsè'e Jerusalén enne' ná qui' bi cínchuj, ą'hua gute cą bi cuenta làtsi' ná' ca enne' labí ná' de raza judío para ccą sufrir. ¹²Biyéni báni tu' ca tìtsa'a nna, laniana intu' lani ca hermanos tsè'e Cesaréa nna gutta'yúni tu' Pablua qui'ni bittu eyya bi Jerusalén. ¹³Becàbi Pablua nna ra bi: Biánicca ribetsi le nna rudihuini'ni le latsi' lóstu'a' nì'i. Pues inte' nna dispuesto bá ga'na' aláa tsuą' teruba canchu guýiga' cą inte', sino ą'hua para gattia' le' Jerusalén por nu cca qui' Señor Jesús. ¹⁴Labí biríalàni tu' gurèxael·la' tu' bi, acca bíruhuá bethàga' tu' bi sino ra tu' bi: Ccá bá según nu rú'ulatsi' Señor Jesús cá. ¹⁵Bitola nna begú'u tsè' qui' tu' nna deyya tu' para Jerusalén. ¹⁶Tuchùppa ca hermanos tsè'e Cesaréa nna beni cabi intu' acompañar. Dá' huá ttu enne' isla Chipre lá bi Mnasón, chía gutsá ná bi creyente. ą'hua litsi' bi nna ná qui'ni itsina' tu'.

¹⁷Betsina' ba tu' Jerusalén nna yala lani la' redacca' latsi' beni

ca hermanos intu' recibir. ¹⁸Attu yu'utsá nna guda' Pablua lani intu' hua' tu' huenàba titsa' Jacobo enne' ná huá apóstol. Nía nna tsè'e huá iyaba ca hermanos canu ná cabi ancianos le' iglesia. ¹⁹Beni bá Pablua cabi saludar, làniana gùdulo bi gutixà'a bi ttu ttu tsa ca cosa nu beni Tata Dios lani ca enne' qui' adí ca nación por medio de làbi. ²⁰De biyénini cabi nu ra Pablua nna bedàliani cabi Tata Dios. Làniana ra cabi Pablua: Hermano, hua yù bá lu' qui'ni iýé mili' ca enne' judío nì nna chi ríalatsi' quj Jesucristua nna ra cą qui'ni caduel·la' guni ri'u cumplir iyaba nu ra lo ley nu bethà'na Moisés. ²¹Pero làcą nna chi bina cą qui'ni lu' nna ruthète'ni lu' iyaba ca enne' judío tsè'e le' adí ca nación huaya' qui'ni bíruhuá caduel·la' guni cą según ley nu gutixa Moisés, de ra lu' cą qui'ni bíttuúru caduel·la' guni cą circuncidar ca ýi'ni quj ñihua làa gúniíru cą seguir adí ca costumbre nu ra lo ley qui' quj. ²²Biani ra lu' acerca de nui cá. Yùliràni tu' qui'ni huetùppa ca enne' canchu chi gúna cą qui'ni bel·lani lu'. ²³Acca adila tsa' guni lu' nu ina tu'j: Nì tsè'e tappa ca nubeyu' caduel·la' guni cą cumplir promesa nu beni cą lani Tata Dios. ²⁴Acca lu' nna guche' lu' cą le' templua nna uccua ttùba lani cą nna guni hua lu' nu ra lo ley qui' ri'u para eyàcca nàri iyaba le. Quiya tè lu' parte qui' quj ofrenda nu ná qui'ni gute ttu ttu enne', làniana huacca bá ichu ittsa' iquiqua quj, seña de qui'ni chi beyacca nàri cą. ą' modo nna ccá ca enne' saber qui'ni álahua hualí nu chi ra cą qui' lu', sino qui'ni runi

ba lu' cumplir tì'a nu ra lo ley qui' ri'u, ²⁵pero acerca de ca enne' chi ríalatsi' qui' Jesucristua màsqui'ba labí ná cą raza qui' ri'u nna, chía bediani tu' cą qui'ni bíttuá nùyue tse'e cą acerca de ca costumbre nu dá' lo ley qui' ri'u, sino hué' teruba cą cuidado bittu go cą nu déda' ru'a lo ca ídolo ñihua réni qui' ca animal ñihua bèlá' qui' ca animal nu gùtti xihui', ą'hua qui'ni làa thualàni cą nu labí ná tsela qui'.

²⁶Làniانا guche' Pablua tappa ca nubéyu'a. Attu yu'utsá nna beni hua Pablo tì'a nu ra lo ley para eyacca nàri cabi; gutà'ta tehuá Pablua le' templua nna gutixà'a bi cuaýa il-lùýa ca tsá nu ná qui'ni eyacca nàri cabi. Le' templua nna gulèda bi hasta qui'ni chi ì'yu tsá para ccá presentar ttu ofrenda para ttu tsa cabi. ²⁷Loti' chì' taáduą cca cumplir ca gàtsi ubitsa nna, tuchùppa ca judío dá' cą le' región Asia nna bila'ni cą Pablua le' templua. Làniانا beni chi cą qui'ni biyeyya iyáýiani ca enne' nna bedàxu' tè cą Pablua, ²⁸guretsi yà'a ca nubéyu'a nna ra cą: Iyáýiate le ca enne' Israel, lità le guni le cualani intu', porqui'ni là nui nuą' ribeni itú lettia bání riquixa'ánią iyaba ca enne' qui'ni guyudí' cą raza qui' ri'u, ą'hua rinnią contra nu dá' lo ley qui' ri'u nna. Además de nui nna chi bega'ą tuchùppa canu raza griego le' templuį nna labí respeto gùppa cą le' lugar le'ya qui' rí'ui. ²⁹Anía ra ca nubéyu'a porqui'ni bila'ni cą Pablua le' Jerusalén lani ttu enne' griego lá bi Trófimo dá' bi le' ciudad Éfeso, belaba latsi' qui'

qui'ni Pablua nna guche' bi ą le' templo nu ná lugar le'ya para ca enne' judíua. ³⁰Làniانا nuýetse' ca enne' qui' ciudáad nna bitùppa chì cą por escándalo nu beni ca nubéyu'a. Bedàxu' tè cą Pablua nna gutè'ya cą bi fuera la templua. Luegu taá nna bethàya chì cą ca puerta qui' templua. ³¹De chi calatsi' qui' gutti cą Pablua nna bitsina' noticia lani comandante qui' ejércitua qui'ni iyaba ca enne' tsè'e le' ciudáad nna yala escándalo chi runi cą. ³²Comandánte nna betùppa chią ca soldadua lani ca capitán qui' qui' nna bigaá chì cą dia cą làti cca ruídua. Bilá' bání ca enne' ýétse'á ca soldado nna, bedùtsi taá cą labiru be' cą Pablua. ³³Làniانا gubiga' tè comandánte nna bedàxu'ą Pablua preso, benią mandado bexiquia cą bi lani chuppa cadena. Bitola nna gunàba tìtsa'ą nuýa ná bi ą'hua biýa beni bi acca yala calatsi' qui' hué' cą bi nna. ³⁴Ttu te ca ènni'a nna ribetsi yà'a cą ttu lò, attu te cą nna ttu lò, hasta qui'ni comandánte nna nìdi làa gutéelínią biýa nuá rinne cą por tantua ruido nu runi cą. Acca benią mandado qui'ni iche' cą Pablua le' cuartel. ³⁵De bitsina' ca soldadua lani Pablua làti tsappi ca enne' para gá'a cą le' cuartel nna, uccua duel'la' ichìthaní cą Pablua porqui'ni ca enne' ýétse'á nna yala loco beni cą contra Pablua. ³⁶Iyaba cą dia cą cue'e la bi nna ribetsi yà'a cą nna ra cą: Gatti ba. ³⁷Lótaą dia cą gúga'a cą Pablua le' cuartel nna ra tè bi comandante qui' ca soldadua lani tìtsa' griego: Tsí huacca ínniá' tuchùppa tìtsa' lani

cuià'lu'. Becàbi comandánteá nna rã bi: Tsí ina ri'u huaccani lu' títsa' griego, ³⁸entonces álahua lu' nuã' enne' Egipto nu chî' uccua gáábã cabeça qui' ttu partido de tappa mili' canu huètti enne' nna uccua çã rebelde lani gobierno nna guche' tiã çã lo i'yatò' lá cá. ³⁹Pablua nna ra tè bi ã: Inte' nna ná' enne' judío, gùlia' le' ciudad Tarso, ttu ciudad principal le' estado nu lá Cilicia. Acca benna bál'la permiso inénia' ca enne' tsè'e nì. ⁴⁰Comandánteá nna betiã permiso qui' Pablua. Làniana Pablua nna gùdu bi lo ca escalera nna beni tè bi seña lani ná' bi para gudà naga' qui' qui' bi. De uccua tsi qui' qui' nna, gùnne bi lani títsa' hebreo nna ra bi:

22 Lebi'i ca hermanos l'le ca tàta l'le, liudaáruhuá naga' le razón nu quixa'ánia' le nu cca quí'ba'. ²De biyéni çã qui'ni gunèni bi çã títsa' hebreo nna, adílani tsi dí'rubá uccua qui' qui'. Beni tè Pablua seguir nna ra bi çã: ³Inte' nna ná' enne' judío, gùlia' le' ciudad Tarso estado láã Cilicia. Pero le' Jerusalén nì bá biyénia', ã'hua Gamaliel nna uccua bi maestro quia', tsè'ni bidèti'a' de acuerdo lani ley nu bethà'na ca tà' tàta qui' rí'ua. Siempre ni runia' duel'la' gunia' servir Tata Dios lani itute látsa'a', ti'taání runi iyaba le anna. ⁴Acca betsía huá látsa'a' canu denó çã enseñanza qui' Jesucristua para gutti ya' çã. Nuÿetse' çã bedáxu'a' preso nna bedál'la ya' çã litsi' iyyà, tàntua ca nubeyu' l'le ca niula l'le. ⁵Enne' ná sacerdote principal ã'hua adí canu rigú'ubia' entre ri'u nna ná cabi

testigo de nu chi benia'. Làcabi nna benna cabi carta lani poder para gutía' lani ca enne' judío tsè'e Damáscua'. Acca huà'a' nía hueyila ca creyente éché' ya' çã Jerusalén nì nna ccá çã castigar. ⁶Pero loti' yu'á' néda ttú tsì'nu hora tì'ga, chî' taáduã itsína'a' Damáscua' nna, de repente taá bedàni' ttu la'yani' de ÿiabara' ita'lùba'. ⁷Gubíxi chìa' nna biyeni te' ttu tsì'i nna rèe: Saulo, Saulo biánicca rutsia latsi' lu' inte' nì'i. ⁸Becàbi tià' nna nia': Núní lu' nuã' Señor. Gùnne attu nna rèe: Inte' ná' Jesús de Nazaret enne' rutsia latsi' lu'. ⁹Canu dia lani ya'a nna yala gùtsini çã de bila'ni çã la'yáni'a pero labí gutéelíni çã tsì'i enne' gunènie ínte'a. ¹⁰Làniana pá'a ye' e: Biani dà te' gunia' Señor. Lèe nna rèe inte': Beyatha nna huía le' ciudad Damáscua', nà' ba nna ccá lu' saber biyã ná qui'ni guni lu'. ¹¹Átsi'í beyà'na tià' ciego de tántuaní fuerte uccua la'yáni'a, acca canu dia lani ya'a nna gutèl'la' báni çã nàya' nna bitsina' tu' Damáscua'. ¹²Nía nna gùdua ttu ènne'yu' lá bi Ananías, yala enne' cumplido uccua bi lani nu ra lo ley qui' Tata Dios. Iyaba ca judío tsè'e le' ciudad Damáscua' nna yala tsè' gùnne çã qui' bi. ¹³Ananías nna bita bi làti dua ya'a nna ra tè bi inte': Hermano Saulo, annana ela'ni lu'. Làniana taá gunná'a' nna belá' chî te'. ¹⁴Raáruhuá Ananías inte': La'a mísmuba Tata Dios enne' beni ca tà' tàta qui' rí'ua adorar nna becuí'e lu' dèsdeba antes para gunibia' lu' nu ná voluntad qui'e nna, acca chi bila'ni lu' Enne' bita yétsiloyu nna benie puro taá nu

ná tsè', a'hua gunènie lu' lani titsa' rú'a taá. ¹⁵Porqui'ni quixá'ani lu' iyáÿiani ca enne' nu cca què'e, nu chi bila'ni lu' nna nu chi biyéni lu' nna. ¹⁶Annana bíttuúru cueda lu', sino bel-luít'sa' Señor nna inàbani lu' e qui'ni éyie ca tul-la' qui' lu' nna ccá tè lu' bautizar. A' benia'. ¹⁷Bitola nna beyèqquia' Jerusalén nì nna, huà'a' templua. Hua runi cànnaba' oración nna guÿacca'a' tì'a ttu nu rínneni yela pero álahua ti'athia'. ¹⁸Bilá' te' Señor nna rée inte': Uccua purari biria quètha taá le' Jerusalén nì, porqui'ni labí gudà naga' qui' màsqui'ba quixá'ani lu' cã nu cca quia'. ¹⁹Inte' nna pá'a ye' e: Señor, làcã nna hua yù bá cã qui'ni bedáxu'a' ca enne' ríalatsi' qui' cuiã'lu' nna guchí'a' cabi litsi' iyyà, a'hua yala chi bí'a' cabi de tsè'e cabi le' ca sinagoga nna. ²⁰A'hua loti' gùtti Esteban enne' uccua siervo qui' cuiã'lu'a nna, nía huá dua' lània hàstaá benia' cuàlani canu betti cã bi, porqui'ni bí'a' cuidado ca lári' qui' qui' para gappa tsè' cã néda gul-lùÿa cã latsi' bi. ²¹Pero lèe nna rée inte': Huía, porqui'ni inte' nna rithél-la'a' lu' làti ànta' adí ca nación para quixá'ani lu' ca enbe' huaya'.

²²Anía tì'ga bedà naga' qui' qui' Pablua, làniana gùdulo cã guretsi yà'a cã nna ra cã: Ccá bá nubéyd'a' merecer gattiã, labiru ná qui'ni ccabàniã. ²³Beni ba cã seguir guretsi ya'a cã hàstaá gulèqquiani ca camisa qui' qui' nna guÿi' cã bestè bedàl-la cã rá' de tántuání bitsa'áni cã bi. ²⁴Làniana beni comandantea mandado gúga'a cã Pablua le' cuartel a'hua qui'ni

a fuerza de iyà'a' bi nna quixá'a bi biÿa lóni'a qui'ni ribetsi yà'a cã anía contra labi. ²⁵Pero de chi bexìqquia cã bi para iyà'a' bi nna, gunne Pablua nna ra bi capitán qui' caniá: Biani derecho té qui' le para gáa' le ttu ciudadano romano sin qui'ni làa nì'i thí' li a declaración nì'i. ²⁶De biyéni capitán nui nna huíã gutixà'aniã comandánte nna rã na: Biani calatsi' lu' guthácca' lu' nubéyu'a' porqui'ni ná huã ciudadano romano. ²⁷Làniana gubiga' comandánte ru'a lo Pablua nna gunàba tìtsa'a' bi: Tsí hualí ná lu' ciudadano romano. Becàbi Pablua nna ra bi a: Hualí. ²⁸Làniana ra tè comandánte bi: Yala bel-liu guÿacca' te' para ccá' ciudadano romano. Becàbi Pablua nna ra bi a: Pero inte' nna álahua huí'iní ya' a, sino nàlia bání ya' a. ²⁹De ra Pablua anía nna canu ná qui'ni hué' cã bi lani cuarta nna becuítta chì cã ru'a lo bi. Hàstaá nu ná comandánte nna de benniã cuenta qui'ni ná Pablua ciudadano romano nna gutsiniã qui'ni lã beni mandado bexìqquia cã bi para iyà'a' bi.

³⁰Attu yu'utsá nna uccualatsi' comandánte ccá tsì'a' saber ti'iÿa ná falta nu rutsia ca judúa contra Pablua, acca beniã mandado etùppa ca sacerdote principal a'hua iyaba canu runi formar Junta Suprema qui' ca judúa. Làniana beniã mandado ethàtsi cã ca cadena nu ÿíga'nì cã Pablua nna bedu tiã bi ru'a lo qui.

23 Pablua nna gùnna' bi iyaba canu tsè'e le' junta nna ra bi cã: Hermanos, delante de Dios

nna yúá' qui'ni bihua falta nì'i cù'a'.
 2Làniana Ananías nu ná sacerdote
 principal nna beniá mandado canu
 dâa exa taá ru'a lo Pablua qui'ni
 hué' çà rú'a bi. 3Pablua nna ra tè
 bi sumo sacerdotéa: Tata Dios nna
 hué' huéé lu' màsqui'ba yala latsitte
 rulue' lu' de lo ra'. Yà'lo bá yala
 enne' ÿeni ná lu' duani lu' lo meÿa
 para guni lu' inte' juzgar según nu
 ra lo ley de Moisés ála. Biálacca
 álahua según nu ra lo ley beni lu'
 mandado hué' çà inte' nì'i. 4Canu
 tsè'e nía nna ra çà bi: Tsí á' dâni
 lu' gul-luítsa' lu' sacerdote enne'
 rinnie lani Tata Dios parte qui' tu'
 cá. 5Pablua nna ra bi: Hermanos
 israelitas, labí yúá' qui'ni ná bi
 sacerdote principal qui' ri'u, pues ra
 huá ttu lettia lo Escritura qui'ni labí
 dâni ri'u inne ri'u mal qui' nuÿa ttu
 enne' rigú'ubia' le' yetsi qui' ri'u.

6Làniana gutelíni Pablua qui'ni
 ttu te canu tsè'e le' junta nna
 ná çà miembro qui' partido láá
 saduceo, pero attu te çà nna
 ná çà miembro qui' partido láá
 fariseo. Acca gúnne bi iditsa nna
 ra tè bi: Lebi'i hermanos, inte'
 nna ná' fariseo, ÿi'ni ttu fariseo.
 Calatsi' le cueqquia le sentencia
 quia' porqui'ni rialátsa'a' qui'ni
 eyátha canu yatti de lo lù'uti. 7De
 ra Pablua anía nna huatha ttu
 disgusto entre ca fariséua lani ca
 saducéua hasta qui'ni gùla'ani
 luetsi canu tsè'e junta. 8Porqui'ni
 ca saducéua nna rena çà qui'ni
 labí eyátha canu yatti de lo lù'uti,
 rena huá çà qui'ni núhuá ca ángel
 tsè'e nihua labí espíritu té. Pero ca
 fariséua nna ría bá latsi' qui' iyaba
 ca così. 9De tántua ribetsi yà'a çà

nna gùduli tè ca maestro de la ley
 canu tsè'e parte qui' ca fariséua nna
 ra çà: Labí biÿa mal beni nubéyu'j;
 xiaba chi gúnne ttu espíritu o
 ttu ángel nu guthel-la' Tata Dios
 lani a, nìcà'chu tál-liá' ri'u qui'ni
 redúdítsini ri'u Tata Dios. 10Làniana
 adiru chi ritil-la çà, acca gùtsini
 comandánte qui'ni xiaba gúttí çà
 Pablua; acca beniá mandado ca
 soldadua para cueqquia çà bi lahui'
 ca enne' ÿétse'á nna gúga'a çà bi
 le' cuartel attu. 11Yèlà lànìa nna
 gùdu Señor ru'a lo Pablua nna rée
 bi: Gùppa valor Pablo, porqui'ni
 tì'ba chi gutixà'a lu' nu cca quia' le'
 Jerusalén nì nna, a'hua caduel-la'
 inne lu' nu cca quia' le' ciudad
 Roma.

12Attu yu'utsá nna gulèqquia
 lettia ca judíua qui'ni gutti çà
 Pablua nna, beni çà jurar contra
 la'a labáqui nna ra çà qui'ni labí
 i'ya go çà hasta qui'ni ccá tì'a nu
 calatsi' qui'. 13Hua ttéelá chùà' ca
 nubeyu' beni prometer anía. 14Huía
 tè çà ru'a lo ca sacerdote principal
 a'hua ru'a lo canu rigú'ubia' entre
 ca judíua nna ra çà: Chi beni tu'
 jurar contra la'a intu' bá qui'ni labí
 biÿa la'gó ní gunixi tu' hasta qui'ni
 gutti tu' Pablua', 15acca cuiá'le lani
 adí ca miembro qui' Junta Suprema
 nna linàbani comandánte qui'ni
 guniá mandado taxi' çà Pablua'
 ru'a lo cuiá'le uxtíla tì'atsi calatsi'
 cuiá'le ccá le saber adí claro nu
 cca qui'j. Intu' nna tsè'e léda bá tu'
 para gutti tu' a antes càla íl'laniá
 ru'a lo cuiá'le. 16Pero sobrino
 qui' Pablua nna biyéniñi nu ra
 canaá, acca huía chiá le' cuartel
 nna gutixà'aniá Pablua. 17Làniana

gutàyi tè Pablua ttu capitáan nna ra tè bi a: Guche' bál-la nubeyu' cuiti'i ru'a lo comandánteā' porqui'ni té ttu noticia quixá'aniā' bi. ¹⁸Guche' tè capitáan nubeyu' cuiti'a ru'a lo comandánteā nna rā na: Pablo nu té presuā' nna gunàbaniā inte' favor qui'ni tahuá'a' nubeyu' cuiti'i ru'a lo cuiā'lu' porqui'ni calatsi'i quixá'aniā cuiā'lu' ttu noticia. ¹⁹Gutèl-la' tè comandánteā ná' nubeyu' cuiti'a nna gulèqquiā na yà'latsi' nna rā: Biani nuā' calatsi' lu' quixá'ani lu' inte'. ²⁰Nubeyu' cuiti'a nna rā na: Chi gulèqquia lettia qui' ca judíua gatta'yúni cā cuiā'lu' qui'ni uxtíla nna guni cuiā'lu' mandado iche' ca soldado Pablua' ru'a lo canu ná Junta Suprema qui' ca judíua, ti'atsi calatsi' qui' cca saber adí claro nu cca qui' bi, ²¹pero bittu tsálati' cuiā'lu' qui' qui, porqui'ni pretexto bá beyíla cā. Ttélā chùā' cā nna chi ribèda gatts' bá cā bi, beni cā jurar contra la'a labá qui' ra cā qui'ni labí i'ya go cā hasta qui'ni gutti cā Pablua'. Annana álá teruba ribèda cā ecàbi cuiā'lu'. ²²Comandánteā nna bechu titsa' tiā nubeyu' cuiti'a nna rā na: Nú ttú tè nuya gá lu' qui'ni chi gutixà'ani lu' inte' notíci. ²³Comandánteā nna gutàyiā chuppa ca capitán qui' niā nna betiā orden qui'ni gútse'e léda cā chùppa gayua' ca soldado a'hua gayúna'tsi' canu cúia bia' a'hua chuppa gayua' canu theni lanza para iria cā rití gè réla para yeti' Cesarea. ²⁴Bete huá' orden qui'ni gútse'e léda cā ca bia' xila' cúia Pablua para qui'ni itsina' tsè' bi Cesarea nna gute cā bi cuenta lani gobernador Félix. ²⁵Comandánteā nna bedia tiā ttu carta làti rā:

Finísimo Gobernador Félix:

²⁶Inte' Claudio Lisias runia' cuiā'lu' saludar. ²⁷Ca judíui nna bedàxu' cā preso nubéyu'i, chía rutti tè cā na. Pero de bina'a' qui'ni ná ciudadano romano nna acca huà'a' lani ca soldado quia' nna tadíla ya' a. ²⁸Làniana uccua látsa' cca' saber biya ná queja rutsia cā contri, acca guche' ya' a ru'a lo Junta Suprema qui' caniā. ²⁹Nía nna gutelí te' qui'ni queja nu rutsia cā contri nna ná bá asunto qui' ley qui' religión qui' bá qui, pero bihua biya falta ni betsèla te' qui' nu dacca' gáttiniā nidi para gátta'a' litsi' iyyà. ³⁰De bína'a' qui'ni chi guleqquia lettia ca judíui gutti cā na, acca nì bá rithél-la' ya' a lani cuiā'lu'. A'hua chi gunéni'a' canu runna parte contri qui'ni gutsia cā queja qui' qui ru'a lo cuiā'lu'. Etsà' ri'u.

³¹Ca soldádua nna beni bá cā según orden nu bete comandánteā qui' caniā nna guche' tè cā Pablua de réla hàstaá yeti' Antipatris.

³²Attu yu'utsá nna beyèqquia ca soldado lani nì'a bá caniā para Jerusalén làti re' cuartel. Pero ca soldado tsia bí'a nna dia ba cā lani Pablua. ³³De bitsina' cā Cesarea nna bete cā carta lani gobernador Félix, bete huá' cā Pablua cuenta lani a. ³⁴Bíl-la diba gobernador Félix carta nna, gunàba tìtsa'a' gaña enne' ní ná Pablua. De uccua saber qui'ni ná bí enne' región Cilicia nna, ³⁵rā bi: Canchu chi íl-lani canu rutsia cā queja qui' lu'a nna, thi'a' lu' declaración. Làniana beniā mandado ca soldado qui' niā qui'ni ttu guardia nna guniā Pablua seguro le' palacio qui' Herodes.

24 Gayu' ubitsa bitola nna, Ananías nu ná sumo sacerdotéa lani átuchúppa canu rigú'ubia' le' yétsiá lání huá ttu licenciado láq Tértulo nna bitsina' cā ru'a lo gobernador Félix para gútsia cā queja contra Pablua. ²De chi du Pablua ru'a lo qui nna gùdulo Tértulua betsiā causa qui' bi nna rā Félix: Quiŷaru cuiā'lu' señor gobernador porqui'ni por la' riyeni tsè' nu té qui' cuiā'lu' nna yala tsè' dia la' rigú'ubia' qui' cuiā'lu' nna tsè'e tu' lani la'ŷeni, ³tulidàba runi cuiā'lu' tsè' para bien qui' tu' a'hua ituba lugar làti rigú'ubia' cuiā'lu' nna, acca yala agradecer runi tu' cuiā'lu', estimado Félix, ⁴pero para qui'ni làa gunitti tu' tiempo qui' cuiā'lu' nna ratta'yúa' qui'ni gudaáruhuá naga' cuiā'lu' tuchùppa titsa' qui' tu', yù tu' qui'ni yala ene' tsè' na cuiā'lu'. ⁵Pabluj nna yala telá ruquitsi'a, pues itú lettia ba runiā qui'ni radi disgusto entre intu' ca enne' judío; ná huá cabeza qui' ttu grupo religioso láq nazareno, ⁶a'hua uccua latsi'i gúga'a le' templo qui' tu'a canu labi ná qui'ni gá'a cā, acca bedāxu' tu' a nna uccua latsi' tu' cueqquia tu' sentencia quì'i según bá nu ra lo ley qui' tu'. ⁷Pero gul'lani comandante Liasias lani ca soldado qui' bi nna gutua bi a lo ná' tu', ⁸a'hua ra tè bi canu rutsia queja contra Pabluj qui'ni dani cā ita cā ru'a lo cuiā'lu'. Huacca huá canchu inàba titsa' cuiā'lu' Pabluj para ccá cuiā'lu' saber nu ná lí taá biŷacca runi tu' contri.

⁹Beyacca ba gùnne Tértulua nna lániana ca judío tsè'e nía nna

gùnne huá cā nna ra cā: Hualibani ènni'i nu rée. ¹⁰Lániana beni tè gobernador Félix seña para qui'ni inne Pablua. Gùnne tè Pablua nna ra bi:

Yala lani gusto gunia' defender nu cca quia' ru'a lo cuiā'lu', porqui'ni yúa' qui'ni chía dia iŷé ida runi cuiā'lu' lu'uxticia lugar nì. ¹¹Canchu calatsi' cuiā'lu' inàba titsa' cuiā'lu' adí nu lí taá nu cca quia' nna, pues tsì'nu ubitsa teruba chi uccua betsina'a' le' Jerusalén para gunia' Tata Dios adorar. ¹²Núhuá nuŷalàni bila'ni cā inte' runia' obligar para tsálati' qui' nu riquixà'a', nihua làa biŷa escándalo benia' para etùppa ca enne' le' templua, nihua le' ca sinagoga, nihua gaŷa attu lugar ni le' ciudad nna. ¹³Ca nui nna labí etseláni cā razón para cueqquia lí cā iyaba nu rinne cā quia'. ¹⁴Pero inte' nna hua ridiché' bá' qui'ni riquixà'a' lo néda cubi nu reya cā religión falsa, pues runi ba' servir Tata Dios enne' beni ca tà' tàta quíya'a adorar porqui'ni ríalátsa'a' iyaba nu ga'na escrito lo ley nu bedia Moisés a'hua nu bedia ca profeta nna. ¹⁵Ría huá látsa'a' tì' tehuá ríalatsi' ca nubéyu'i qui'ni i'yu tsá echitha Tata Dios canu yatti de lo lù'uti, tàntua canu runi nu ná tsè', a'hua canu runi mal nna. ¹⁶Por nui nna rue'él'la' látsa'a' gunia' nu ná tse' para làa cù'a' falta ru'a lo Tata Dios nihua ru'a lo ca enne' nna. ¹⁷Pero bitola de guréni'a' le' adí ca nación por tuchùppa ida nna betsina'a' Jerusalén para gutía' bel'liu nu dénu'a' para ca enne' pobre de raza quia', a'hua para gunia' presentar ofrenda quiba' le'

templua. ¹⁸Ántesca gá'a' le' templua nna, beyàcca nària' según nu runi mandado lo ley qui' tu'. Merua loti' runia' presentar ca ofrenda quia' le' templua nna gul'lani tuchùppa ca nubeyu' de raza judío dá' cą le' región Asia, pero álahua iýé ca enne' tsè'e lània nìhua álahua biýa alboroto ni benia'. ¹⁹Là canu dá' le' región Asia nna dani cą ita cą nì para gutsia cą causa quia' canchu hualí té biýa ina cą contra inte'. ²⁰Aýhua la'a canu tsè'e nì tehuá ina canchu biýa delito ni benia' pues bedu cą inte' ru'a lo iyaba canu runi formar Junta Suprema qui' ca judíua' nna. ²¹Xiaba queja nu rutsia cą contra inte' nna ná porqui'ni loti' dunia' ru'a lo qui' nna nia': Calatsi' le cueqquia le sentencia quia' porqui'ni rialátsa'a' qui'ni eyatha canu yatti de lo lù'uti.

²²Beyacca ba gùnne Pablua nna bedu bá Félix attu término lani ca judíua nna rą cą: Hàsta'na íl-lani comandante Lisias nna lànialá ccá' saber adí sobre de asunto qui' líj. Anía ra Félix porqui'ni chía yùą acerca de néda cubi nu beni Pablua presentar. ²³Làniana benia mandado capitáan qui'ni hué' bą Pablua cuidado, aýhua qui'ni gute tí'bą libertad qui' bi nna hue'él-la' bą ca amigos qui' bi tanàba titsa' cą bi nna gute cą biýa calatsi' qui' qui' bi.

²⁴Tuchùppa ubitsa bitola nna huía Félix attu lani niula qui' ląą Drusila nna benia mandado gaýi cą Pablua para quixá'ani bi cą acerca de Jesús enne' ná Cristo. ²⁵Pablua nna gunèni bi a qui'ni danią gunia nu ná tsè' ru'a lo Tata Dios, aýhua qui'ni danią hui'a cuidado làa gunia

biýa mal nu ridà latsi'j. Gunè huáni bi a qui'ni i'yu tsá qui'ni re' ttu castigo eterno para canu tul-la'. De biyénini Felix ca cosj nna gul'lani ttu la' rátsilatsi' lo lostu'j nna ra tią Pablua: Beyya ba nna huanée dígá' lu' attu canchu chi nettia te'. ²⁶Uccua huá latsi' Félix qui'ni Pablua nna gúnini bi a ofrecer bel-liu para gutiá libertad qui' bi. Acca iýé vuelta tsè' benia mandado taxi' cą bi ru'a lúj para hué' bi titsa' lani a. ²⁷Gutè ba chuppa ida nna beria Félix de gobernador nna gùta'a tè Porcio Festo lugar qui'j. Pero Félix nna uccua latsi'j qui'ni guyu tsè' ba ca judíua na, acca bethà'na bą Pablua litsi' iyyàa.

25 Porcio Festo nna tsunna ubitsa teruba chi uccua guýi'a cuenta de gobernador nna, bira de Cesarea nna huía Jerusalén. ²Ca sacerdote principal tsè'e nía nna aýhua adí canu re' cuenta entre ca judíua nna bitsina' cą ru'a lo Festua nna betsia cą ttu demanda contra Pablua. ³Gutinàni cą Festo ttu favor ýeni gání qui'ni gunia mandado taxi' cą Pablua desde Cesarea para Jerusalén. Anía ra ca judíua porqui'ni chi guleqquia letti cą gutti cą Pablua lo néda. ⁴Becàbi tè Festua nna ra qui'ni segúruba té Pablua preso le' ciudad Cesarea, aýhua qui'ni la'a mismu tabá lą nna eyyą pruntu taá para Cesarea. ⁵Ra huá cą: Entre canu rigú'ubia' qui' le nna dani cą thá' cą lani inte' Cesarea para gutsia cą adí causa qui' nubéyu'a canchu biýa ttu delito benia. ⁶Ttú xùnu' o tsiì ubitsa teruba bitsá Festua le' ciudad Jerusalén, làniana beyeqquia

Cesarea. Attu yu'utsá nna gùdua taá lo xila' làti rigú'ubia'na nna beni chià mandado qui'ni taxi' cą Pablua. ⁷De guta'a Pablua le' juzgádua nna chià tsè'e lédá ca judío canu dá' de Jerusalén. Yala fuerte ná ca queja nu betsia cą contra bi, pero nìdi ttu canu ra canaá nna labí uccuani cą cuequua lí cą na. ⁸Làniana beni Pablua declarar nu cca qui' bá bi nna ra bi: Bihua biya delito ni chi benia', nihua contra nu ra lo ley qui' ca judíua', nihua làa nì'i beyàtsa te' respeto lani templua', nihua álahua biya benia' contra la' rigú'ubia' qui' señor emperador qui' ri'ua. ⁹De biyénini Festua gùnne Pablua ca tìtsa'a nna gunàba tìtsa' tìą bi nna rą: Tsí hua calatsi' lu' tsía lu' Jerusalén para gunia' lu'uxtícia qui' lu' nía. Anía ra Festua porqui'ni uccua latsi'í qui'ni guyu tsè' ba ca judíua na. ¹⁰Becàbi Pablua nna ra bi ą: Làtsi' ná' bá la' rigú'ubia' qui' cuią'lu' dua', porqui'ni ná le canu rigú'ubia' lani señor emperador qui' ri'u César. Cuią'bále ná qui'ni guni le lu'uxtícia quia'. Bien bá yù cuią'lu' qui'ni bihua biya delito ni chi benia' contra ca judíua', ¹¹cáalá biya delito benia' nu ccà'a' merecer para gattinia' nna, bihua ridúdsi'a' gattia'. Pero canchu álahua hualí nu rinne ca judíuį contra inte' nna, entonces lanú nuya té derecho qui'í gutią inte' cuenta làtsi' ná' qui'. Rinába'a' qui'ni la'a emperador César bá gunie lu'uxtícia quia'.

¹²Bitola de bè' Festua tìtsa' lani ca consejero qui' niá nna rą Pablua: Chi gunàba lu' qui'ni guni emperador lu'uxtícia qui' lu'. Pues nía bá tsía lu'.

¹³Tuchùppa ubitsa bitola nna bitsina' rey Agripa lani niula qui'í Bernice le' yetsi Cesaréa hueni gobernador Festua saludar. ¹⁴Iyé ubitsa bitsá cą nía, acca Festua nna gutixà'anią Agripa nu cca qui' Pablua nna rą: Loti' beria Félix de gobernador nna bethà'na bi ttu nubeyu' nì preso. ¹⁵Loti' huà'a' Jerusalén nna, ca sacerdote principal lani adí canu rigú'ubia' entre ca judíua nna bita cą ru'a lua' betsia cą queja qui'í nna gunàbani cą inte' qui'ni gunia' mandado gattia'. ¹⁶Inte' nna becábini'a' cą qui'ni gobierno romano nna bihua costumbre qui'í té gunią juzgar ttu enne' para gattia' ántesca gunią presentar lani canu runi contri para gappą néda guni huá defender qui'í según queja nu rutsia cą qui'í. ¹⁷Acca de gul'lani ca judíua rutsia cą queja qui'í nna labí gulédá' sino attu yu'utsá taá de rí'a' làti runia' lu'uxtícia nna benia' mandado taxi' cą nubéyu'ą. ¹⁸Pero canu rutsia queja qui'niá nna, nì ttu falta nu belaba latsa' ya'a làa gùnne cą contri. ¹⁹Sino puru taá nu cca qui' religión qui' bá qui gùnne ca contri, ą'hua nu cca qui' ttu enne' lá Jesús pero chía gùttią, pero Pablua nna runią sostener qui'ni bání bá. ²⁰Labí ritelí tsè' te' luetsi ca asuntuį para guni ya' cą resolver, acca gunàba tìtsa'a' Pablua' canchu hua calatsi'í tsía Jerusalén para ccá lu'uxtícia qui'í nía acerca de ca cosį. ²¹Pero lą nna gunàba qui'ni emperador qui' ri'u Augusto César nna gunie lu'uxtícia qui'í. Acca benia' mandado qui'ni eyà'na chì' tí'bą preso hasta qui'ni ithél'la' ya' ą ru'a lo emperador.

²²Làniانا rey Agripa nna rą Festua: A'hua inte' nna càhua látsa'a' iyeni te' inne nubéyu'a'. Becàbi tè Festua: Guxtíla tè iyénini cuią'lu' ínniá. ²³Attu yu'utsá nna yala tsè' beni cą recibir rey Agripa nna Bernice nna, lani banda de guerra l-le làni ca músico l-le guta'a cą le' salón xéniá. Dia tehuá ca jefe militar a'hua adí canu re' cuenta qui' yétsiá nna. Festua nna beni tią mandado taxi' cą Pablua.

²⁴Làniانا ra Festua: Cuią'lu' rey Agripa, a'hua iyaba adí cuią'le ca enne' chi betùppa ni anna: Nì bá du nubeyu' nu beni iyetse' ca judíuą' demandar lani inte', tàntua le' Jerusalén a'hua nì ribetsi ya'ání cą qui'ni labiru dani nubéyu'i ccabàniá. ²⁵Pero gutelí te' qui'ni bihua biya delito ni benia nu dacca gattiniá. A'hua la'a labá gunàbaniá inte' qui'ni ithél-la' ya' a ru'a lo emperador qui' ri'u Augusto César para guni bi lu'uxticia qui'i. Acca chi guléqquia' látsa'a' ithél-la' ya' a lani e. ²⁶Pero labí nabia' tsè' te' nu cca qui' nubéyu'i para gudiánia' señor emperador qui' rí'ua, acca chi benia' mandado taxi' cą nubéyu'i ru'a lo cuią'le, especialmente ru'a lo cuią'lu' señor rey Agripa para qui'ni iyénini cuią'lu' nu iná. A' modo nna ccá' saber biya gudiánia' emperador. ²⁷Porqui'ni bíca'huá gulue' tsè'ni emperador canchu ithél-la'a' ttu preso lani e sin qui'ni làa quíxa'a' biya qui'ni acca runi cą contri.

26 Làniانا rey Agripa nna rą Pablua: Gùnne ba ti'iya ná nu runi lu' sostener. Pablua nna gulitha tè ná' bi para thulo bi inne bi nna ra bi: ²Yala redacca' látsa'a'

qui'ni té ttu oportunidad inniá' tuchùppa titsa' ru'a lo cuią'lu' señor rey Agripa, para gunia' defender quia' iyaba nu chi ra ca judíuą' contra inte'. ³A'hua porqui'ni hua nabia' bání cuią'lu' iyaba ca costumbre qui' intu' ca enne' Israel, a'hua ca enseñanza nu runi tu' discutir. Acca ratta'yúà' qui'ni gudà naga' cuią'lu' quia' lani paciencia. ⁴Iyaba ca judíuą' nna bien ba yù cą qui'ni entre làba cą biyenía' látsi ya'a nna a'hua le' Jerusalén nna dèsdeba ná' huatsa. ⁵Hua yù huá cą qui'ni dèsdeba ná' huatsa nna uccua' fariseo, grupo nu adiru estricto ná cą le' religión qui' tu'. ⁶Annana porqui'ni té confianza quia' eyátha canu yatti de lo lù'uti tì'a beni Tata Dios prometer lani ca tà' tàta qui' tu' gùtse'le tiempo antigua, acca taxi' cą inte' ru'a lo cuią'le. ⁷Iyaba tu' ca descendiente qui' tsì'nu ca yi'ni Israel nna ribèda tu' ilá'ni tu' cca cumplir promesí; por nui nna iyaba ca enne' de raza quia' Israel nna runi cą Tata Dios adorar, a'hua runi cą ne servir la' réla la' ritsá bá. Porqui'ni runi ba' sostener promesí, acca runi ca judíuą' contra inte' ya, señor rey Agripa. ⁸Tsí bihua ríalatsi' le qui'ni Tata Dios nna huaccanie rechithèe canu yatti. ⁹La'a mísmuba inte' nna belaba látsa'a' ttu cuaýa nuá qui'ni dà te' gunia' contra canu ríalatsi' quí Jesús enne' Nazaret. ¹⁰Aníaba benia' le' Jerusalén. Lani permiso nu benna ca sacerdote principal quia' nna, nuýetse' ca creyente bedál-la' litsi' iyyá. A'hua yala redacca' te' loti bilá' te' betti cą cabi. ¹¹Iyé vuelta tsè' nna beni ya' cą castigar para inne cą contra

Jesucristua. Anía bethácca' ya' cą le' ttu ttu ca sinagoga. Yala yítsi' benia' lani cą nna betsía látsa' ya' cą hàstaá le' ca yetsi canu anta' idittu'.

¹²Aníaba tsialátsa'a' gunia' loti' dí'a' para ciudad Damáscua' núa' orden nu benna ca sacerdote principal lani inte'. ¹³Áccaÿa señor rey Agripa, méruani lahui' tsáa nna chì' taáduą itsína'a' Damáscua' nna, bilá' te' ttu la'yani' qui' ÿiabara' nna adila fuerte uccuą tì'chu la'yani' qui' bitsą' nna, bedàni'ą ita'lùbani inte' nna ą'hua canu dia lani ya'a nna. ¹⁴Iyaba tu' nna gubixi chì tu' loyu nna biyeni te' tsì'i ttu enne' rul'luítse'e inte' lani titsa' hebreo nna rèe: Saulo, Saulo, biánicca rutsia latsi' lu' inte' nì'i; la'a lu' ba runidí' qui' lu' por nu runi lu'ą, tì'a ttu gù'na canchu chi redúdítsią nna rúdé nì'į punta qui' yarrucha. ¹⁵Becàbi tìà' nna nia': Núní lu' nuą' Señor. Becàbie nna rèe:

Inte' ná' Jesús enne' rutsia latsi' lu'. ¹⁶Beyátha nna bedúni, qui'ni lu' ba chi ríà te' para guni lu' tsina quia' nna quixá'a lu' acerca de inte' nna ą'hua acerca de nu chì' gúlu'érunia' lu' bitola. ¹⁷Ca judío nna ą'hua ca enne' qui' adí ca nación làti ithél'la'a' lu' nna gutsia làtsi' quį lu', pero inte' nna gudilá'a' lu' làtsi' ná' quį. ¹⁸Rithél'la'a' lu' entre làcą para qui'ni gudà naga' quį qui' lu' nna iyàlia la' riyeni qui' quį nna eria cą le' la' chul'la nu yù'u cą nna thá' cą le' la'yani' nna, para qui'ni eria cą làtsi' ná' numalua nna tanó cą Tata Dios nna gata' fe qui' quį lani inte', làniana eyuniyén látsa'a' ca tul'la' qui' quį nna ga'l'la' cą ttu lugar nu gutie qui' ca enne' chi beni nàrie.

¹⁹Áccaÿa señor rey Agripa, bíttuhúa uccua'a' cabezudo nu ra Enne' dua ÿiabara' inte'. ²⁰Sino qui'ni luegu taá gudúlua' benia' predicar. Huà'a' priméru te ru'a lo canu tsè'e Damáscua', làniana ru'a lo canu tsè'e Jerusalén, ą'hua le' ituba región Judea hàstaá làti anta' adí ca nación qui' ca enne' labí ná raza judío. Gutixa'áni'a' iyaba cą qui'ni dani cą guni cą reconocer qui'ni ná cą enne' tul'la' nna tanó cą Tata Dios nna guni cą nu ná tsè', seña de qui'ni chi bettsiání la'labàni qui' quį. ²¹Porqui'ni riquixà'a' evangelio lani iyaba ca enne', acca ritsa'áni ca enne' judío inte' nna calatsi' quį gutti cą inte'; acca bedàxu' cą inte' loti' dua' le' templua. ²²Pero lani cualani qui' Tata Dios nna runi bá' seguir hàstàa anna riquixa'ánia' iyáyiate ca enne' evangéliuį. Bihua riquixà'a' nu làa bedia ca profeta nna Moisés nna acerca de nu ná qui'ni ccá. ²³Tulidàba riquixa'ánia' iyaba ca enne' ca titsa' nu bedia ca profeta qui'ni Cristua nna uccua duel'la' quée padecer nna gattie, ą'hua lèe nna uccue priméru te enne' beyátha de lo lù'uti. Riquixà'a huá' qui'ni chi gutixè'e ca titsa' tsè' cubi de la'yani' para espíritu qui' ca enne', tàntua para ca enne' Israel ą'hua para ca enne' qui' adí ca nación tì'a chi ra ca profeta chía gutsá. ²⁴De beni Pablua defender qui' bi anía nna gùnne Festua iditsa tsè' nna rą: Locu bá cca lu' Pablo. Nu tantu telá chi yù lu' nna runią lu' locu. ²⁵Becàbi Pablua nna ra bi ą: Álahua locu cca inte' señor Festo, sino nu rinnia' nna ná lígani.

26 A'hua rey Agripa enne' re' nì nna tsè'ni nabia'ni bi ca cosj, acca lani confianza ba riquixa'a' ca tìtsi'ì ru'a lo bi. Hua yú bá' qui'ni nabia' huáni bi iyate nu chi gutixa'ánia' cuiq'le acerca de Jesucristua, porqui'ni nu beni Jesucristua nna labí nq nu ùccua gàttsi' bá. 27 Làniana ra tè Pablua rey Agripa: Cuiq'lu' rey Agripa, tsí hua ríalatsi' cuiq'lu' nu bedia ca enne' uccua profeta. Hua yú bá inte' qui'ni ríalatsi' cuiq'lu'. 28 Rey Agripa nna ra tìq Pablua: Atitó' taá làa rurèxae'l-la' lu' inte' para ccá' cristiano. 29 Pablua nna ra tè bi: Canchu atitó' taá o i'jeni tse'éru l-le reyàtsa, pero la' rinàba quia' lani Tata Dios nna es qui'ni aláa tsuq' teruba cuiq'lu' tsíalatsi' sino a'hua iyaba ca enne' tsè'e nì nu rudà naga' cabi quia' nna ccá huá cabi cristiano tì'a inte', pero bíttuá lani luetsi ca cadenì. 30 Beyacca gùnne Pablua ca tìtsa'a nna, làniana bedulí rey Agripa lani Bernice, a'hua gobernador Festo lani iyaba canu yuàni nía. 31 Làniana huía tè cã yà'latsi' nna gùnne cã acerca de Pablua nna ra luetsi qui: Labí biya mal ni beni nubéyu'a' para qui'ni ccã sentenciar gattiq' nìdiruba para gatta'a litsi' iyyà. 32 Rey Agripa nna rã Festua: Nubéyu'a' nna l-lá bã cáalá bíttuá gunàbã tsíq ru'a lo emperador para gunie lu'uxtícia qui'ì.

27 De chi gùnne lettia cã ithè'l-la' cã intu' le' nación nu lá Italia nna, bete cã Pablua cuenta a'hua átuchúppa ca preso lani ttu capitán láq Julio nu bána'ni ca soldado qui' ttu batallón láq Augusto. 2 Gutè'l-la' tu' ttu barco

nu dá' le' yetsi láq Adramitio nna díq para ca yetsi anta' tsárú'a indatò' qui' región Asia. Dá' huá Aristarco lani intu'; uccua bi nu yetsi Tesalónica nu re' le' región láq Macedonia. 3 Attu yu'utsá nna bitsina' tu' yetsi Sidón. Nía nna yala betúalatsi' Capitán Júliua Pablua, acca be'è'l-la' bã bi tanè'l-le' bi ca amigo qui' bía nna beni cabi Pablua atender. 4 Làniana gutè'l-la' tu' bárcuá attu nna gutè' tu' luítta' isla Chipre ri'q lado ná' yatti la tu'. Labí uccua ttsá' tu' derechu taá porqui'ni yala fuerte du bè'a contra la barco qui' tu'a. 5 Gutè' tu' lo indatò' frente taá làti riyè'l-la' yúbitsi qui' ca región Cilicia nna Panfilia nna. Làniana bitsina' tu' yetsi Mira ri'q ttu lugar láq Licia. 6 Nía bá tsè'e tu' nna gùl-lani ttu barco dá'q de ciudad Alejandría nna díq para Italia. Capitán Júliua nna beni chiã mandado gá'a tu' le' bárcuá para guni tu' seguir viaje qui' tu'a. 7 Iyè ubitsa tsè' gùda' tu' lo indatù'a bétsi tó' rúbá dia tu'; nibàni bitsina' tu' frente taá yetsi láq Gnido. Átsi'í àtsà ba du bè'a contra la intu', acca bè' tu' vuelta hasta làti re' ttu isla xeni láq Creta nna gutè' tu' frente taá yetsi to' nu la Salmón. 8 Beni bá tu' seguir tsácuítta' isla bá nna nibàni bitsina' tu' ttu lettia láq Buenos Puertos exa taá làti re' ttu yetsi to' láq Lasea. 9 Yala iyé ubitsa chi uccua yù'u tu' néda puro lo inda bá, a'hua yala peligro chi dua lo tu' para guni tu' seguir viaje qui' tu'a porqui'ni chi debiga' tiempo iyya. Acca Pablua nna bete bi ttu consejo qui' qui' nna, 10 ra bi: Señores, ritebé' te' qui'ni yala peligro dua

lo ri'u canchu guni ri'u seguir viaje qui' rí'ui, porqui'ni gunitti ri'u aláa tsua' teruba bárcuį lani ca yù'į sino hàstaá ri'u xiabachu gatti ri'u le' indį. ¹¹Pero Capitán Júliua nna adila bedà nàgũ'į qui' nu rùtha' bárcuá a'hua qui' xana' qu'į' tì'chula nu ra Pablua. ¹²A'hua Buenos Puertos nna huáyia' gáabá tsè' náą para tsè'e cabi nía tiempo iyya, acca iyate gáabá cą nna ra cą: Adila tsa' bíttuá cueda ri'u nía, sino tté taá ri'u canchu huatsina' ri'u Fenice nu ná ttu yetsi adiru tsè', nía bá gútte ri'u tiempo idil-la'. Fenice nna náą attu puerto ru'a taá isla Creta rinna'a lado norte nna sur nna.

¹³Làniana gùdulo biria ttu be' suave ba dá'a lado sur la, acca belaba latsi' quį qui'ni tsè'ba cca tiempo para guni cą seguir, acca gùdà' tè tu' nna dia tu' tsácuitta' bá isla Creta. ¹⁴Pero titó' tegárubá gudà' tu' nna làniana gùl-lani ttu be' fuerte ni lado norte la nna gutáttsa'a bárcuá. ¹⁵Bè'a nna gùdulua gùtè'ya bárcuá. Làniana labiru gudá tu' guni tu' seguir porqui'ni yala fuerte du bè'a contra tu', acca be'èl-la' bá tu' a' íchi'a intu'. ¹⁶Beni bá bè'a seguir gùtè'ya intu' nna, bitsina' tu' exa bá làti re' ttu isla xcuichu to' láą Claudia. Nía nna alá tegá fuerte ba du bè'a, acca beyèl-la' tu' barco xcuichu to' nu nèl-la' barco xeni nu yù'u tu'a, nibàni betèl-la'ni tu' a. ¹⁷Bedi'yu diba tu' barco xcuichu tú'a le' barco xenia nna, be'yìgà' cą ita'lùba barco xenia làni ca rrieta para qui'ni bárcuá nna ega'ną tsittsi. Làniana yala chi rátsini cą qui'ni bè'a nna

íchi'a bárcuá hàstaá ttu lugar láą Sirte làti re' yúyi nu náą peligroso para ca barco; acca bechida cą ca lári', quiere decir ca vela qui' bárcuá nna, be'èl-la' bá cą bárcuá iche' bè'a na. ¹⁸Attu yu'utsá nna anía bá cca iyyabe' fuérteni, acca gurù'na cą ca yùà' qui' bárcuá le' indatù'a para tsátsi' idil'i qui' bárcuá. ¹⁹Nu cca tsùnna ubitsa nna, pues hàstaá ca cosa nu ruquina' bárcuá nna gurù'na tu' cą lani propio gani ná' tu' le' indatù'a. ²⁰Iyé ubitsa tsè' nna labiru bilá'ní bitsa' nihua ca bélia. De tántuání fuerte cca iyyabe'a nna chi ricuátha ná'nibáni bárcuá hàstaá uccuani tu' qui'ni labiru l-lá ttu'. ²¹Iyé ubitsa gutè labí gutè ttu'. Làniana gùnne Pablua nna ra bi cą: Señores: Cáalá biyéni báni le quia', bíttuá biría ri'u le' isla Creta nna lahuábí táttsa' ri'u ca pelígruį nihua lahuábí gunitti ri'u ca yùà' qui' bárcuį. ²²Pero annana ligappa la'yeni, porqui'ni nú ttu huá nuya ttu ri'u gatti, sino tsua' bárcuį teruba gunitti le. ²³Hua yúá' nui porqui'ni cçà'a' pertenecer lani Tata Dios enne' runia' servir nna guthèl-le'e ttu ángel ru'a lua' bitsiàlà nna ²⁴rèe inte': Pablo, bittu gátsini lu', porqui'ni naduel-la' itsina' lu' ru'a lo emperador romano, a'hua por lu' nna gudilà Tata Dios iyaba canu yù'u lani lu' le' bárcuį de lo lù'uti. ²⁵Acca ya señores, bíttuúru gátsini le porqui'ni rappa' confianza lani Tata Dios a'hua yúli rània' qui'ni cçá tì'ba nu chi ra ángelia inte'. ²⁶Pero caduel-la' ya qui'ni táttsa' ri'u lani ttu isla.

²⁷De uccua sto'obitsa qui' tu' yù'u tu' le' bárcuá nna, dàa bá

tu' lo indatò' nu lá Adriático. Làniana ttú ríluela yèlà ti'gá nna bethácca'bia' latsi' ca marinérua qui'ni chì' tegáabá ritsina' tu' yúbitsi. ²⁸Bedàl-la tè cą tùu le' inda para gurixibia' cą tsaliáya itettia ri'ą nna, uccua cą saber qui'ni chùà' èthà ti'gá ri'ą tettia. Gudà' tè bárcuá átitó' nna berixibia' cą attu nna uccua cą saber qui'ni re' inda gá érua' èthà ti'gá tettia. ²⁹Yala rátsina cą qui'ni tatil-la bárcuá lani ca íyyá; acca gulída cą tappa ca íyyà idi'íní, quiere decir ca ancla, dacca' cuè'e lá bárcuá para qui'ni bárcuá nna bíttúuru guniá seguir. Làniana yala chi rél-li'áni cą tsáni'. ³⁰Ca marinérua nna uccua latsi' qui' iria cą le' barco xenia, acca gùdulo tè cą richída cą barco xcuichu tú'a lo inda, beni cą ti'atsi ilída cą adí ca ancla le' inda lado ru'aló lá bárcuá. ³¹Pero Pablua nna ra tè bi capitán Júliua lani ca soldado qui' niá: Canchu ca marinérua' iria cą le' bárcuį para ucuitta cą le' barco xcuichu tú'ą' nna, entonces hualigani qui'ni lebi'i nna ni bá gatti le. ³²De biyénini ca soldádua ca títtsa'a nna guchu chì cą ca rrieta nu yíqquianí barco xcuichu tú'a nna bequinnia cą na le' inda. ³³De chi dá' rànì'a nna gunèni Pablua iyaba cą attu nna ra bi: Chi uccua chùppa semana tsè'e le làa ra'áthi le nna làa ro le nna. ³⁴Acca ratta'yúnia' le qui'ni go tí' le para qui'ni gappa le fuerza nna bittu gatti le. Pues nidí ttu itttsa' iqquia le làa nítí. ³⁵De beyacca ra bi anía nna, guyi' bi ttu ettaxtila nna gunàba bi bendición lani Tata Dios ru'a lo iyaba qui, làniana gùla'a bi ettaxtila nna

gùdulo bi ro bi. ³⁶Iyaba cą nna huadi chia latsi' qui' nna gutò huá cą. ³⁷Iyaba tu' canu yù'u le' bárcuá nna uccua chùppa gayua' gayùna' tsiyuppa tu'. ³⁸De beyacca gutò yeliáni cą nna, làniana bedàl-la cą iyaba ca úxtali yua'xtíla le' indatù'a para tsátsi' adí idì'i qui' bárcuá.

³⁹Huàni' bá nna labí bedácca'ni ca marinérua gaýa ru'a loyu ni nuá chi dàa tu'. Bilá' tènì cą ttu entrada qui' ca barco làti re' iýeni yúyi, acca belaba latsi' qui' guni cą duel-la' canchu huacca ibíga' bárcuá nía làti làa anta' ca íyya xeni. ⁴⁰Guchu tè cą ca rrieta nu yíga'ní ca ancla nna bethà'na cą cą le' inda lani rrieta qui' caniá. Bethàtsi huá cą nu yíqquianí ca remo nu ruquina' ca barco para thá' cą tulíyiaba. Làniana gulítha cą lári' dacca' ru'aló lá bárcuá para qui'ni be' nna gutsíga'ą na para yúbitsi. Gùdulo tè bárcuá ribíga'ą ru'a yúbitsiá. ⁴¹Pero nía nna tàttsa' bárcuá làti dàa chùppa corriente qui' inda nna biyàda tè dacca' ru'aló lį le' yúyiá, labiru uccua ttą. A'hua dacca' cuè'e' la bárcuá nna de una vez tení chi ritappa'a de tántuání idí' ritsé'e indatù'a látį. ⁴²Làniana uccua latsi' ca soldádua gutti cą iyaba ca présua para qui'ni làa gurùbà cą inda l-lá ccą nna ucuitta cą le' làtsi' ná' qui. ⁴³Pero capitán Júliua nna yala uccua latsi'į gudilą Pablua, acca labí be'él-la'ą cą guni cą tì' calatsi' qui, sino beniá mandado qui'ni canu ccani gurùbà nna itttsá cą le' inda para itsina' cą yúbitsi. ⁴⁴Ra huá qui'ni canu làa ccani gurùbà nna thí' cą ca tabla o bíyaáru canu belaga ruquina' bárcuá nna xua

ca lo qui para itsina' ca yúbitsi. Anía modo nna gulà iyaba tu' nna bitsina' tu' yúbitsi.

28 De chi gulàa iyaba tu' lo pelígrua nna uccua tu' saber qui'ni isla nna láq Malta.

²Canu nía nna yala tsè' beni ca intu' tratar. Becùà' ca iýeni yí' para etsa'áni tu' porqui'ni yala ni idil-la' cca, a'hua yala redàa iyya nna.

³Pablua nna betùppa tè bi tuchùppa yà bitsi. Tiémpua de rutsia bi ca lo yí'a nna beria ttu bèl-là le' yahuàga para ucuittaniq yí'a nna gul-lá'q ná' bí. ⁴De bila'ni ca enni'a qui'ni bèl-là nna nàl-la' b́q ná' Pablua, acca ra tè luetsi qui: Nubéyu'í nna màsqui'ba chi gulàq lo indatù'q' nna, pero áya nq ttu nu huetti enne' acca cca merecer luetsi castíguí nna gattiq.

⁵Pero Pablua nna becuíbi ná' bi nna binnia tè bèl-là lo yí'a. Labí biya uccuani Pablua. ⁶Iyaba ca enni'a nna uccuani ca qui'ni chatha taá bi yíi nna gatti bi. Itsá tsè' gulèda ca nna bila'ni ca qui'ni bihua biya mal ni ridacca' bi, làniana bettsiáni la' rulabalatsi' qui' qui' nna ra ca qui'ni Pablua nna ná bi ttu dios nu dá' de ýiabara' según creencia qui' caniá.

⁷Exa taá nía nna anta' ca loyu qui' ttu ène'yu' láq Publio nu rigú'ubia' le' isla. Nubéyu'a nna beniq intu' invitar nna yala tsè' beniq intu' atender le' litsi'í durante tsúnna ubitsa. ⁸Mérua lánia nna yala fuerte té tàta qui' Públiua yu'q ýil-lá nna cca huè' réni nna. Huía tè Pablua nna beni bi oración por la nna betsia ná' bi iquí nna beyacca latsi'í. ⁹Nuá bá bina adí ca enne' ra'ni tsè'e le' isla nna huía chì ca ru'a lo Pablua nna beyacca latsi' qui.

¹⁰Làca nna yala guyú'u latsi' qui por nu beni tu' nna benna ca iýetse' ca regalo qui' tu'. A'hua loti' gùl-la' tsá eda' tu' nía nna benna ca iyate nu riquina'ni tu' lo néda.

¹¹Gùtse'e tu' lani ca enne' isla Malta tsúnna biú'. Làniálá nna gutà'a tu' le' ttu barco dá'q de ciudad Alejandría, porqui'ni le' isla huá gùtse'e ca marinérua miéntraste gutè tiempo iyya. Barco nu dia tu'a nna dua figura qui' ca dios qui' qui' nu lá Cástor nna Pólux nna ru'a lúí según creencia qui' ca marinérua. ¹²Bitsina' tu' yetsi láq Siracusa. Nía nna bitsá tu' tsúnna ubitsa. ¹³De nía nna beni bá tu' seguir tsárú'a yúbitsi qui' isla xenia láq Sicilia, làniana bitsina' tu' Italia làti re' yetsi nu lá Regio. Attu yu'utsá nna gùl-lani be' lado sur la. Nu cca chùppa ubitsa nna bitsina' chì tu' attu yetsi láq Puteoli. ¹⁴Nía nna betsà' tu' ca hermanos nna beni cabi intu' invitar eyà'na tu' nía ttu semana, lànialá nna hua' tu' néda yúbitsi para ciudad Roma. ¹⁵Ca hermanos tsè'e Roma nna de bina cabi qui'ni chi dia tu' nía nna, bitá cabi talèda cabi intu' néda hàstaá ttu lugar láq Appius làti cca i'ya. Adí ca hermanos nna ribèda cabi intu' attu lugar láq Tres Mesones. De bila'ni Pablua ca hermánua nna beyacca tabáni latsi' bi nna bè' bi gracia Tata Dios nna gùppa bi adí ánimo.

¹⁶Bitsina' bá tu' le' ciudad Roma nna bete taá Capitán Júliua ca présua cuenta làtsi' ná' jefe qui' campaméntua. Pero Pablua nna bete bá ca permiso qui' bi thúa bi yà'latsi', pero siempre bajo

vigilancia qui' ttu soldado. ¹⁷Uccua bá tsúnna ubitsa tsè'e tu' Roma nna gutàyi Pablua ca judío principal tsè'e le' ciudadad. De chi betùppa cą nna ra tè bi cą: Hermanos, inte' nna bihua biya benia' contra ca costumbre nu bethà'na ca tà' tàta qui' rí'ua, atsi'íni bedàxu' cą inte' preso le' Jerusalén nna bete cą inte' cuenta latsi' ná' ca enne' romano. ¹⁸De guyi' canu rigú'ubi'á inte' declaración nna, bihua biya razón ní betseláni cą para cuequia cą sentencia quia' gattia' nna uccua lá latsi' qui' gudilá cą inte'. ¹⁹Pero ca judíua nna gùdudísi bá cą qui'ni làa l-láa', ą' modo nna uccua' obligar gunába'a' qui'ni emperador nna guni bi lu'uxticia quia', pero álahua para gunia' contra ca uxticia qui' ca paisano quia'. ²⁰Acca por nui nna gutáyi'a' le para ilá' te' le nna huí'a' titsa' lani le. Precisamente porqui'ni ríalátsa'a' nu beni Tata Dios prometer lani ri'u ca enne' Israel, acca yiiquia' cadéni. ²¹Làniana ra tè cą Pablua: Bihua carta nì'i gul-lani qui' ca enne' qui' ri'u tsè'e Judea acerca de nu cca qui' lu'. Nìhua nuya ttu enne' judío raza qui' ri'u chi gùl-lani de nía nna gùnniá biya mal contra lu'. ²²Pero calatsi' tu' iyénini tu' ti'lya ná la' rulábalatsi' qui' lu'. Nu yù teruba tu' acerca de religión cúbiá' nna es qui'ni itú lettia bani rinne ca enne' contri.

²³Làniana bedu cą ttu tsá señalado para tsia cą gudà naga' qui' qui' Pablua. Bitsina' tè ca enne' yétse' làti re' bi. Gùdulo tè bi dèsdaba díla hàstaá de diál'lalá gutixà'ani bi cą acerca de Tata Dios

nna la' rigú'ubia' quì'e nna, ą'hua nu ra lo ley nu bethà'na Moisés nna ą'hua nu bedia ca profeta nna, ą' modo beni bi duel'la' gurèxaèl'la' bi cą qui'ni tsíalatsi' qui' qui'ni Jesús nna née Cristo. ²⁴Ttu te cą nna bedà naga' qui' nu gutixà'a Pablua, pero attu te cą nna bittu tení huíalatsi' qui', ²⁵porqui'ni bihua tulappa uccua la' rulábalatsi' qui' qui' por nu gutixà'a Pablua, acca gùdulo cą reria cą. Làniana ra tè Pablua cą: Hualí báni Espíritu Santo loti' gutixà'anie ca tà' tàta qui' rí'ua ca titsa' nu ra lo libro nu bedia profeta Isaías nna rèe:

²⁶Lu' nna tsía lu' le' yétsiá' nna gùtsi canu tsè'e nà' qui'ni: Màsqui'ba iyénini le, pero labí ttélini le, Màsqui'ba tétsuní inna' le, pero labí ilá'ni le.

²⁷Porqui'ni ca enne' tsè'e le' yétsi na yala duro ná losto' qui', Acca de riyénini cą, yala tàbi cani cą nna bethàya lo qui', Labí calatsi' qui' ilá'ni cą, nìhua para gudà naga' qui' nna ttélini cą nna, Tsíalatsi' qui' para qui'ni eyùni ya' cą.

²⁸Acca hermanos israelitas, ccá le saber qui'ni Tata Dios nna chi guthèl'le'e ca titsa' de salvación qui'e lani ca enne' qui' adí ca nación lá, pues làcą nna gudà naga' qui' evangelio nu ríquixa'á'. ²⁹Beyacca diba ra Pablua ca titsa'a nna deyya tè ca judíua nna yala discutir beni cą entre làba cą acerca de nu gutixà'a bi nna gutìl'la luetsi qui'.

³⁰Pablua nna gutiya bání bi ttu yú'u làti gùdua sà bi por chùppa

ida. Nía nna beni bi recibir iyáỹiani
canu tanàba titsa' çà bi nna, ³¹beni
bi predicar dacca'ló taá nu cca
qui' Tata Dios nna la' rigú'ubia'

quì'e nna, gutixà'a bi nu cca
qui' Xana' Ri'u Jesucristua. Lanú
nuỹa bethàga'a bi de riquixa'a bi
evangelio.